



BIBL. NAZ.
VITT. EMANUELE III

XVI

G

49

NAPOLI

del Dottore

G. Sansevero


XVII

S

49







172
SANCTORII SANCTORII

JUSTINOPOLITANI DOCTORIS MEDICI,
ET MEDICINÆ OLIM PROFESSORIS
PRIMARIJ IN LYCÆO PATAVINO

DE MEDICINA

STATICA

APHORISMI.

Commentaria, notasque addidit

A. C. LORRY.




NEAPOLI MDCCLXXXIV.

XXXXXXXXXXXXXXXXXXXXXXXXXXXX

APUD VINCENTIUM URSINUM
Expensis Josephi de Lieto.

Superiorum permissu.



ANTONIO VILLARI

VIRO INTER MEDICORUM FILIOS
SATIS SPECTATO

ELEGANTIORUM DISCIPLINARUM CULTORI
STUDIOSISSIMO,



Audabilis fuit ab antiquis
ducta temporibus consue-
tudo, ut si qua doctarum
mentium lucubratio publicæ luci ali-
quando traderetur, aut eadem iterum
for-

forte edenda esset, Patronus quis ad-
scisci solet, tum ut ex hujus digni-
tate debita laus operi compararetur,
tum ne dente illud maledico carpere-
tur, aut male feriatorum invidiam su-
biret. Qua de re in operis nuncupa-
tione duo omnino præstanda, ut &
merita probatione dignum censeatur,
quod dedicetur, & is, cui sistitur, fa-
mæ celebritate emineat, justusque re-
rum æstimator sit. Jam vero opus
undique laudibus exceptum, iterum-
que, quum perrarum ob ejus præstan-
tiam factum sit, recudendum, *Sancto-
rii Sanctorii De Medicina Statica Apho-
rismi*, NOMINI TUO dico. Late-
ra sane me deficerent, si ejus laudes,
quibus ubique Europa personat, per-
censere tantum vellem. Enim vero
Auctor hic, eximium patriæ decus,
postquam annos plures in Academia

Paravina docendo inter plausus infum-
fit, *Librum hunc* Arabum gazis pre-
tiosiores typis mandavit, ubi *de in-
sensibili perspiratione* argumentum no-
vum prorsus apud tunc temporis Me-
dicos per Aphorismos, antiquorum mo-
re, adeo distincte eleganterque per-
currit, ut mirati omnes fuerint, quod
rem tam subtilem atque involutam
tanta judicii soliditate, luculentoque
sermone, omnia ad calculum exigens
peregerit. TIBI vero maxime tantum
Opus, ANTONI VILLARI, dicen-
dum erat, TIBI inquam, qui rei
medicæ reconditura calles, qui, expe-
rientia duce, cuncta comprobas, cujus
demum studiis universa, quæ Auctor
scripsit, pulchre mireque congruunt.
Porro id non ea mente a me factum,
VIR BENE DE ME MERENTISSIME,
ut vel minimum nominibus illis, qui-
bus

bus TIBI teneor ; exsolvar ; sed ut
animi mei gratum potius iudicium ac-
cipias . Vale , & munus non pro di-
cantis persona , sed propter Auctoris
nomen acceptum habeas . Neapoli po-
stridie Idus Januarii 1784.

Nomini Tuo Devotissimus
Joseph de Lieto

ILLUSTRISSIMO, ET EXCELLENTISSIMO
GYMNASII PATAVINI
M O D E R A T O R I
NICOLAO CONTARENO
SENATORI AMPLISSIMO
SANCTORIUS SANCTORIUS.

DIU mecum cogitavi , & animum diversimode distractum habui , Illustrissime **CONTARENE**, an hæc nostra Ars Statica , nova quidem , & ante me a nemine tacta , in lucem esset promenda ? Undique erant mihi efficacissimæ rationes , quæ me varie exagitabant : ex una parte erat imperitorum , & malevolorum hominum magna acies , qui vel nova improbantes , vel subtilia non intelligentes , hanc artem , divinam licet , damnaturi essent : alia vero ex parte hæc me impellebant , amicorum interpellatio , & res ipsa innumeris experimentis confirmata : sed mihi humanius videbatur hujusmodi arcana in usum hominum potius expromere , quam suppressa , interque privatos detenta parietes quasi sepulta continere ; Etenim majorem laudem semper meriti fuerunt , qui præclaros artis fructus aliis sunt impertiti , quam qui domi occultatos tenere . Adhuc tamen supererant angustix , si in hoc partu caruisssem celebratissimo defensore , qui nominis splendore , eximia virtute , miroque etiam erga me amore esset affectus . Tu ille es , qui splendore , & auctoritate præfulges , a cujus consilio , & prudentia Reipubl. negotia summa cum

cum nominis tui immortalitate dependent; Qui Reipubl. administrationem cum studiis scientiarum omnium conjunxisti, quod inter cætera tua admiranda demonstrant præclara illa tua monumenta Historiarum, nec non de Cive, quæ in tuo Musæolo abdita inter quamplurimas alias tuas divinas lucubrationes publicæ literarum utilitati præripis, eorum autem editionem, ac usum omnes maximo affectu, summaque aviditate anhelamus: Tu ille es, qui me a primis studiorum exordiis in fidem, ac tutelam tuam recepisti, quadragintaque annorum fere curriculo usque ad hodiernum diem amore profecutus es; unde singulari tuæ benevolentiae, ac gratiæ accepta refero innumera beneficia tum meo, tum amicorum nomine impetrata. Accipe hanc igitur, Senator Amplissime, quam multorum annorum cursu peperisti, sæturam; eamque, qua polles auctoritate contra protervam Zoilorum catervam pro summa tua humanitate tueri, & perpetuo defendere non desinas.



PRÆFATIO

EDITORIS.

ILLARUM omnium Artium, quæ a naturæ contemplatione oriuntur, exordia infirmis primum, atque exilibus niti fundamentis, in tanta ingenii humani tenuitate, necesse est. Paulatim vero moles firmior assurgit, dum usus nova meditando extundit veritatum semina, novaque ipsis addit ornamenta. Tandem per longam experimentorum, atque observationum seriem, speciosa rerum panduntur, & evolvuntur miracula; perpetuoque naturæ contemplatoribus nascitur laborum argumentum, specie pulcherrimum, varietate uberri-

A num

num, utilitate maxime conspicuum.

Quæ ergo artes ætate posteriores sunt, eas etiam minus firmas esse, rerum ordo postulat, errorique magis obnoxias, ipsa eas sua facit novitas: si præsertim arduum, & præceps fuerit, quod ad veri fontes deducit parum cautos, iter iævium, & hæsitantes falsa deludat imagine species veri efficta, & mendax. Nulla alia in arte tot vepres evellendi, tot superandi scopuli, tot meatus extricandi repperiuntur, quot in Santoriana de Perspiratione insensili doctrina. Summe enim variabilis corporum perspirantium conditio, quibuscumque impellentibus causis cedit, & ab iis abripitur; tum congeries immensa causarum, hinc & inde irruentium, vix numerandam effectuum farraginem producit, & ingenerat.

Ælícíori succésu, nuperrimis temporibus, de vegetantium perspiratione instituta fuere experimenta. Vix enim ulla de causis quibus perpetuo mutantur animalia, firmiorem vegetabilium organismum attingit. Illa e solo nata,
& in

PRÆFATIO.

& in ipso enutrita solius athmosphæræ reguntur arbitrio. Nulla in iis captanda occasio, nullum aucupandum variabilis ingenii punctum versatile. Sed evidentes fervoris in aere, humiditatis, aut frigoris mutationes, ad vegetantis pondus vel auctum, vel imminutum collatæ, docent quantum diu exhalando ponderis amittant vegetantia, quantum noctu inhalando recuperent. Hic est illis simplex nutritionis mechanismus. Hinc frondes quotannis explicant, hinc prolem educant, & alunt, uni loco addicta, uni aeri obsequiosa.

Verum in mobilibus animalium organis longe aliter se res habet. Illa enim tot rerum imperiis vexantur. Nec moram, nec requiem sinunt incidentes undèquaque causæ. Nunc eâ motus exercet, nunc vexat fames, sitis torquet, urit cupido, terror exanimat; quæ omnes causæ nunc huc, nunc illuc, susdeque versant, sive infidiis illudant, sive vehementia frangant, sive exsuperent pervicacia. Hinc in ancipitibus utriusque regni limitibus, quo magis

ad immobilem, & uniformem vegetantium vitam accedunt animantium species, eo etiam simpliciores, & captandis experimentis sese præbent faciliores.

At homo ad sublimiora natus, quantum præcellenti sensus acumine cœtera animantium genera antecellit, tantum etiam externarum causarum impressiones sentit acutius, & earum impulsibus patet apertius. Hinc vitæ toto ordine disconvenit, mutatur in horas, ad omnia versatilis, & sibi semper tum animo, tum corpore dissimilis. Qui vero tam variabiles eventus in calculos deducere tentaverit, & in re summe mobili immobilia statuere corollaria, nihilo plus agat, quam si dederit operam, ut cum ratione insaniat.

Veniam ergo posteris concefferit Santorius ipse, si dum inventoris venerantur audaciam, rerum observatione freti recedunt ab ipso; cum præterviderit multa, deceptus in paucis, campumque, experimentis ad lancem æquam revocandis, apertum reliquerit.

Sic

PRÆFATIO.

Sic nihil est adeo evidenter demonstratum atque inhalatio, & absorptio corpusculorum per aera volitantium. Ipse prodit in urinis violæ æmulus odor, quantum a parietibus oleo terebinthinæ odorifero obductis, inhalemus. Hanc prætervidit Sanctorius. Nec mirum si potentes ejus effectus parum senseris; nondum enim innotuerat admiranda illa aquæ in vapores solutæ ad penetrandum undequaque efficacia, & elastica vis, quam sibi ex atmosphæræ commercio adscire valet. Sed rapidos ejus effectus facile pro demonstratis habebunt, qui humido in aere versari non possunt, aut uvida tractare lintea, floresve roseidos, quin aut ipsos gravis coryza corripiat illico, aut anxios reddat subita suffocatio: quæ symptomata eadem celeritate tollit, aut foci accensi virtus, aut solis irradiatio: sin minus, post multas, variasque horripilationis, & discurrentis undequaque frigoris vices, pondus inutile auferet urinæ vis ingens, aliquando perspirationi diurnæ æqualis, imo eam

quandoque exsuperans.

Hæc omnia cum perspirationis subita vi retropulsæ effectibus forsan confundi possint, verum in numerosis quæ circa humidioris athmosphæræ effectus tentavere experimentis & J. Linings, & Lionel's Charmer nulla erroris circa absorptionem nota metuenda est. Ubi enim intra unius horæ spatium, experimento in J. Linings capto Carolinæ meridionalis in aere, atmosphæra sub humida ad unius libræ pondus moles corporis increverat, afflatam ab ære externo aquam difficile est non admittere, cum præsertim a siccioris atmosphæræ halitu pondus illud intra idem tempus fuerit discussum. Nec utile est longius hic tot inhalationum exempla excitare, quæ doctissimi Simonson, & Kaw Boerrhaave congeffere. Nondum tamen scimus adhuc ipsius inhalationis leges statuere, & enodare, qua ratione fiat, ut spiritum sæpe sapius contagium, ipsa sua securos, & imprudentes felicitate, aliquando opprimat, quos nondum valuerat attingere.

Plu.

P R Æ F A T I O: 7

Plurima quidem circa aeris in perspirabile corpus actionem sagax detexerat Sanctorius : latent tamen adhuc multa accuratius perpendenda , imo & nondum intellecta . Quid agat in perspirationem humorum , dicam ; an spirituum subtiliorum , atmosphæra electricitate actiosa , aut fulgurans illa , nimisque nigricantibus horrida ? Sæpe teneris corporibus præfaga vis inesse videretur , antequam vel Barometri fidem possemus advocare . Nec dissentient podagrici , aut artubus per Chirurgiam trunci . Ne loquar hic de vix refellendis R. Mead observatis circa solis defectus , aut lunæ labores , qui corporum animalium tubulis novas inferunt formas , & proprietates illorum immutare valent .

Verum , ut a reconditis ad aperta maxime deferamur , nulla materies in *Physicis* adeo tractata , adeo observatione deprehensa , quam caloris , atque frigoris ad corpus nostrum correlatio . Nec tamen licet adhuc salubres , aut vitales utriusque limites assignare . Sic ad

ultimas Siberiæ glacialis oras, Physices amore delectus Gmelinus annotavit ad 55. infra glaciale punctum Thermometri Fahreinietiani sanissima vivere animalia eadem, quæ in clementiori Germaniæ cœlo paucis post 0. infra glaciale idem punctum gradibus, animam in campis præ frigore relinquerent. Alia ex parte, experimento, quod nullus error possit mendosum facere, demonstravit magnus Boerrhaavius, vix per pauca temporis minuta ullum animal posse ætherea frui aura in aere, quem calor ad 90. gradum ejusdem Thermometri facit æstuantem. Verum Astracani Doctissimus Medicus Lerchius vidit aerem salubriter inspirari, quem exureret gradus 110. calore scilicet atmosphæræ ad hunc gradum paulatim crescente. Imo quotidianum est affuentis Russiæ incolis Thermas ingredi, quæ ad gradum 105, & 108, incallescunt; ibi delicias illi quærunt, & natalia discutiunt frigora. Incautum tamen Di Chappe servulum calor idem pene extinxerat. Quid plura? Similia exempla

PRÆFATIO.

pla caloris salubriter immodici in actis Acad. Parisinis reperire est. Nec mirum, cum salubrem in Senegallia calorem atmosphæræ ad gradum 39. Thermometri Reaumuriani statuerit Cl. Adanson nostris in regionibus fere lethalem.

Ad subtiliorem Physicæ fibrarum sensilium structuræ intuitum, pertinent effectus enormes assuefactionis illius, quæ in habitum tracta corpus sibi fingit, sibi aptat, atque accommodat, novamque ipsi naturæ formam afflat, & conditionem.

Ipsius nulla in vegetantium, atque eorum, quæ mechanico tantum reguntur organismo naturam, potestas, aut efficacia. At in animalibus si a teneris imbuta fuerint corpora, in sanitatem ipsa vertitur, & inter species easdem maxima inducit discrimina. At in nullo alio genere adeo potenter machinationum, mores, institutum immutat, atque in homine. Hic, cum cœtera fere omnia animalia patriam sibi delegerint, extra cujus limites aut feliciter

vivere non valent, aut generandi facultatem amittunt, solus in omnibus, ad quas solis radii pertingunt, oris habitabilibus, vivit, viget, numerosam edit prolem, patriamque, & propinquos charitate prosequitur, doliturus, si ad alias etiam meliores terras, exul amanderetur; ita tamen ut quas ab enormi cœli diversitate assumit differentia, non genus, non speciem mutant, sed leves tantum in specie varietates inurant. Quantum porro in perspirationis copia abludere inter se debent, aut ultimi hominum Geloni, Boreali concreti frigore, aut impendentis solis fervore perusti Æthiopes? Hinc salubriter cutim, nudosque artus vernicis in morem, oleo inungit putridissimus Hottentotes, illinc rubore obducto terribilem sese præstare tentat pictus Caraiba, Nec hunc, aut illum ab avito more dimoveas. Aliis institutum est recens natos infantes gelidissimis immergere fluminibus, aut in nive provolvare. Nos tepore camerarum, male cauti tuemur, atque protegimus tenella

PRÆFATIO. 11

nascentium corporum stamina. At omnibus benigniori Natura mater indulgentia consulit; crescuntque omnes æque salubriter. Scilicet viget intus vis actiuosa, & per conjuratos artus diffusa, quæ moduli non unius capax, regit omnia, & scopum attingit felicissime. Ut enim calor ille, quem innatum veteres vocavere, per universum corporis ambitum æqualis ad Thermometrum reperitur in vestitis corporibus, sive rigescat bruma sævior, sive campos exurat sitientes Syrius, dum aeris calorem supplet nunc vis intima, nunc contra ipsi quasi cedit, ita præcipuæ corporis functiones belle, at novo ordine procedunt, sub mutatione quavis perseverante. Insignior sola differentia in secretionum ubertate, & forma quærenda est, quatenus altera alteram excipit, sibi que invicem suppleant amice. Quæ quidem mutationes ubi sensim sine sensu fiunt, cum latissime possint extendi, nihil est e rebus, quæ in hominem agunt, cui non possit tandem assuescere, nisi causticum illud fuerit, & plane deleterium: qua-

12 . PRÆFATIO:

qualia sunt vera, re, & nomine nuncupanda, venena; ita ut, inter exempla, quæ circa habitus inducendos afferri solent, & circumferri, nihil fere possit negari, præter vulgatissimam de Mithridate fabellam, quæ Physices legibus repugnat omnino, licet omnium pene authorum fidem sibi extorserit.

Quantum ergo ab integra, & absoluta de Perspiratione doctrina longe adhuc absumus, ex his facile est intelligere. An non igitur melius foret, infantem recens natum ad experimenta seligere. Hunc nulli corporis labores deturpant, hunc nulli affectus animi exasperant, hunc victus enutrit simplex, lacteus, uniformis. Verum attento observatori mirum videbitur, quantum perspirabilis hac in ætate humor ab adultorum perspiratione discrepet. Superficies corporis infantilis tota, lacte vix mutato turgida, illud redolet, & quasi exstillat. Superat humor ille in tenellis corporibus, & sæpe ad cutim in lamellas acescentes, & quasi caseosas concrescit. Interea urinæ acridi-

nem

PRÆFATIO.

13

nem omnem intus vitæ actione natam eluunt, ipsæque acerrimæ halitu nares pungunt vellicanti, & catheteribus argenteis maculas difficile eluendas imprimunt alte. Omnes hæ in adultis prorsus mutantur formæ: rursusque ætate senili nihil nisi tenuissimum excrementum erumpit per arida, rigida, & fere ossæa cutis flaccidioris spiracula. Hinc partes humorum antea perspirabilium crassiores exundant undequaque, sputaminum, glutinum, pituitæ crassæ, lemosæ, indivulsæ nomine. Hinc patet, nullam esse inter hominum ætates perspirationis paritatem.

Quid jam hic eandem Perspirationis proportionem quæramus, aut indolem eandem in podagricis, & illis quibus aer ille nondum fixus sub flatuum nomine, sævissimos arthritidis paroxysmos invehit, quibus addensatur tandem, & cretam in animalem concrescit? Quantum mutata est perspirabilis humoris ubertas, in hypocondriacis, & hystericis, quæ libras quinque, aut sex urinarum intra parvulum temporis inter-

tervallum profundunt; cutis interea illis exsucca, & arida, speculis vel nitidissimis apposita, nullam ipsis imprimit maculam. Cætera de genere hoc exempla afferre, & ponderata seorsim expendere, difficile est, & inutile: sed omnia hæc novis laboribus campum sufficiunt, ita ut in arte statica dici possit, labori fabrum prius defuturum, quam fabro laboris materiem.

Artem ergo illam quicumque patienter sectari voluerit, materiem non omnem suscipiet exhauriendam. Sed nunc electrifato corpori stateram apponet, videbitque quantum perspirationi faveant effluxus illi materie illius per universum totius globi ambitum diffusæ inæqualiter, & corpora penetrantis: nunc expendet quantum vomitus, quantum alvi fluxus volatilis humoris divertant. Norunt equifones, antimoni præparata equis propinata sordes ad tutum ita accumulare, ut multo plus illarum ab ipsorum corporibus strigilis deradat. Potu illo enormi, quo plures apud nos hodierno præjudi-

judicio abutuntur ; quantum vitiatur coctio, tantum & flaccescit perspiratio; urinæ interea summopere augentur, plaudente sibi ignarorum levitate. Cutis, post variolas copiosissimas, cicatricibus horrida, perspiratoriisque vasis occlusis arida, vix aliquid finit avolare. Hinc inflatio pedum, vultus, manuum, crurum, imo & femorum tumores, erysipelata: Quantum inde perspirationi decedat, utinam statera exploratrix nos edoceat. Fere omnibus ætate vigente ad decrepitam senectutem decumbentibus, cutis vitiatur, foedatur. Impetigines, lepræ, prurigines molestæ, cutis nitorem adulterant. Eadem symptomata, sed forma dissimili, impubes ad venerem nondum maturos exagitant, & vim novam prænuntiant. Glandularum turgescantium, seseque explicantium, systema tunc infertur, in corpore, potentiarum hucusque latentium, quæ mox actionem vividissimam exerent? Quanta tunc certe ad stateram forent, perpendenda, ac ponderanda? Dantur, ne etiam in rerum na-

tura substantiæ, quarum aliæ corpori applicatæ, & in illud per os, & intestina admittæ, calorem subita actione temperent, & frigus ad thermometer inducant; aliæ contra subito calorem ingenerent? Rem & ad Medicinam, & ad Physicam corporis sane maxime momentosam, experimentis fretus crediderim? Quibus omnibus indagandis, ut facilior pateat aditus, simulque Hippocraticæ doctrinæ cum recentiorum inventis concordia plenius eniteat, placuit novam Aphorismis Sanctorianis lusem ex novis experimentis, & observatis medicis repetitam, pro virium imbecillitate afferre, brevi, & non sine labore nato volumine: mox sparsa nuperiorum authorum experimenta altero volumine collecturus, si vitam dederit, & otium Deus, si benignis & consiliis, & auxiliis adjuvare non renuerit laboris hujusce mei fautor, & particeps, eximius collega Desessartz, cui plurima debere me, tum in erroribus severe reprehendendis, tum in novis suppeditandis luminibus, fateor lubentissime.

AD

AD LECTOREM SANTORIUS.

NOVUM, atque inauditum est in Medicina, posse quempiam ad exactam perspirationis insensibilis ponderationem pervenire, nec quicumque Philosophorum, nec Medicorum unquam hanc Medicæ facultatis particulam aggredi ausus est: Ego vero primus periculum feci, (nisi me fallat genius) artem ratione, & triginta annorum experientia ad perfectionem deduxi, quam consultius judicavi doctrina Aphoristica, quam Diædica describere: primo ad imitationem magni nostri Dictatoris, cujus vestigiis insistere gloriosum semper duxi; deinde id feci quasi necessitate impulsus, quandoquidem ipsa experimenta, quibus quotidie assiduus multorum annorum studiis incumberebam, ita me ad hanc doctrinæ formam Aphoristicam manu quasi ducebant, ut Aphorismos optime inter se connexos miro hoc ordine digesserim, eo plane modo, quo apes primum mel ex variis floribus delibant, & deinde in apiariis per ædiculam suarum favos elaboratum miro ordine disponunt.

De utilitate autem artis nihil dicam, cum nemini lateat, quantum in medendo ponderis habeat insensibilis perspirationis cognitio: solum hoc unicum benignum Lectorem admoni-

Bona est ratio, quæ tuam

tum vetitum, cum sic se ferant res humane, ut res novas invidia opprimere potius, quam studio illas promovere contentur, scio, multos non solum vulgares, sed etiam ex literatorum censu, non veritatis amore ductos, sed ambitionis aestro, aut vana contradicendi libidine, aut invidiæ stimulo impulsos, contra artem hanc novam insurrecturos, eamque graviter detrectaturos esse, licet ne nomine quidem tenus artem ipsam salutaverint. Verum illis omnibus, si veritatem sectari desiderant, ita satisfaciam, ut veritatem ipsam sinceram, ac puram non solum animo, & intellectu percipiant, sed oculis etiam, ac ipsis quasi manibus palpent, si modo, quæcumque de insensibilis perspirationis ponderatione, deque ejus causis, de tempore, de commodis, & incommodis, de excessu, & defectu, de aere, cibis, & potibus, & aliis sex rebus nonnaturalibus impredientibus, vel promoventibus perspirationem, & quæcumque alia in hoc libro tradidi, ea ad rigorosæ trutinæ examen revocent.

Neque fastuoso supercilio hanc trutinam parvi faciant, vel contra præstantissimam artem inania sciolorum more deblaterent, quippe eos non alio responso dignos putabo, quam postica illa Persii sanna, qui, Andabatarum more cecutientes, veritatem mordicus perosi, non sese Eubæos solum, aut Cordubenses in percipiendâ veritate, sed ineptissimos Aristarchos in reprehendenda demonstrant.

SE-



SECTIO I.

De Ponderatione corporum ad Perspirationis copiam detegendam.



INTRODUCTIO.



AMUDUDUM grandævis naturæ observatoribus, perspectum factis fuerat, & intellectum, corpora animalium. pertusa, & pervia undequaque, non conspicuo tantum rore aliquando humescere, sed semper tenuissimum, & oculos fugientem emittere halitum, qui tum universales naturæ animalis qualitates, tum proprias cuique & speciei, & individuo expr-

primeret , & contineret . Inde odora canum vis in media hominum turba heros agnoscit , & feræ semper ejusdem rimando , sectatur vestigia .

Nec minus inhalari ab animalium corpore accitas a vicinis corporibus , superincumbentis aeris auxilio , atomos , infelicia docuere contagia . Ab iis vero vel maxime intimos corporis recessus penetrari , efficacia epithematum , vaporumque mercurialium , extra dubitationis aleam posuit .

Altiori vero meditatione corporis & fabricam , & facultates introspiciens Hippocrates , mutua hæc effluviis , & inhalationum officia , ab externis ad interna , & ad ipsa vasorum , viscerum , meatuum cava , transtulit . Scilicet inde affluere , illinc absorberi non halitus tantum , sed & ipsam humorum molem agnovit , unde sanarentur contusa , crises , atque metastases fierent . Eximia hæc artis nostræ conditoris dogmata ad recentioris theoriæ jubar expressa , novisse qui voluerit , consulat summi viri Abr. Kaw. Boerhaave (de Perspiratione Hippocrati dicta) opus eximium .

Ab illa observatione , sed multo magis ab ipso corporis sensu deducta sunt famola illa apud veteres vocabula , quibus corpus , deficiente alacritate , & ad actiones facilitate , grave dicebatur . Enimvero quoties ad actiones sentimur minus habiles , quoties nos ip-

INTRODUCTIO. 21

ipsum vitæ exercitium gravat , corpus sese laborare , tristissimo sensu ponderis , experitur ; hinc , si per totum corpus diffundatur causa mali , crura , brachia , ponderosa fiunt , caput ipsum præ pondere demittitur , fatiscit , labitur . Si pars aliqua labem in se susceperit , gravat illa , & toti corpori præ pondere importuna evadit . Ponderus illud primævis medicinæ præceptoribus pro certissimo instantis morbi signo habitum , in ipsa tamen nondum culpabili sanitate , sæpius se sentiri finit , quoties nos & nobis , & aliis minus jucundos , & ad consueta vitæ officia negligentiores facit vel tristis animi affectus , vel coctionis languor , vel a non naturalibus quibuscumque causis repetenda excusatio . Sic , fiante austro , corpora experimur graviora , sic sub sicca , & frigida Boreæ aura leviores , alacres sumus , imo , etiam si dicere fas est , ad grandia capescenda audaciores .

Nec difficile est inde intelligere , quæ dici debeant graviora cibaria ? quid sit sese cibo gravare ? cur quod uni grave est , alteri possit dici leve ? cum non impressio tantum corporis in nostram agentis machinam numerari , & supputari debeat , sed etiam ipsa machinæ vis actuosa , imo & resistentiæ robur in trutina debeant expendi . Nec minus inde observator attentus nanciscetur artem , qua gravitati nunc tollendæ , nunc adaugendæ , nunc moderandæ , invigilant Me-

dicinæ procures, Hippocrates, Theophrastus (a), Galenus, Aetius, alique complures, qua quidem in arte tota recumbit adhibendorum vacuantium doctrina. Sed his nunc immorari a proposito alienum prorsus foret, ad perspirationis uberiores doctrinam proferantibus.

Huc usque dogmata hæc sensu solo iudice nitebantur, cujus in machina quam sensus regit, atque imperio premit, maximum est momentum. Nec ullus mortalium rem aliter expendi posse crediderat ante Nicolaum de Cusa, qui rarissimo de staticis experimentis dialogo, anno 1550. (b) de corporis humani ponderatione fuscè egit, & maxima medicis spondet commoda, si sensilia, insensiliaque excrementa velint ad stateram expendere.

Hic Sanctorio viam indicasse videri potest, sed non stravisse quam dumis, & vepribus obsitam sensit; sed non subiit. (c)

Sanctorius vero, sive ut seipsum vocat, Sanctorius Sanctorius, aut de Sanctoriis, medicus, & philosophus Justinopolitanus quinquaginta annis Cusæ posterior, famam sibi qua-

(a) *V. Biblioth. Photii in tract. de sudoribus.*

(b) *Argentorati apud Knoblochium ad calcem Vitruvii per Georg. Machæropæum.*

(c) *Plura similiter alia meditata Nautis, & Mathematicis objecit solvenda, tentanda, experienda, quæ, dum sagacius odoratur, negligenter deservit.*

quæsitit multiplici doctrinæ genere; acer in evellendis priscorum dogmatum erroribus, & legitima methodo medendi statuenda, Hippocraticaque arte doctissimus. Verum inter pene inanem tot authorum turbam stetisset, si non tentaminibus novis, & inveniendi studio ab hominum ingeniis tunc prætermodum alieno, omnium in se convertisset oculos, beneficiisque æternum memorandis, sibi devinxisset humanitatem.

Is enim primus thermometrum invenit, & ad usus hominum ita applicavit, dum febrilem metitur calorem, ut omnia rarefactionis phænomena videatur calluisse, & rei novitate stupentes, docuisse. Imo fixum, a quo cæteros metiretur, gradum proposuit primus. Sed nulla alia arte evasit illustrior, quam statica medicina, qua gravitatem, atque levitatem corporum viventium, ad servandam sanitatem metiri docuit inscios, & nil tale meditantes.

Hic enim mira patientia, dixerim an pervicacia, per numerosam annorum seriem, maximam vitæ partem in sella ad stateram Romanam librata transigit, ponderatis seorsum excrementis, quæ sensilia e corpore emitterentur. Hinc speciosa depromsit rerum miracula, inter inventores verè colendus, cujus a laboribus ars prorsus nova affulsit.

Nascentem hunc novæ veritatis fontem obruere conatus est, vivo adhuc authore, Obi-

Obicius, qui libello, quem Statico-mastyæ nuncupavit & in artem, & in authorem jecit convicia, quæ vel ipsa refellit authoris levior imprudentia. At melioribus excepta ingeniis authoris nostri experimenta, fructus tulere uberrimos. Hujus enim vestigia pressit, sed negligentius J. Keill Northamptoni Angliæ oppido ad 51. latitudinis gradum jacenti, medicus mechanicis, & mechanico-medicis laboribus illustris. Imo si quibusdam Anglicis scriptoribus credere fas est, plura in seipso hujus in doctrinæ confirmationem tentamina fieri voluit Carolus II. Angliæ Rex, qui ante & post exercitium, a venatione, a somno, a plenioribus epulis, a jejunio, sese stateræ commisit. Postea Parisino sub aere parum a Keillio diversa instituit Dyonisius Dodart, e Parisiensi medicorum collegio, vir ut doctrina, sic pietate insignis, qui jejunii sacri occasionem nactus, Physicæ salutaribus simul, & piis experimentis illustravit, doctus quantum inde corpora amitterent, quam brevi temporis spatio amissa refarcirent. His tamen omnibus palmam præripuit tum assiduitate tentaminum, tum sedulitate indefessa J. de Gorter, magni Boerhaavii discipulus, in frigidō, & cænofo Batavorum aere ad gradum latitudinis 51. Hic fere omnem adimplevisse doctrinam videretur si vitæ, aeris, & locorum differentia omnes ab uno possent homine observatione deprehendi. Verum qui-

cum

cumque rem sedulo diversis in locis, imo diversis in annis observaverit sub regimine & mentis, & corporis vario, diversa pariter deducet corollaria, si præsertim coctam materiem perspirabilem ab exhalantibus simplici exhalatione humoribus non secreverit. Inde enodandam, & intelligendam facile se præbet varietas, quam reperiunt, tum inter se, tum ab aliis, Dublini Bryan Robinson, Korkii Georg. Rye hic ad 52., ille ad 53. latitudinis gradum.

Novi aliquid nostro jure postulare debemus, a Joanne Linings, qui in meridionali Carolina ad 33. latitudinis gradum stateram ad usus physico-medicos adhibuit. Quanta enim esse diversitas debet perspirationis, coctione etiam pari, inter regiones, quas cursus nimium impendentis, aut acrius reflexi solis exurit, in quibus sudor numquam remitti se patitur, & labor vel minimus vires per se fatiscentes protinus exhaurit, ac vincit, & inter illa sævissimo frigore rigentia borealia loca, in quibus equis, & curribus calcantur per dimidiam anni partem annes cæteroquin rapidissimi.

Omissis tamen differentiis omnibus, quæ plus animum oblectant, quam artem promoveant, & de quibus ad varios passim aphorismos agendi sese feret occasio, quas aliunde ad sedulum revocavit examen Albertus Haller, quem advocasse laudare est; duabus tantum insistemus discrepantiis, cum in re-
mo-

motissimis a se invicem locis observata fuerint, a Bryan Robinson Dublini, & Joanne Linings in meridionali Carolina: Scilicet dari tempora anni frigidiora, in quibus, licet omnino repugnet Sanctorius, urinæ copia perspirationis copiam exsuperet; quod etiam in variabili nostro Parisiensi aere, & vivendi genere summe inconstanti licebit observationeprehendere; quoties præsertim frigus acre, & subitum, calentibus & ab aere tepenti rarefactis incidit, aut præ aeris leni perfidia, oscitantes opprimit. Tunc enim si sanitas persistet intemerata, nec vires accisæ fuerint, omnia summo impetu delabuntur ad urinam, cujus tanta exilit copia, quantam vix Italorum in beato aere vivens Sanctorius, unquam existimare potuisset.

¶ Nec minus etiam constantissima evincet observatio, quod Gorterus apud Batavos reperiit, dogma, scilicet, ut noctu, & inter pacati somni tempora minus calet ad thermometrum corpus, ita etiam illud minus perspirare: præpararique hoc tempore humorem, qui evigilantibus, vasis vi nova vegetis, erumpat summa cum violentia. Quæ vero animosæ, & spiritus delictis, Tolosæ observavit circa defectum potus J. Marcorelle, qui corpora multo reddat leviora, quod antea etiam compererat Dodartus diutius multo ad sensum a docto sacerdote vidi comprobatum, ut alibi fufius exponendi sese locus offeret. Hæc porro experimenta, sicut & alia nondum edita,

de quibus mentionem faciendi locus dabitur, nedum de statica medicina diffidentiam afferant, contra confirmationem addunt. Si enim omnia illa inter se conferantur, evincitur, semper fore, ut pro ætate, loco, tempestate varia in experiundo fiant corollaria, ipsam vero doctrinam firmam, atque demonstratam evasisse.

At dum operæ pretium quærimus, & medica sectamur commoda, id primum edocuit statera, maximam esse in genere illam, quæ per insensiles meatus invisibilis avolat, excrementalem materiam: Nec eam tamen, licet semper aliquid de corpore mortales visus fugiens erumpat, quocumque tempore esse copia æqualem, sed semper alimentis salubriter, & cum alacritate sumptis, & coctis, in robusto corpore proportionalem. Postea vero non minimi momenti illud enituit dogma, non semper cum ponderis aucti sensu consentire stateram, hanc imo sæpe sensui repugnare. Unde nova corollaria in artis augmentum deducta sunt.

Nam cum ad stateram corpus applicatur, quadruplex ejus reperiri potest conditio.

Prima est ubi ad stateram graviore sensus etiam ponderis comitatur.

Alterà ubi ad stateram graviore corpore levitatis sensus fallit jucundissime.

Nova est & tertia, si quam statera levitatem arguit, illam etiam sensus indicet:

Po-

Postrema & quarta reperitur, si te statera tibi leviozem redarguit, tu vero sensu ponderis te graviozem colligas.

His enim quatuor corporis conditionibus observatione, & ratione ponderatis, maxima Sanctorianæ doctrinæ solvuntur Problemata, & ingens in Hygieine lux oritur. Si enim quam stateram demonstrat, ipsum senserit corpus gravitatem, gravantur vires a vera, & existente Plethora. Illa vero Plethora si viribus opprimendis plures per dies sufficiat, nec aut victus abstinencia, aut nixu naturæ violento resolvatur, brevi pejorari succos necesse est; turbato enim motus ordine, turbatur liquorum crasis, citoque in cacochymiam vertitur Plethora.

Si vero ad stateram gravioribus, insit tamen alacris levitas, & ad omnes motus habilitas prompta, fausta omnia, atque felicia speranda sunt. Auctum quidem est onus, sed superant vires hosti debellando pares. Anceps tamen erit fortuna, si salubria naturæ molimina prævertat ingluvies, aut causa quælibet emunctoriis apta obstruendis.

Felici quidem augurio levitas ad stateram, cum levitate ad sensum, apparet. Res quippe vires non accisas indicat, sed citam postulât reparationem, ab externis quærendam cibariis, ista conditio. Deest enim viribus unde occupentur illæ, & brevi pondus ad sensum ab earum defectu augeretur, si non

novum ad stateram pondus ex alimentorum suppetiis facile, & prompte accederet. Sola quippe reparationi ob stare potest egestas miseranda. *Dii meliora piis.*

Pessimum est levioribus ad stateram sese graviores sentire. Deest quidem onus, sed multo magis defunt vires. Ipsa oneri est natura. Ergo damnum inflic tum est, quod reparare non valeant alimenta. In ipso suo sacratio natura ab hoste prostrata est. Adest aut morbus, aut proximum, ac vix eluctabile morbi seminium.

Plurima sunt, quæ inde in Hygieinem fluunt principia utilia: hæc enim sanitati servandæ, cum integra stat, aut instaurandæ cum labascit, invigilat. Doctrina vero perspirationis in utroque hoc scopo tota continetur. Ponderum enim, sive illud statera, sive sensus arguat, nullius est momenti, si naturam gravi affectu laborantem intuemur. Nec, cute arida, crispatisque præ erethismo vasis, regularis in febre ulla perspiratio speranda est, quæ nisi coctione peracta, & expulsa febrili materia, non reviviscit amplius. Hinc ut in ægrotantibus, & acuta præsertim febre laborantibus perspiratio nullatenus quærenda est, ita in iis, qui a morbo revalescunt, summi illa momenti est; ubi incipit ali corpus, tristesque hostilis materiæ reliquæ novum possent ex favilla suscitare incendium.

Perspiratio ergo ad naturæ leges librata ali-

men-

mentis intra susceptis, & moli excrementorum sensilium, illis in directa, his in inversa ratione proportionalis est, (ut voces a Mathematica doctrina rebus apte designandis mutuemur,) Hinc si plus alimentorum sumpseris, modo vires non opprimantur, sed ad hæc subigenda valeant, plus etiam tibi increscet perspiratio. Si minus alimenti corpori credatur, minuetur etiam illa; cessabit penitus, si absoluta fuerit inedia.

Cum porro perspiratio non solum assumptioni alimentorum, sed etiam eorum coctioni admodum respondeat, possitque, recepto in scholis vocabulo, excrementum tertie coctionis vocari; sequitur non minori evidentia, illam, ut legitima sit, certa, ac definita indigere præparatione, qua ea tantum expellantur, quæ extra propulsanda sunt, illaque ita figurata, ut mæandros vasorum sibi priorum illæsos, apte & libere superent, Hæc porro iis donata proprietatibus perspiratio, cocta, nomine Hippocratico, dici potest; id est suæ consona, & accommodata naturæ, quam si non consequatur, cruda erit, & jure dicetur. Unde patet sedulo distingui inter se separari, atque sejungi debere tum perspirationem coctam, quæ non semper, non æqualiter omni tempore fluat, sed noctu præparetur, mane facto vortice ad exitum ruat, num perpetuam illam, indefinentem, vitæ ipsius sequelam, exhalationem humorum tenuissimorum.

Ex

Ex hisce principiis recte duas agnoscemus humorum per aperta cutis spiracula fugientium species. Priorem exhalantis liquidi nomine designabimus, altera perspirationis nomen sibi vindicabit.

Prior nullo non fit tempore, a motu vitali cordis solo pendet, ei proportionem concors, si cætera fuerint paria, id est, si vasorum exhalantium oscula fuerint & meabilia, & patentia: adjuvatur a causis externis, quales sunt calor aeris, electricitas, somnus, lætitiæ moderatio. Hanc quocumque tempore, si manum terfo, politoque metallo ad-moveris, deprehendas, hanc e pulmonibus erumpentem frigus in fumum densat conspicuum. Imo si calentem manum, aut nivem, aut glaciem ad-moveris, exhalantis liquidi halitus acutiores oculos non fallit.

Altera vere Sanctioriana coctioni alimentorum soli apte responsat. Hæc est illa, quæ non omni tempore exilit, copiosior a quinque, vel a septem post cibum horis, somni habita ratione; promptior est a leviori cœna, tardior a pleniori, licet quidam alia docuerint. Statera hisce horis admota, quos prius confuderat, a se invicem secernit humores, dum copiam docet, dum causam indicat, dum effectus discernit. Tantum hisce in horis, & a somno in perpassis intra unius horæ spatium a corpore decedit ponderis! Unde non sine summo acumine non
tan-

tantum summam hujusce humoris copiam detexit, sed etiam ponderis maximi perspirationem haberi voluit præceptor noster Sanctorius.

Verum absque trutina hæc humorum nostrorum a se invicem discrepantias & ratio indicat, & observatio. Ratio quidem pleniora esse post epulas vasa satis indicat, hæc vero etiam sine ulla sensibili vacuatione depleri, & ad inediam, ac vacuitatem reduci posse, nemo est qui ignoret. Hinc enim nova ciborum necessitas ingruit; fit ergo depletio, & inanitio, a partibus, quæ dum sensus fallunt, rationem, & observationem non eludunt. Demonstratur ergo, & plene arguitur conclusione necessaria perspiratio hæc nostra. Præterea si propter aeris frigus, aut aliam quamcumque causam cutis obturetur, & quasi constipatione obdurescat, quibus præcipue horis perspiratio cocta exilit, mirum est quam larga copia urinæ latex exundet, & ille quidem sedimento albo, ponderoso dives. Demum certum est, quod iis, qui & largius epulantur, & bene concoquunt, lintea quæ cuti ipsi apponuntur multo sæpius renovanda sint, eaque, nisi cura subsit, dum a cute removentur, fordidiora sunt; quæ quidem sordes, quantum pondus addant indusiis, facile est experimentis deprehendere. Imo ea lintea, epulorum & large comessantium, aliquandiu asservata rancedinem olidam contrahunt,

hunt, & pulverem tenuissimum, sed copiosum, & foetidum excussa in aerem emittunt.

Præterea vero nonne ipsam visui, & tactui perspirationem redditam dicere possumus, cum homini a somno recenter excitato aut imperfectius concoquenti, aeris frigidi morsus, universam sanguinis molem crusta alba tenaci, mucosa inficit, quæ cum in arctissimos vasorum pulmonalium mæandros sese deposuerit, aut illo decubitu hominem perimit, aut indivulsæ, ac glutinosæ pituitæ forma, nixu ingenti exsputabitur, forma catharri. Nec novum est in arte statica, eos, qui multa, & crassa sputant, parum perspirare. Norunt illud ii, quibus paulo plenior cæna non permittitur, quin eis illico, ut verbis Hippocraticis utar, *nares impleantur*, aut, quod periculosius, pulmones.

Perspiratio igitur coctionis fœtus est, & effectus; perfecta erit si etiam coctio fuerit perfecta, sin minus, iisdem vitiis laborabit. Si defecerit, deficient etiam prorsus. Nihil ergo prima alimentorum mutatio in ventriculo ad illam confert, imo etiam ei nocet. Corpore pleniori vix aliquid primis in horis ad stateram amittitur.

Deficeret statera, rem docerent evidenter cutis ariditas, calor major exortus, urinæ aut suppressio, aut tenuissimæ, & aqueæ, in potu liberaliori, emissio. Vix aliquid tunc exhalat, si forsan exceperis penetrabiles spi-

rituum assumptorum , & summe volatiles atomos .

Nec chylo recentius admissio, sed nondum cocto plus debetur perspirationis coctæ . Si liquidior ille fuerit, ejicitur aqua superflua vel sudoris , vel urinæ sub forma . Sed ille crudus adhuc , necdum sanguinem instaurans, premi , addensari mole , principiis tenuari postulat , ut coctus dici possit . Hinc præmatura exercitatio non nutritionem tantum, sed & perspirationem impedit, principiaque naturalia violento subvertit, turbineoque motu; hinc quantum, hoc in tempore, inertia experitur natura, tantum, in labore præposito , defatigationis perſentit , linguaque præcipue, non spernendum ad perspirationis notas aucupandas organum , mucu tunc obſeſſa , crasso , crudo, indivulso, exeuntium humorum pravam crasin , amarore ingrato, sitique importuna, declarat.

Coctionis ergo peractæ tempus perspirationis hora est. Hinc licet repugnet Sanctorius, verissimum dogma & mihi constantissima observatione demonstratum , detexit statera illustrissimi J. Gorterii : minimam esse somni tempore perspirationem , præparationem ad perspirandum maximam. Scilicet, laxatis vasis minimis, & ampliore spatio, circuitus fit tardior, & lentior . At quod ad coctionem præcipue confert summa cum æquabilitate diffusus calor animalis dormientis , pluribus
gra-

gradibus, ac in vigilante, minor est. Hinc si homini statim a somno supprimatur perspiratio, retinetur illa tota, quanta est intra corpus, nisi suppleat urina; & nullo alio tempore tam infausito omine repercutitur materies ad exitum prorumpens, præparata per coctionem præviam & mere excrementitia. Hinc tantum tribuebat Sanctorius, licet hujus inscius theoriæ, illis, quæ somnum excipiunt, pandiculationibus, & oscitationibus, quæ instrumento jam in motum alacri, novos addunt stimulos. Attendant ad dogma illud, vestibulique se mane protegant, quos necessitas cogit, ut a lecto statim aerem frigidum subeant, & illi qui pharmaca purgantia incautius statim a somno obtrudunt: docti aliunde, vim ipsam catharticorum purgantem per somni laxitatem obtundi.

Quamvis autem tot sibi peculiæ, & inquilinas dotes vindicet humor perspirabilis, non tamen videtur organum aliquid sibi poscere singulare. Perspirationi coctæ, & tenuissimis tertiæ coctionis excrementis facilem exitum præbent, quotquot patent ad cutim hiantia vasorum oscula, pori, glandulæ. Nihil hic addamus eruditæ Abr. Kaw meditationi, nihil sagacissimis Alb. Halleri observationibus.

Enimvero omnia corporis organa perspirant, & humorem coctum sibi proprium exhalant, ab aliis, non natura quidem, sed

aliquot notis distinctum . Ubique sua cuique
adeſt coctio . Plus humoris ſibi omni dote
correlativi emittunt folliculi ſcrotales , in-
guinales , axillares . Alius eſt faciei , cuti
thoracicæ humorum exitus . Hinc variolæ
matribus deteſtatæ puellarum vultum adeo
deturpant , alias cutis partes vix attingunt .
Oris interni perſpirationo an non in linum ſo-
lidum , imo addenſatum , & fere calculoſum
cogitur ? ut aſparagus ingrato odore inficit
urinas , perſpirationem intactam ſinit , ſic
in multis alii odor inguina . & axillas olen-
tiora facit . Spiritus vini abuſus ſudori etiam
ſæpe ſingularem indit fracedinem . De qui-
bus authores compilaffe inutile eſt . Ulcera
ipſa ſæpe odorem ſibi ab alimentis quærunt ,
cicatrix ſola , omni deſtructo mechanismo ,
perſpirationi invia eſt . At , ſepoſita illa or-
ganorum varietate , quæ diverſitatem aliquam
formæ non naturæ humoris noſtri indunt ,
nulla adeo diſtinctione , & animadverſione di-
gna perſpirationo , quam quæ ab ore fit , & pul-
monibus .

Illa enim , quæ fit ab ingenti pulmonum
ſuperficie , circa cujus menſuram videantur
accuratiſſima Haleſii tum in ſt. rica vegetan-
tium , tum in ſtatica animalium experimen-
ta , magnam debet e corpore auferre liquo-
rum vim . Hanc ad uncias tres intra vigin-
ti quatuor horas Jo. Floyer ; hanc ad ſeli-
bram eodem temporis ſpatio æſtimat Sancto-
rius ;

rius ; multo maiorem ejus copiam numerabant Bergen , Stephenson , Home , imo & ipse Halesius . Nec quidquam tamen certi ab experimentis hisce pro vario corporis , & aeris statu licet assequi . Illa tamen nihil ad nostram perspirationem analogam comprehendit . Vix enim aliquid emittit præter aquam levem , inconcrescibilem , & volatiles spiritus a corporis perpetuo ferventis labore indefesso productos , forsan & ab alimentis mutuos . Quæ vero ori , & naribus propria est , falsa leviter , sæpe densatur in aquam , & turpi stiriæ nomine sæpe pendet a naribus in frigore . Hinc si repercutiatur perspiratio cocta , atque ponderosa in pulmones , qua quidem in fingenda , & elaboranda magnam sibi partem vindicant illi ; in emittenda nullam , turgescunt illico , & cito indurantur , massamque efficiunt ponderosam non solum ad ægotantis sensum anxiosam , & importunam , sed etiam secanti post mortem Anatomico , vere præ mutata partis structura , & auctis immaniter & pondere , & densitate , stupendam . De qua videatur omnium medico-anatomicorum primus Jo. Morgagnus .

Multo magis certe ex hisce humoris nostri naturæ elucescit , quam ex inspectione , & ab aliis humoribus exhalantibus separato examine , prorsus impossibili . Perspirationis naturam tamen ab aliis dignoscens humoribus simul exeuntibus , si paulum attenderis ad

38 DE PONDERATIONE , &c.

illa, quæ ex cute colligi possunt excrementa. Exit enim a cute 1°. ingens aquei laticis copia, eo uberior, quo plus sese liquore corpus ingurgitaverit. Inde sudores illi dormientium, ebriosis æstate præsertim familiares. Aqua hæc leviter falla, si a brachio in vitrum incluso exsillet, inconcrescibilis avolat, & maculam vitro imprimit terreo-salino-oleosam, multo aere intus incluso turgescen-tem, qui demum foras prorumpit, si igni nu- do sædata vitri pars committatur. Si vero seorsim a sudore sordes omnes, circulationis impetu ad cutem delatas, eraseris, multa re- peries cutem obductam mucagine, seu potius sapone mucofo, & oleoso, quæ, pars solidior facta, vix aqua simpliciter applicata solve- retur, nisi aut frictu illa intrudatur, aut, sol- vente saponis vi, reddatur efficacior ad ab- stergendum. Hinc quotidianum est, si aquam cuti lenius admoveris, ipsam in guttas gran- des coire, quasi vernici cutem obducenti im- miscibilem, donec aut vis, aut impetus tru- sionem efficiant. An illud ab adipe transu- dante pendeat, requirant alii? Certe sum- mam etiam cutim conflari cellulis longa ma- ceratione demonstrabis. Reperies vero maxi- me oleosam perspirationem ad axillas, in- guina, pone aures, ad vulvam, &c. Si ve- ro sordes illas a cute hominis, sed præser- tim ab equi exercitati corio derasas aqua sol- veris; turbida quidem illa primum fiet, mox se-

sedimenti forma ad fundum , puris instar , miraberis quanta copia detrudatur partis solidioris , quæ quidem quam cito putrescat materies , facile concludet , qui adverterit hominum sanorum , nec spurcitie fœdatorum , cutem esse prorsus inodoram : in sordidis vero , & negligentibus fracidam , & rancidam : olentem , & putridam in iis , qui vestibus mutandis non adhibent curam , aut quos carceribus clausis , aere non renovato fœtidis , inclusit necessitas . Eandem cutim neglectam , & munditiis carentem , reperies in junioribus pastæ fermento subactæ odori æmulam ; in infantibus mere acidam . Adde his , ut omnia simul uno intuitu comprehendantur , quæcumque in corpore evolvuntur volatilia , spiritus forsan animales , auram illam quasi feminalem , quæ in eunuchis deficit , spiritum rectorem animalibus proprium , & ea quæ sæpe aliqua labes contagiosa afflavit , & videbis quanti sint emunctorii loco organa cutanea .

Præterea vero nonne verisimile est , & demonstrationi quasi proximum , permeabile esse corpus materiei illius universalis effluxibus , potentissimis illis quidem , a quibus electrica vis , proprietas Phosphorica , nexusque cum aliis vel remotissimis corporibus sympathici pendent , & vincula efformantur naturæ universalis . Quis negare audeat varia , quæ inde possunt concrefcere con-

nubia , formas diversitate abnormes , proprietates phænomenis stupendas , circa quas mechanice nostra cæcutit adhuc , quia sensibus manent, & manebunt forsân in æternum impervia . An etiâ sive effluxui , sive effluentis materiæ impetui confert aliquid purissimum aeris elementum? Certe barometricis observationibus sibi demonstravit Vain-Wright, corpora hominum aere gravi majorem vim exercere , magisque ponderis tolerare , quam leviori atmosphæra . Id aliunde certo scimus, ea quæ possunt in formam solidam densari animalium liquida, maximam aeris vim ad ignis tormentum præbere . At certe sub bullarum forma exire a cute nunquam potuit aer. Nec spumia sudantum, nisi aeri externo vehementer concusso, & cum sudore mixto non debetur.

Ex illa quidem universa, circa Sanctorianæ perspirationis ortum, & naturam, contemplatione , satis confidimus intelligi , quantum viri vere inventoris meditationibus, & corporis physice, & ab illa tota pendens ejus conservatio, sibi lucis, atque illustrationis insumpserint . Verum hærentem illius fronti multa cum laude coronam , nulla ratione marcidam effecerim , aut aliquid meritis ejus detraxerim , licet ab ejus opinione alienus , si animadvertere libuerit , illum non tantum ad praxim medicam suis inventis contulisse, quantum ad theoriæ recludendos fontes.

No-

Nostra enim perspiratio ad hygieinem solum pertinet, nec ullatenus cum sudore aut critico, aut symptomatico, vel ad diagnosim, vel ad prognosim conferri, atque comparari potest.

Sudor enim semper contra naturæ leges erumpit. Sive eum extruserit urentis atmosphæræ calor æstuans, sive liquidi intus redundantis impetus, qua sese via aperit, eum extus coegerit prorumpere; sive miasma volatile corruptorum, & solutorum humorum soboles, fuderit illos, & molem tenuaverit universam. Sæpe salutaris emicat, aliquando utilis, sed sæpius noxius est, & vitæ cadenti proximus; hinc vera plerumque sunt quæ circa ipsam congeffit dogmata Sanctorius. Licet enim pondus ad stateram possit per sudores imminui, sæpe pondus ad sensum immaniter increvit.

At contra summa est urinæ cum perspiratione analogia, & utriusque doctrina iisdem comprehenditur præceptis; nulla est quæ deficienti adeo prompte, adeo efficaciter succurrat excretio. Imo, & licet inventæ doctrinæ amore præconcepto senseritaliter Sanctorius, dubium est an non aliquando salubrius superflua per urinam vacuentur. Certe quæ minus perspirant corpora, hyemali indurata frigore, saluberrima sunt. Et minus mucidæ nutrientis partis urina abripit, quam tota fere mucosa perspiratio; nec deesse videtur, quantum conjecturis potius, quam

42 DE PONDERATIONE , &c.

quam experimentis possum assequi , perspirationi sal suus fusibilis. Ut ergo , post Paracelsum , Boerrhaavius ita vult urinam distinguere , ut alia tenuissima , & statim a potu exiliens , urina potus dicatur , alia urina chyli vocanda sit , quæ nec adeo tenuis , nec tamen adhuc cocta sit ; tertia demum bene cocta post perfectam coctionem emittatur , & urinam sanguinis constituat : eadem prorsus adhiberi posset in exhalantibus humoribus divisio , proprietatesque eadem annotandæ forent , si sese oculis sinerent deprehendi .

Præterea vero fateri debemus , multo uberiorem fore , & extensionis latioris urinæ doctrinam ; cum non tantum de ejus copia judicium nostrum & facilius , & securius sit , sed ejus variæ qualitates utilia etiam multa edoceant . Præterea vero per universum morborum , vel acutissimorum ambitum urinæ observatio protenditur , ab eaque judicia struimus certissima , cum morborum aut diagnosim , aut prognosim nulla ratione attingat perspiratio .

Aliunde vero statera non omnium hominum , aut omnium temporum ars est . Hæc aut naturæ observatores spectat , aut homines ita sui amantes , aut privatæ salutis obnoxiosos , ut publica possint officia contemnere . In eo vero ars nostra tota versari debet ut a sensibilibus ad insensibilem notitiam perveniamus : qui scopus a statera non requirendus est . Machina vero ipsa sensu regitur ; qui
fi

si nihil mutati indicet, frustra in remotis a sensu, atque absconditis, formidini locum quæremus. Nec unius aut alterius diei pondus immutatum, siue augeatur illud, siue minuat, aliquid agendum indicaverit; verum si plures per dies ponderatio alteretur, sensus non stabit iners, aut natura monenti sensui indocilis: sed de his plura nondicemus, quæ per se patent meditantibus, & ingeniorum leviorum oculis viderentur ipsam, quam prædicamus artem, convellere.

Principiis hisce quasi a fundamentis creata, atque stabilita perspirationis doctrina plurimorum nobis circa physicen corporis problematum enodationem aperit, & oculis subijcit; quibus diutius ne immoremur, facit ipsa aphorismorum Sanctorianorum mox proponenda expositio. Nec tamen inde minus constat, illos qui magis alimentis sese ingurgitant, magis etiam perspirare, si cætera sint paria; noxasque inde natas omnes pro bene refarcitis haberi non posse, donec in integrum non fuerit restituta perspiratio illa: nec eandem esse fœminis; hystericis præcipue illis, quæ adeo copiosam urinæ vim emittunt, perspirationem, cute scilicet strictiori, & vacuatione menstrua defectum perspirationis compensante. Imo norunt ipsæ mulieres hystericæ quam parum sordium lintheis imprimant. Corpora contra viraginum

robusta habitum virilem, mentientium plus odoris specifici emittunt, plus etiam perspirant.

Tum vero illud præcipue licebit perpendere maximas imminutæ perspirationis notas in subita illa, & catharrosa ejus retropulsionē constitui, partibus præcipue prava dispositione jam prælaborantibus; posse enim illam sensim, & salubriter imminui, ut sit quotidiano usu quoties ab æstate ad autumnum, ab autumno ad hyemem deflectimus. Imo & cum perspirationis auctæ viribus, utilia multa a corpore, sive spiritus illa vocaveris, sive ex mucis illius supra imaginandi vim tenuissimi natura conflata, extrudantur; certum est, nos corpore quasi coacto, & compacto, hyeme fortiores videri; hominum vero validissimos, & ferendis aptiores laboribus, in frigore boreali nasci, contra vero sub ipsis solis radiis, meridieque æstuanti naturam imbellem, vix actuosam ad fortia capefenda reperiri. Hinc illi non saniores, aut salubriorem vitam agere dicendi sunt, cui plus, aut æquabilius perspirant, licet ita senserit inventor noster Sanctorius, sed illi, qui minus ab alternis caloris, frigorisque vicibus commoventur: In quas vices summum est sensuum imperium; ita ut sensu judice melius, quam statera, suppressæ, & auctæ perspirationis affectus regantur, & determinentur. Præstabit ergo omnibus præceptis corpora ita

indurasse, ut sentiant minus externorum irruentium impulsus. In hac porro induratione, & immobilitate ad omnem causarum externarum impetum, jacet omnis discrepantia, quæ intercedit debilitatem inter, & robur; ad quam vitandam infirmitatem omnis hygieine dirigitur, & intenditur.







DE PONDERATIONE

INSENSIBILIS

PERSPIRATIONIS.



SECTIO PRIMÆ.



APHORISMUS I.

SI quanta , & qualis oporteat , quotidie fieret additio eorum , quæ deficiunt , & ablatio eorum , quæ excedunt , sanitas amissa recuperaretur , & præsens semper conservaretur .

Corpus per se sanum , illibatum stabit , & servabitur , si excrementa jam ipsi nocitura , dotes adepta debitas , vacuentur juxta proportionem .

zione, & materies nutritia, similis deperditis, & deaſis per circuitus perpetui vim, particulis, evadat. Utraque actio, eodem mecha- niſmo, unaque vi efficaci, peragitur ab infan- tia ad uſque mortem. Hac creſcit homo, hac viget, hac moritur. Servatur tamen accepti, & expenſi æqualitas in ſanitate ad ſtateram, quamvis quotidie aliquid ſuperſit creſcentibus, quo augentur; ſed in hanc partem mole mi- nimam nullus eſt ſtatera accellus.

Ut illud autem debito ſucceſſu attingat cor- pus, non copia ſolum ciborum ſpectanda, ſed qualitas viribus accommodata corporis, id eſt, quæ ſubigi facile poſſit, & viribus edomari; nec aut tenacior ſit, aut multis remixta par- tibus excrementitiis & domari, ac ſubigi ne- ſciis. V. Hippocrat. de priſca Medicina, de alimento paſſim, Galen. de aliment. facult. cap. 2. lib. 1.

II.

SI Medicus, qui præeſt aliorum ſanitati, ſit ſolum capax additionis, vel evacuationis ſenſibilis, & neſciat, quanta quotidie illorum ſit perſpiratio inſenſibilis, illos decipit, & non medetur.

Nimis extenſa propoſitio deſperationem me- dico incuteret: ſtateram enim ad ſanitatis nor- mam adhibere impoſſibile. Sed ſanitas, quæ

vacuationum tum sensibilium, tum insensibilium rectum ordinem supponit, ut maxime sensu regitur, sic sensuum ope certo cognoscitur. Adsit ad omnes actiones alacritas, & facilis promptitudo, tunc judicare licet, non functiones sensibiles solas, sed etiam insensibiles se recte habere. Nam consensus unus, & confluxus unus omnium inter se, ab evidentibus ad abstrusiora nos, ratione, & sensu iudice, deducit.

Hinc ad illam Hippocraticam sententiam reducimur.

Ἀσχητὶς Ὑγιῆς, ἀσχυλὴ Πόνων ἀκόρη σίτων.

Norma sanitatis est impigrum esse ad labores, & sobrium ad cibos.

III.

ILLE solus, qui sciet, quantum, & quando magis, vel minus, corpus occulte perspirat, penetrabit, quantum, & quando erit addendum, vel auferendum pro sanitate conservanda, & recuperanda.

Mutata loquendi formula, idem omnes medici sonant. De perspirationis enim natura, & existentia, collatis inter se omnibus sanitatis signis, pronuntiare facile est. Ponderatio vero, Medicinæ promovendæ cupidis maxime proficua, in praxi impossibilis; sæpe a causis a sanitate alienis variationes accipit, ut pluries, vel Sanctorio teste, in sequentibus probabitur.

IV.

PERSPIRATIO insensibilis sola solet esse longe plenior, quam omnes sensibiles simul unitæ.

Id experimenta in omnibus locis, & accidentibus sanitatis demonstrant, Keilliana, Dodartiana, Geerteriana, & quæ in Gallia a pluribus instituta sunt, aliquam tamen exceptionem dari probavere Robinson, & Linings. V. Introd.

V.

PERSPIRATIO insensibilis vel fit per poros corporis, quod est totum transpirabile, & cutem tanquam nassam circum positam habet; vel fit per respirationem per os factam, quæ unica die ad selibram circiter ascendere solet, hoc enim indicant guttæ in speculo, si ori apponatur.

Cutis plurimis, imo infinitis pertusa vasis, & folliculis in eam hiantibus, non unius diametri, sed varii admodum, & squammulis epidermidis valvularum conniventium more relecta, non unum humorem emittit sed plures ejus species. Imo & squammularum harum ope, emissi humoris retinet, & resorbet ali-
quam

quam partem, si præsertim atmosphæra humida superincumbat : unde tot in aere humido inflationes, tot contagia. Fit enim ad ipsam cutim quædam quasi circulatio. Præterea glandulæ guttas grandes humoris salsi exire sinunt, & humores etiam específicos, amaros, oleosos, glutinosos ad ipsam epidermidem solidescences, & eo majores pondere, quo plus animal perspirat. Norunt id equisones. Præterea rancescit ad cutem falsum illud sedimentum, & illota cute pruritus facit intolerabiles. Aliter se in pulmone res habet. Vapor enim a pulmonibus exhalans copiosissime, tenuis est, sine sedimento, sine salsedine, quæ fixior exhalare nequit, sed a lymphæ, & chylo nondum in sanguinem mutato aliquando levem acéscéntiam profert, aut a chylo recenti odorem pastæ fermentantis, vel demum, si odorem, & acrem saporem accepit, hunc mutuatur a lingua, palato, dentibus, in quibus evidéntia sedimenti perspiratorii signa quotidie mane apparent.

VI.

Si cibus & potus unius diei sit ponderis octo librarum, transpiratio insensibilis ascendere solet ad quinque libras circiter.

Licet hæc proportio in Gorterianis calculis etiam vera sit, tamen in variabili nostra Gal-

lia, alimentis variabilibus, dieta lautiori, multo magis variabilis est, quam in ullo alio climate, in quo talia fuerint instituta experimenta. Sed eligendus est inter hasce variabiles medius terminus.

VII.

QUANTITAS perspirationis insensibilis aliquam varietatem patitur, pro varietate naturæ, regionis, temporis, ætatis, morborum, ciborum, & aliarum rerum non naturalium.

Difficile est omnes varietates experimentis comprehendere, si vestium stragularum pondus, camerarum humiditatem, quo fit ut ipsi sæpe oculi mane turgant, reflexiones solares, horam somni non indifferentem, sed varie coctioni inservientem, prout vel ab occasu, vel ab ortu solis distat, spectaveris. Si non copiam solum, sed & duritiem alimentorum, animique pathemata in numerum causarum adhibueris. Inde etiam patet, quare tum varia temperamenta hominum, tum ætas, sexus, debeant hic multum varietatis inducere. Biliosis, curis siccissimæ hominibus, plus per alvum, minus per insensibilem perspirationem amittitur. Hinc vix ipsis sædantur per longum tempus linea indusia, vix pondus e corpore exeuntia acquirere. Senes minus perspirant; hinc ipsis tot sputamina vix coctionem accipientia;
hinc

hinc cutis arida ; hinc difficultas coctionis in morbis . Mulieribus minor pariter perspiratio . Menstruata mulier , ante & post menstrua , vix videtur perspirare : plus certe alvo solvitur . Infantes undequaque diffluunt , sed iis perspiratio vix certa est . Hystericis mulieribus vix uncia per diem exhalat , sed status est morbosus ; hinc aliquæ aucta superficie in balneis supernatant , ut aiunt .

VIII.

Ex corpore mane ponderato , ante & post excretionem sensibilem , quanta fuerit nocturna perspiratio , & sensibilia excrementa , facillime intelligitur .

Ponderentur etiam ex Gortero indusia ante , & post noctem . Plures enim uncias ponderis acquirunt , quæ in corpore veterascunt ; imo & , si illota longo tempore remaneant , rancidinis primum , dein putredinis notas concipiunt .

IX.

Si corporis pondus plus solito augeri incipiat sine majori cibi vel potus additione , vel sensibilibus excrementorum retentione , facta est adiapneustia .

Ut intelligatur aphorismus iste , addatur pondus ad stateram . Nam aucta perspiratione , simul & auctis vacuationibus reliquis pondus ad sensum augetur in illis , quorum aut labor , aut estus , aut venus exhaurit vires . Quid , & ipsa putredo intra ventriculum accepta idem facit . Idem etiam animi affectus languentis , & masti efficiunt sine veri ponderis augmento .

X.

IN eadem salubritate conservatur corpus , quando ad idem pondus sine ulla insolita evacuatione sensibili regreditur : sin vero ad idem pondus per solito plenius lotium , vel secessum reducitur , incipit a pristina elongari salubritate .

Quo viget magis instituta a natura proportio , eo sanitas etiam inculpata magis ; vires adhuc valent , si obstructo perspirationis itinere , in opem conjurent alie vacuationes . Quorum , quæ perspirationi magis analogæ est , urinae excretio , primas tenet , tum quod similes perspiratoriis partes avehat , tum quod ultimam humorum coctionem peractam indicet . Attamen suus ordo naturæ deficit . Res tamen ita accipiendæ , ut non intelligatur de subito suppressa perspiratione . Nam qui v. g. a lecto calentes sese aeri exponunt frigido , vix perspirant illi ; sed salubriter ingens illis urinae vis exilit . Si rursus ad focum access-
se-

serint, sarcitur illico perspiratio; nec ullam poxam sentiunt ab illa repetita inter utrumque organum oscillatione. Sunt quibus alvus pariter proliciatur, sed infausto successu; nam peristalticus inde motus celeratur, & intestinalis vitiatur coctio. Aliunde, si alvus perspirationi suppleat, signum est nec liberam cutem, nec liberos fuisse renum canales, aut materiam exhalandam coctam non fuisse satis; alioquin familiarem sibi viam secuta foret.

XI.

Si ex staticis deprehendatur, impeditam esse perspirationem, diebus sequentibus vel succedet plenior perspiratio, vel aliqua evacuatio sensibilis plenior, vel cachexiæ vestigium, vel febris.

Plenior perspiratio Si excipiat ejus suppressionem, fortius est corpus. Minus valent vires, ubi per urinam tollitur superfluum; nisi apertum frigus ad renes derivet materiam. Debiles sunt, quibus via perspirationi fit per alvum. Sin alterutra ex his vacationibus non accedat, vivit intus hostilis atomus. Natura ergo ad eam expellendam majores nixus exeret. Aderit febris. Sed si ad febriles nixus fuerit impar natura, hinc stagnans materies obstruit vasa, & agglomerata ex iis fluit in cellulas; fit cachexia. Sicque hoc aphorismo omnia malorum a suppressa perspi-

XII.

NON possunt stare simul multa perspiratio, & multa solitoque major sensibilis evacuatio.

XIII.

SI quis plus justo sensibilibiter evacuat, minus justo perspirat.

XIV.

CRASSA excernere, meiere, vel sudare plus justo, & perspirare minus, malum.

Licet crassa sint scybala, secum tamen multum perspirationis auferre possunt, a glandulis, & vasis intus exhalantibus expressa. Minus a perspiratione suppressa primum tenuis est, at coctione peracta crassus. Aucta, aliis imminutis, quæcumque vacuatio æquilibrem inter functiones periisse concordiam designat.

XV.

SI corpus ad idem pondus quotidie revertatur, nulla facta mutatione in perspirabilium evacuatione, non indigebit crisi, sanumque conservabitur.

Sa.

Sanitas illibata quidem erit, sed fluxa, tunc enim vel minimus sentietur error. Robustior erit sanitas, in qua leves excessus, defectus leves non sentientur, & resarciuntur facile. Modo tamen moderationis modulum non excedamus utrinque; alioquin verissimus erit aphorismus.

XVI.

MALÆ qualitates introducuntur, dum corpus uno die est unius ponderis, altero alterius.

XVII.

ILLUD pondus est unicuique salubritatis norma, quo, dum acclivia ascendit, se solito leviores persentit.

Hæc est illa alacritas, qua ad actionem prompti, & leves, sensu iudice, sani sumus, & sentimur. Qui sensus minus quam ipsa statera fallit, & ad omnes æque homines pertinet.

XVIII.

A copia oriuntur malæ qualitates, sed non vice versa.

A malis qualitatibus, acredine, viscido spon-

spontaneo non fit plethora. Plethora vero circuitu sanguinis tardato, cum pejorat, corrumpit, & tonum vasorum frangit, hinc malas qualitates inducit.

XIX.

PONDUS, nec non copia minuitur, aut evacuatione crudi sensibilis, vel insensibilis; aut cocti sensibilis, vel insensibilis: hæc est salutaris; illa tollit copiam, sed relinquit malam qualitatem.

Corpus perpetuo inhalat, & exhalat. Utrumque probatur experimentis Physiologicis. Nul- lum tempus ab hac functione vacuum est om- nino. Sed aliud est salubriter perspirare, id est necessarias ultimæ coctionis superfluitates secundum naturæ ordinem ejicere; aliud re- dundantem materiem crudam ejicere, ut aquæ potoribus familiare est; aliud vero acrem, & sudorificam materiem exhalare, sive illud fiat per cutis spasmus, seu per urinæ suppressio- nem, sive per admissionem malæ cujuscunque qualitatis per vasa intromissæ; talis est qua- litas sudores proliciens, ut in sudore febrili Hungarico, Aremorico, Anglicano, sæpe evi- dens fuit.

XX.

TRANSPIRATIONIS insensibilis duæ sunt spe-

Species: altera fit statim a somno, facta concoctione, & post hanc augentur vires; altera in vigilia, & hæc elevatur a crudo succo, & ob hanc flaccescunt: fit enim cum majori, vel minori violentia, prout major vel minor est vigiliæ motus.

Concocta perspiratio fit, absoluta chyli in sanguinem mutatione; nam mutatio hæc fæces supponit, ut nullus in physicis, & chymicis versatus negare poterit. Fæces illæ, si ex ordine naturæ sint, coctæ dicuntur. Crudæ erunt, si non fuerint satis exhaustæ partibus utilibus; vel ob naturæ debilitatem, aut ob vim exercitii præposteri per quam avolent; aut quod per improvisam cutis laxationem emittantur. Verum sedulo distinguendæ sunt ab exhalante illo liquido, quod perpetua aura ex cute exsilit, & quod nec crudum, nec coctum dici debet, licet ex ordine naturæ exhalet, nunc plus, nunc minus.

XXI.

PERSPIRATIO, quæ salubriter aufert a corpore multum, idque inutile pondus, non est, quæ cum sudore fit, sed ille halitus invisibilis, qualis hyeme uno die naturali ad quinquaginta uncias, & ultra exhalare potest.

Illæ ergo non simplex aqua, non oleum simplex, sed ut plures pro varia hominis tempe.

perie partes aqueas continet, ita oleosas non paucas, & salinas crepitantes ad ignem. Humor hic sub lamellis epidermidis, & cum iis solidescit, & strigili eraditur, olim pro remedio vindicatus teste Mercuriali. Aqua, sapone, oleo æqualiter abstergitur, sed sapone melius. Variat pro ætate, sexu. Spiritum rectorem animalis continet, & retinet odorem specificum. Si sordida ab animali lintea aqua committuntur, primo leviter acescunt, dein cito putrescunt. Nec idem ab omnibus partibus humor exhalat. A pulmone subtilis, crudus, spiritibus scatens; a facie, post aures, ab inguinibus salsus, oleoso-saponaceus; ab axillis spiritu rectore, & oleo fætus, ut & a capillatis partibus, quæ fere nisi oleo non absterguntur. Sed humores hi omnes pro prandio, aut cæna, pro ætate, colore cutis, sexu variant, & in universum exhalationem constituunt.

XXII.

INVISIBILIS perspiratio fit visibilis, vel quando nutrimentum est nimium, vel quando calor languet, vel ob motum violentum.

Nimium nutrimentum materiem trudit undequaque superfluam. Idem facit motus violentus, aer frigidus minuit perspirationem, & ejus partes densat. Virium defectus perspi-

spirationi, æque ac sudori nocet, ut quotidiana testatur experientia.

Hinc visibilis fit perspiratio a causis vel externis, vel internis. Externæ sunt densatio ejus partium. Internæ, multiplicatio materiei, aut ejus tenuatio, ejus retentio præcedens, alicujus excrementitii humoris suppressio. Unde illud Hippocraticum, alvi raritas, cutis densitas.

XXIII.

PERSPIRATIO insensibilis, juncta cum sudore, mala, quia sudor fibrarum vires diminuit; dicitur aliquando bona, quia a majori malo divertit.

Quæ cum sudore fit perspiratio nimia est, & cruda, nec compacta satis; vasa vacuat, & solida reddit inertia. Nam vel ab impetu intus aucto, vel ab organi laxatione pendet, vel ab acrimonia, ac tenuatione materiei. Nec inservire potest corpori, nisi, aut copia plenior vacuet humorem, aut hostiles expellat atomos; tuncque critica vocari potest.

XXIV.

QUANTO subtilior, & sine madore est invisibilis perspiratio, tanto salubrior.

XXV.

XXV.

LIQUIDA omnia excrementa sunt graviora , fundum petunt ; crassa sunt leviora , & innatant , qualia sunt fœces duræ , crassæ , sputamina , & alia id genus.

Liquida excrementa , tertie coctionis , repetite vasorum actionis , seu coctionis intra vasa productum exhibent ; adeoque licet e tenuissimis consentur partibus , densissima tamen , & arte compacta principia obtinent . Solida excrementa naturam vegetalem vel referunt , ut fœces , vel chylum crudum , nec subactum , ut genus illud sputaminum , aut nasalis muci , quod frequenter nimiam ingurgitationem , aut debiliorem concretionem sequitur , vel in senioribus , vel in epulonibus . Sputa enim a peripneumonia cocta sæpe ponderosa sunt , ut de pure notum est .

XXVI.

LIQUIDA excrementa plus operis , data magnitudinis paritate , a corpore auferunt , quam dura , & consistentia .

XXVII.

LIQUIDA quoque cibaria sunt ponderosiora ,

ra, & solida leviora; panis, caro levis; vinum; jusculum gravia. Tanti ponderis est vini cyathus, quanti unus integer panis mole fere triplo major.

De cibariis propositio non vera est, ut de excrementis. Sunt enim quedam solidissima, & densissima, qualia sunt mucosa non fermentata, & farinæ plures, quæ gravissima, & a corpore vix subigi possunt. Nec eorum pondus a fluiditate, aut soliditate repetendum, sed ab eorum natura, & origine. Leviora ea corpora ars efficit, crassitiem nativam corrigendo fermentatione, aut coctione. Vid. Hippoc. de prisca Medicinâ.

XXVIII.

ILLA viventis conditio, dum sentitur corpus onerosum, quando non est, pejor est, quam illa, dum sentitur, quando est.

Corpus vivens viribus instructum est, quæ si integræ sint, non sentitur pondus additum, nisi sensim augescendo tandem istud illas opprimat. Verum, si nullo addito pondere sentiamur graviores, vires deficiunt, & quod vel levissimum erat onus, evadit immensum. Hinc celerrime medico videndum est quid vires opprimat, & ipsis efficaci arte succurrendum.

XXIX.

XXIX.

CORPORIS viventis pondus est equivocum: simul enim stare possunt, corpus esse solito onerosius, & se sentire leviozem, & versa vice corpus scilicet esse factum solito levius, & se graviozem sentire.

In priori casu, vigent & invalescunt vires, & si pondus humoribus additum sit, non sentitur. In secundo, vires minuentur, & licet onere minori pressa sint, fatiscunt tamen. Maxime notanda, & animo tenenda hec propositio statice omnis Medicinæ exploratrix. Corpus enim sensu regitur, qui statera minus fallax dum hinc nobis alacritatem sanitatis normam, illinc gravitatem ut signum morborum prænuntium, indigitat.

XXX.

Si hæc duo simul conspiraverint, alterum quod homo se ipso leviozem se sentiat; alterum quod revera non sit levior, indicabunt statum saluberrimum.

Propositio hæc, prioris corollarium, non saluberrimam tantum conditionem indicat, stateraque, & sensus concordiam, sed etiam robur firmissimum; quo robore leves mutationes,

a causis externis pendentibus, spernit animale corpus.

XXXI.

CORPUS, quod acquirit minus pondus latitudinis suæ salubritatis, est pejoris conditionis, quam illud, quod acquirit majus pondus suæ salubritatis.

Res ex dictis necessario sequitur, nam facilius est vacuare, quam replere. Illud artis opus est, hoc virium quæ desunt. Verum, ut intelligatur nostra hæc Sanctoriana doctrina, notandum est, cum agitur de imminutæ perspirationis periculis, hic non intelligi unius diei suppressionem, quæ resarciatur facile, sed deficientem per plures dies, & sensim imminutam.

XXXII.

DUM corpus, ob animi vel corporis motum, redditur minoris ponderis, statim redditur minoris virtutis: quod non contingit, si reddatur minoris ponderis a somno post factam concoctionem.

Exercitio firmatur corpus, dum ingens applicatur materiæ nutritiæ copia vasis, atque fibræ ultimis. At simul multa e corpore exeunt,

E

& fi-

& fibræ lassantur : unde minor aptitudo ad labores , usu ipso detrita . At si a somno , perfecta coctione , redditur corpus minoris ponderis , sobrio , & necessario alimentorum usu restituetur . Exercitio vires deperditæ , præter alimenta , longam , & proportionatam quietem sibi postulant , ut reparentur .

XXXIII.

Si absque præcedenti violentia pondus fiat minus , & vires cadant , id accidit , quia non remittitur , quantum amittitur .

Non remittitur , vel ob alimentorum penuriam ; vel ob applicationis materiei defectum ; vel propter corruptelam , præsertim putridam ; vel quia auferuntur partes utiles per aliquam evacuationem .

XXXIV.

TRIBUS modis tantum animal fit debile , vel dum pondus corporis augetur , nulla facta virium resolutione ; vel dum resolvuntur vires , eodem corporis pondere perseverante ; vel dum vires , & pondus cadunt ,

Corporis pondus augetur ob supercrescentis materiei copiam . Vires minuuntur , vel ob præfractum nimio labore tanum , vel propter cau-

causas supradictas (XXXIII). Si hinc augeatur pondus , illinc vires minuantur , ut fit in agris pravo utentibus regimine , duplex oritur periculum , duplex ruina incumbit .

XXXV.

LASSITUDO illa , quæ fit , dum corpus redditur minoris roboris , & minoris ponderis , est aliis periculosior : pondus enim est roboris species .

Minus pondus , & minus robur indicant vires oneri vel minimo ferendo impares . At dissentire cogimur cum Gortero ab auctore nostro , cum pondus pro robore habet , quod contra viribus impedimento est .

XXXVI.

PONDUS corporis indit nobis robur , vel dum trahimus aliquid deorsum , vel dum utimur vectione , vertigine , vel pulsu .

Pondus resistit causis impellentibus , dum stat mole immotum ; sed passive se habet , adeoque obstat actuositati .

XXXVII.

SENIS robur sæpe a corporis pondere magis

gis, quam a viribus dependet: vetus animal exigui ponderis potest diu vivere, sed non potest esse robustum.

Ita senferat Verulamius, sed falso; nam senile corpus non potest esse robustum, quia vetus, & rigidum, & exercitio virium est impar.

XXXVIII.

Si a somno corpus redeat ad consuetum pondus absque omni sensu molestiæ; bonum; signum enim est perfectæ concoctionis; si vero cum molestia, malum.

En hic adest machina, quam sensus regit plus quam statera, & ipsa multo magis fidus. Æquali enim pondere, si non succedat alacritas, vel ingenti nixu ad expellendum superfluum opus fuit; vel quos sustulit natura nondum coctos humores, illi malam qualitatem intra corpus reliquerunt.

XXXIX.

CORPUS ob externa errata non labitur in morbum; nisi antea aliquod viscus habeat præparatum: præparatio hæc cognoscitur ex solito majori, seu minori pondere, non sine aliqua præcedenti molestia acquisito.

Præ-

Prædisponens causa efficit, ut causa efficiens activitatem suam adipiscatur. Hæc vel a continuatione agentis causæ pendet, qualitatem malam sensim inducens, ut in scorbuto; vel a contagio sese multiplicante; vel a visceris cujusdam aut innata, aut adventitia labe, quæ dum symmetram partium compositionem turbat, pondus aliquod in agra parte saltem ad sensum inducit; licet multi morbi lethales invaserint homines sine ulla propassi.

XL.

NATURA, dum in perspirandi officio est impedita, incipit statim in multis deficere.

Et vice versa dici potest, dum natura in aliquo deficit, incipit minus perspirare. Functio enim per universum corporis ambitum diffusa a collectione virium pendet, quæ si in una parte deficient, vacillant in omnibus.

XLI.

DUM caput dolore gravatur, statim corpus incipit minus perspirare, & ponderosius reddi.

Quamquam sententia hæc sit prioris corollarium, notandum est primas teneri a mem-

brana Schneideriana , in perspirationis suppressione tum facienda , tum sentienda ; illa enim primas agit ob nervorum communionem , atque viciniam in dolore capitis ; nec minus cruditate chyli ejus secretio perturbatur , notante rem Hippocrate . Ea etiam frigore afficitur , quoties vel os , vel dentes glacie tanguntur . Quæ omnes causæ caput dolore afficiunt , adeoque patet non unam esse causam , quare , capite dolente , supprimatur perspiratio , & vicissim .

XLII.

PRIMA morborum semina tutius cognoscuntur ex alteratione insolitæ perspirationis , quam ex læsis officiis .

Semina , ait , morborum , non morbi , qui a quacumque causa pendeant , perspirationem viciatam semper supponunt . Sed statim non opus est ad illa morbosa semina deprehendenda . Cognoscuntur enim 1. a causis evidentibus non unius diei , sed plurium in corpus agentibus ; 2. ab imminuta alacritate ; 3. a sensu ponderis ; 4. a caloris , & frigoris vicibus ; 5. ab horripilationibus ; 6. a pondere et nares .

XLIII.

XLIII.

Si ex ponderatione videris consuetum perspirabile retineri, & sudorem vel lotium post aliquos dies non facessere, inde cognosces, retentum prænuntiare futuram putredinem.

Id est, retento perspirabili, fiet vel crisis, vel morbus. Nam nascitur plethora excrementum, quæ cacochymia. Retenta vero excrementa tandem putrescere, vel universatius sumpto nomine, corrumpi necesse est.

XLIV.

Si vero ex ponderatione videris ob causam violentam perspirabile plus solito evolasse, scias in locum perspirabilium violentè evacuatorum, statim confluere cruda, & in meatibus minimis impingi.

Coctio, placiditatem circuitus, ut perfecta fiat, supponit. Hinc non omnino indifferens est, quo tempore exercitio nos dedamus, ut dicetur alibi. Nam si crudis tumidum agitur corpus, hæc in motum acta, expulsis tenuissimis, vel infarctum inducent, vel febrem.

XLV.

QUÆ impinguntur; si fieri possint secundum omnes partes fluxilia, seu perspirabilia, bonum: sin minus, pars continens prius fit dura, coriique speciem referens, & deinde scirrhusa.

Impactio duplex: subita altera, sive fluxio; altera sensim facta vocatur congestio. Hæc sine erethismo, illa cum erethismo. Subitum est perspirationem suppressi, præcipue matutinam; unde dolor laterum, narium impletio, frigus horrificum; indeque si educatur sanguis coriacea pelle protinus natq coopertus reperitur. Quæ pellis, ab exhalante e lymphâ liquido, crassioribus per frigus densatis, & strictorum vasorum cutaneorum arctatione producitur, coaguli more. Si sine erethismo fiat congestio, hærebit in vasis pars addensata, fietque infarctus, scirrhi primordia; nisi blando naturæ calore solvatur nondum indurata obstructio.

XLVI.

Si perspirabile neque a natura, neque a calore febrili resolveretur, corpus illico ad malignam febrem præpararetur.

Febris, nixus est naturæ ad solutionem necessarius, calore, actione vasorum, humorum tritu æque utilis. Si nixus ille fiat inutilis, sive ob virium defectum, sive ob causæ magnitudinem, mors, natura devicta, ex rei necessitate, advenit. Nulla porro malignior febris, quam quæ, cum inflammatoria non sit, deducit ægrum ad mortem.

XLVII.

FEBRICITANTES in pejus æque incidunt, si a medico imperito medicamentis importune exhibitis illorum perspiratio divertatur, ac si ab erratis ægrotantium.

De levibus catharralibus morbis propositio intelligenda est. Nam in gravibus de perspiratione vix agitur, quæ, nisi cessante morbo, non potest restitui; saltem cocta illa, ab alimentorum coctione pendens, & tota hygiastica.

XLVIII.

CASSIÆ pauxillum non divertit perspirationem, non lædit vires, sed solum aufert e corpore inutile pondus: aliæ vero medicinæ magis evacuant, & remotiores partes attingunt, & corpus magis leve efficiunt: cibus tamen, & potus subsequentes implent evacuatos meatus, inde alvus, & vesica exsic-

ficcantur; & paulo post corpus sæpe ponderosius redditur.

Jam pridem Hippocraticum illud notum est, alvi densitas, cutis raritas, & vicissim. Divertunt perspirationem diuretica; divertunt & cathartica: si eccoprotica exceperis. Cætera cathartica & multum humoris utilis absumunt, & ordinem naturæ interrumpunt. Hinc, purgante sumpto, sitis, notante Hippocrate. Ergo per se mala sunt, per accidens bona. A purgante sæpius oritur lassatio ingens, seu pondus ad sensum, licet sæpe pondus ad stateram minuatur insigniter. Id in hydropicis quotidie videmus.

XLIX.

QUILIBET corporis dolor, sive labor, cocti perspirabilis transitum impedit,

Vide Aphorismum XL., & XLI.

L.

QUODVIS frigus, minimum quidem, quod noctu dormiendo patimur, impedit perspirationem.

Corpora noctu minus caloris ingenerant, dum laxantur omnia vasa, amplioraque circulant
san.

sanguini patent. Sublata resistentiæ parte cor lentius pulsat, sed æqualius, & quinque aut sex gradibus thermometer descendit. Hinc stragularum vestium necessitas; quæ vigilantem opprimerent. Implentur ergo minima vasa, turgetque evidenter in infantibus facies. Hinc, notante Gortero, perspiratio in dormiente minor, major in vasis coctio, licet ob laxationem, sæpe humidiora, aut calore externo gravata corpora insudent. Si ergo loco placidi, & undiquè diffusi caloris, frigus arctet vasa, eorumque laxationi obstet, turbatur preparatio ad perspirationem legitimam, seu coctio minor fit. Pervertitur ergo perspirationis ordo, & copia imminuitur.

LI.

UNA ex frequentioribus causis, quæ tempore æstivo impedit transpirationem, est crebra in lecto corporis agitatio.

Agitatio in lecto signum est crudi vasa vellicantis, & calorem adaugentis. Unde sæpe perspirationi nocet usus liquoris Caffæ, liquorum spirituosorum. Sudor ab hisce prolicitus, corpus ad stateram levius facit, sed nunquam ad sensum, qui de legitima perspiratione sanius judicat ac statera.

LII.

LII.

TRES sunt internæ causæ prohibitæ perspirationis , occupatio naturæ , diversio , & vires imbecilles.

1. *Natura uni functioni intenta ab altera revellitur . Probat id morborum , imo & sanitatis historia ; qua patet attentos ad aliqua vix concoquere . 2. Si liquor divertitur ad alia non sufficit . Probat illud sitis post catharsim . 3. Si vires deficiant , omnes functiones languescere necesse est : ergo & perspiratio minor est .*

LIII.

HINC ex staticis patet, in die medicinæ, & ab assumpto cibo trium horarum spatio, exiguam fieri perspirationem : in die medicinæ, intenta est natura evacuationi sensibili , ab assumpto cibo primæ concoctioni.

LIV.

In fluxu, & vomitu prohibetur perspiratio, quia divertitur.

Hi aphorismi nihil aliud exhibent , præter corollaria præcedentis ; utilia sufficiunt præ-
co-

cepta, tum medicis ad medicamentorum præſcriptionem, tum iis qui de ſanitate ſua ſolliciti ſunt, ad exercitii tempus, ſeligendum.

In hiſce internis perſpirationis impeditæ cauſis, nullam mentionem inſecit Sanctorius plethoræ, quæ vires imminuit, dum illas gravat. Tenacitatis, ac viſciditatis humorum ; quæ craſtiores ſufficit partes , quam ut per poros in vaſa cutanea exhalent. Acrimonie , quæ dum cutem vellicat , claudit per erethiſmum oſtia, ſicque perſpirationem impedit.

LV.

AMICTUS valde oneroſi ſunt impedimento perſpirationi ; quia vires debilitant.

Corollarium itidem præcedentis . Sed quis eſt, qui oneroſas veſtes, viribus incommodas non rejiciat ? Secus enim corpus bene veſtitum, præſertim inſtante anni tempore, perſpirationem fovet.

LVI.

Non qualibet hora corpus eodem modo perſpirat , quia ab aſſumpto cibo quinque horis, librâ circiter perſpirabilis magna ex parte exhalare ſolet ; a quinta ad duodecimam, tres libras circiter ; duodecima ad decimam ſextam (quo tempore occaſio eſt
alen-

78 DE PONDERATIONE , &c.
alendi, vel medicandi), vix selibram.

Quamvis de copia perspirationis horis diversis exeuntis nil fixi, & firmi statui possit, quæ pro tanta causarum varietate variat ipsa, tamen summe notandus est ordo naturæ a Sanctorio observatus, qui occultos actionis ejus effectus, causas, periodos, primus sedulitate indefessa reseravit.

LVII.

QUI nutritur, vel medicamentis evacuatur, horis majoris perspirationis, quales sunt ut plurimum matutinæ, maxime læditur; quia a cibo, & a medicamento maxime divertitur perspiratio.

Regula hæc est practica. In eo quidem, quod spectat ad alimenta, probatum, & verum videmus præceptum. Circa medicamenta vacuantia, a Sanctorio ipso mutuabimur, ecsoptica perspirationi non officere: medicamenta vero purgantia ad sanitatem, adeoque ad justum perspirationis ordinem non pertinere.

LVIII.

MAGIS occulta, & insensibilis perspiratio nos subleuat, quam omnes sensibiles simul
uni.

unitæ; a somno enim ante excretionem. sensibilem excrementorum, quisque sentit se leviozem, quia revera factus est levior solito tribus libris circiter,

Prima illa levitas ad sensum a bona collisione pendet; oscitationibus, & pandiculationibus tamen excitanda: tunc ingens fit perspirationis fluxus, demonstrante Gortero. Et una, aut altera post somnum hora veram levitatem corpus experitur, tum ad sensum, tum ad stateram. Hæc plus juvat, quam cæteræ omnes vacuationes. Roboris enim universalis, & conspirantium in commune bonum omnium functionum est effectus.

LIX.

SPATIO unius noctis, sexdecim unciæ lotii plus minusve; quatuor coëtorum excrementorum per alvum; quadraginta & ultra per occultam perspirationem evacuari ut plurimum solent:

In Italia, teste Sanctorio, quotidie corpora perspirant, libras quinque. In Britannia, Keilii experimentis, inter unam & triginta, unam & quadraginta uncias perspiratio continetur, sed nunquam ad libras tres ascendit: In Hollandia, Gortero auctore, ab unciis quadraginta sex, ad quinquaginta sex ascen-

ascendit, id est, plus quam tres libras complet, si libra unciarum duodecim habeatur.

In Gallia Parisiensi multo magis varietatis obtinet, licet nunquam ad Sanctorianam quantitatem ascendat; raro tamen infra Keilii calculum subsedit, nisi severissimo gelu contineatur. Forsan vini levioris potus in habitum plerisque ductus, magni hic est in inducenda hacce varietate momenti. Certe nullibi terrarum adeo variabilis est aeris constitutio, quod ex comparatis tabulis variarum gentium meteorologicis deprehendes facile.

Varietates perspirationis a prandio, ab exercitio, a somno, nemo melius prosecutus est Gortero. At præcepta generalia circa hæc statuere fere impossibile tibi videbitur, si non solum cujuslibet hominis naturam spectaveris, sed etiam usum stragulorum, calorem vestium, somni tempora. Durities alimentorum, ætas, sexus, potus natura, & copia in judicium adhibenda sunt. Nam, v. g., biliosis plus per alvum, minus per insensibilem perspirationem demitur. Senibus urina plus effluit. Mulier menstruata, minus ante, & per menstruorum tempus, perspirat; plus alvo fluit, determinata in hæc vias natura. Muliercula cachectica, & hysterica vix perspirant; hinc ipsis vix sædantur indusia corpori apposita. Præterea perspiratio medica, & sanitatis vel firmæ, vel labantis indicatrix, non unius, alteriusve diei computari debet, sed plurium mensium,

sum, in quibus, quantum summæ decidat, animadvertendum. Certe videntur dari hyemales dies, in quibus homo vix perspirat, si præsertim matutino tempore sese frigori exposuerit: mirum tunc quanta vis urinae exiliat, sæpe ad libras tres, paucarum horarum spatio. Ipse sæpe nares catharrum sentiunt paucis pariter horis resolvendum, quasi perspiratio, ut in vegetantibus, nunc extra prorumperet, nunc intus eodem impetu ferretur, Repercussa est tunc perspiratio, & fere omnia compressa, nec insalubriter quidem, si homo exerceatur; nunquam enim aut alacrior est, aut robustior.

Corpus sanum, semper aliquid liquidi, simplicioris forsan, & spirituum, æthereæque materiae emittit. Transadigitur semper subtilioribus effluviis electricis, igneis, &c. Sed illud dici non potest perspirare. Perspiratio est residuum coctionis legitimæ, & perfectæ; nec fit, nisi ubi iusta alimentaris materiei copia intra vasa cumulata est. Alia ergo perspirationis forma est in infantibus, qui fere semper esitant; alia in iis, qui semel, bis, vel quater in die comedunt, ut experimentis deprehendere facile est. Numeri ergo, & calculi Sanctoriani exemplum præbent, sed normam non constituunt, pro tot diversis casibus variabilem.

LX.

PLURIBUS unica die naturali per insensibilem perspirationem tantum evacuatur, quantum per alvum quindecim dierum cursu.

Non omnino ea propositio consonat cum calculis Sanctorianis modo initis, ut attendenti facile patebit. Verum fatendum est, multis alvi constipationem esse obstinatissimam.

LXI.

UT quid nostratum plurimi in omni ægritudine solum per alvum, vel per urinam evacuandum sibi proponunt; & de insensibili perspiratione vix cogitant?

Nec falluntur; nam perspiratio, qualem Sanctorius describit, ad ægritudines curandas non pertinet; nec, nisi finita ægritudine, unquam refarcitur.

LXII.

SI magis solito noctu perspiraveris, sed sine sudore, atque omni molestia, persuasum te habe de optima valetudine.

Propositio quidem vera; si loco criseos perspi-

spiratio illa major habeatur; nam qui plus aliis etiam humorem coctum perspirant, non ideo valentiores habendi sunt; imo exemplo septentrionalium firmiora sunt corpora, quæ minus perspirant, notante Hippocrate.

LXIII.

TUNC quam maxime recedimus a morbo, quando pervenimus ad medium latitudinis ponderis salubris, non ob evacuationem sensibilem spontaneam, vel a medico factam, vel ob jejunium, sed ob perspirationem insensibilem, quæ fit a somno post optimam coctionem.

Nulla enim fit virium dissipatio, sed fruimur tantum fructu naturæ per se actuosæ, nec nixuum operosorum egentis.

LXIV.

QUANTA conveniat perspiratio cuilibet, ut conservetur in statu saluberrimo, sic dignoscet. Observa mane post aliquam pleniorē cœnam illam majorem perspirationem, quæ in te ipso duodecim horarum spatio fieri possit: esto esse quinquaginta uncias: alio mane, sed post jejunium, hac tamen lege, ne in prandio præteriti diei excesseris, idem observa: ponamus esse viginti. Hoc

84 DE PONDERATIONE , &c.

præcognito ; eligas illam cibi , & aliarum causarum non naturalium moderationem , quæ te ad medium inter quinquaginta , & viginti quotidie ducere poterit ; medium erit triginta quinque unciarum ; hoc modo sanissimam , & diutissimam , seu centum annorum vitam ducēs .

Melius Gorterus medietatem sani perspirabilis auguratur ex quantitate perspirationis per plures dies assumpta . Dividit summam per numerum dierum , & quotiens pro quantitate sani perspirabilis sibi sumit . Verum hic , ut alibi , summum jus , summa injuria . Si quis arctiori sese regimini dediderit , imprudens , nec sibi , nec patrie erit utilis ; debilis enim fiet , & a minimo lædendus delicto ; quod non sentiet quicumque se varietati aëris , ciborum , &c. assuesecerit . Hærens perspiratio per exercitia pellatur , tenuior , ac levius ævolans , quiete retineatur , & incrassantibus . At centum annos spondere Dei est , non hominis ; nec statera senectutem rigidam arcebit , quæ corpori e rei necessitate incumbit .

LXV.

CORPORA virorum sana , & moderatissimo victo utentium , singulis mensibus sensu solito ponderosiora , unius scilicet , duarumve
li-

librarum pondere ; & redeunt ad consuetum pondus circa finem mensis, ad instar mulierum, sed aer frigidus, cænosus, & humidus ; facta crisi per urinam paulo copiosiorē , vel turbidiorē .

Licet rem in singulis hominibus arguere difficile sit, plura tamen ad credendum, id in adultis verum esse, inducunt experimenta.

1. Capitis Hemicranicus dolor, pluribus menstrualis . 2. Hemorrhoides pariter quovis mense recurrentes . 3. Fluxus urinarum crassarum periodicæ . 4. Vomitus pariter simili periodo regressi : quæ omnes singula videntur. Verum, eâ periodicorum fluxuum redintegratio plus observatur in viris , quam in juvenibus ; plus in senibus , quam in viris, quibus viget perspiratio, & circa quos rem observare difficile. Si enim in uno res successerit, non idcirco eadem erit in altero observatio.

LXVI.

ANTE dictam crisin menstrualem factam, vel gravitas corporis , vel corporis lassitudo perſentitur ; & deinde paulo copiosiori urina evacuata, omnia sedantur.

LXVII.

CAUSÆ externæ, quæ prohibere solent perspi-

spirationem , sunt natatio in frigida ; cibi crassi , & visceri ; intermissio exercitii corporis, vel animi ; & in robustis nimia abstinentia a coitu .

Non eodem gradu , nec eadem nocendi vi agunt causæ prædictæ . Nam frigus acre, & glaciale, dum stringit , roborat , & divertit tantum ; imo robustiora efficit corpora , dum moratur cocti humoris impetum . Id & de natatione in frigida . Verum Aër calidus, id est, cum frigore humidus , laxat , retinet , & corrumpit humores . Alimenta etiam corpori proportionalia esse debent ; sin vero, crassiora hærenti mucagine vasorum ultima opplent . Idem de cæteris dicendum ; de quibus alibi .

LXVIII.

FRIGUS externum prohibet perspirationem in debili, quia ejus calor dissipatur ; in robusto vero auget . Calor enim ad imum retrahitur, duplicatur, & deinde natura roboratur , quæ deinde retenti perspirabilis pondus e vestigio absomit, & corpus fit, & sentitur levius .

Vera pariter hujus aphorismi sententia, non quod frigus revera augeat perspirationem ; repugnant experimenta . Sed quod ejus exeun-
tis

is impetum retundat, cogatque materiem nutrientem diutius morari, & melius applicari. Debile vero corpus læsionem a retento perspirabili sentit, quia vires non sufficiunt ad supplendam vacuationem hanc naturalem per urinas. Robustum vero inde viribus suis augmentum fieri jactat, quia antequam fiat ad renes diversio, materiem omni nutritia dote exhaustit.

LXIX.

STABILIOR, & diuturnior est sanitas illius corporis, cujus pondus multorum annorum cursu neque augetur, neque minuitur, quam cujus pondus annuatim variatur.

Res vera esse potest, si plurium varietatum sese mutuo excipientium consequentia sit æquilibrium. Nam nunquam variari perspirationem, ut impossibile est, sic foret nocivum; levissimum enim peccatum sentiretur. Nec plus alio perspirare, saluberrimum probavit Reaumurius. Densa nam vernice obducta Americanorum corpora sana, & robusta. Robustiora etiam, quæ minus perspirant corpora, edixit Hippocrates, libro de alimento. Coincidunt enim simul magna perspiratio, & solidorum raritas. Porro, quæ densiora sunt corpora, ea robustiora.

LXX.

REDITUS ad consuetam gravitatem crudorum succorum additamento est malus , coctorum vero est saluberrimus.

LXXI.

SANUM fieri minoris ponderis solito , eadem supposita vivendi ratione , malum ; amissum enim , quod erat salubre , non est remissum .

Vel enim corrumpuntur , & corruptione , acridinem volatilem , qua effluunt impetu ingenti , alimenta concipiunt ; vel non concocta , densitatem illam non acquirunt , quæ pondus solidis , imo & liquidis concoctis impertit . Unde in utroque casu levitas , liquida quidem e sanguine exiliisse probat , sed simul non reparatas fuisse vires , impossibili materialimentaria concoctione , & addensatione .

LXXII.

EXCREMENTA alvi concocta , sunt multæ molis , sed exigui ponderis : supernatant ob aërem inclusum ; & quæ una vice excernuntur , nunquam libræ trientem excedunt .

Supernatant, & levia sunt, quia nec compacta sunt per vim circuitus, nec coagmentata, aut fixato aere addensata, quas habent proprietates humores tenuissimi. Si tamen fiat criticus bilis fluxus, jam bilis gravis est; aliaque pars fundum petit, alia intestinalis scybalosa supernatat.

LXXIII.

Si unica die, ob aliquod erratum, libra perspirationis retineatur; natura triduo solita est illud retentum insensibiliter expurgare.

Id non a statera Sanctorius. Nam, si retineatur libra perspirationis, nec catharrum faciat, hanc una die, horis praesertim matutinis, natura expellit, partim per urinas, partim per cutis vasa; vel adjutrice febre ephemera. Sin minus catharrum facit, qui, pro vario evetbismo, plus minusve durat. Sed raro intra triduum judicatur, aut solvitur.

LXXIV.

Tunc natura multum insensibiliter evacuat, cum per oscitationes, & artuum extensiones, retentum perspirabile excernere conatur.

LXXV.

LXXV.

PERSPIRABILE habet duas partes , levem scilicet , & ponderosam.

Id est, quæ in auras exhalat, & atmosphæram homini peculiarem facit, unam, alteram, quæ cuti adheret, & sordes facit.

LXXVI,

PONDEROSA pars adeo affluit, ut ex ipsa generentur animalia, ut cimices, pediculi, & alia id genus.

Nidum quidem mucosum præbent ovis insectorum excludendorum cutis sordes, verum iis non præbent originem, quæ per se existunt, & organica ab inorganicis nasci non possunt.

LXXVII.

A parte perspirationis ponderosiore contagiosæ infectiones una cubantium proveniunt : leve enim evolat; ponderosum vero adhærens coinquinat.

Exit per cutem non unus, aut simplex humor. Sed 1. Ingens vis humoris aquei saponacei, ad ignem non concrepescens, fæti spiritibus, sive aliquo subtilissimo, vix odorifero,
ro,

ro, omnia pervadente liquido . 2. Heret ad cutem, & moderatius exit moles crassior oleosa, saponacea, quæ tamen aqua sola vix abstergitur . 3. Merum oleum, magna quantitate, partibus volatilibus refertum . 4. Mucus animalis, non minima mole omnia supervestit, & sordium nomine cutem inficit . Si enim sordes in cute residuas, & solidescences erasæris, non omnes æque solubiles, post aliquam in aqua moram, reperiēs : pars supernatat ; pars alia ad fundum abit, sedimenti mucosi forma . Ad ignem vivum crepitant illæ ; imo & fusibiles apparent, mox difficile, sed tamen lucidissima flamma igniuntur . Omnes simul sumptæ partes instantur ad ignem . Odorem fortem, subtilem, mora fœtentem, subtilissimum exhalant . Fit in aqua liquor inde fœtidissimus, in mucum, & floccos abiens . A parte solida sordium harumcæ, aeris, & spumæ, solo motu, ingens vis exilit . Ab harum consideratione lux ingens affulget morbis mucosis, impetiginibus, & cæteris morbis cutaneis, qui mucum hunc, seu tomentum mucosum vitare valent, in quo etiam nidum sæpe posuere insectorum ova calore excludenda . Imo & contagia intelliguntur ; tum quare in aliis illa concipiantur, tum quare in aliis vaneſcant facile, pro atomorum contagiosorum natura, & volatilitate, in aliis fermentorum more multiplicentur, & quasi tardius intumescant . Sudor plus partium illarum sol-

li-

92 DE PONDERATIONE , &c.
lidarum elicit . Idem in equis faciunt præparata antimonialia . Hinc pendet plurimæ actionis medicamentorum alterantium explanatio .

LXXVIII.

QUIBUS aliquid perspirabilis , in vehementissimis æstivis caloribus , exhalare prohibetur , calor est molestus ; quibus vero perspiratio omni ex parte est libera , calor non molestus .

Impedito perspirabilis humoris exitu acrior materia plus nervos vellicat .

LXXIX.

DIFFERT majus pondus a minori æque salubri , quia majus plus accelerat senectutem . Esto aliquem frui valetudine cum pondere ducentorum æque ac cum ducentis quinque : observavimus excessum illorum quinque magis accelerare senectutem .

Fateor me nullum cum physicis , imo cum observatione consensum huic propositioni reperire . Imo senectus a rigiditate fibrarum pendens nil cum ista plethora commune obtinet .

LXXX.

LXXX.

CARO animata cur vivit, & non putrefcit ut mortua? Quia quotidie renovatur. Cur pueri diutius, quam senes vivere possunt? Quia sæpius possunt renovari, incipientes ab infimo totius latitudinis pondere ad ultimum; sunt enim plurimorum salubrium ponderum capaces. Senes cur necessario moriuntur? Quia solum ultimorum ponderum sunt capaces. Sed cur solum illorum? Quia fibræ illorum sunt duræ, & ut tales amplius non possunt renovari; unde mors.

Non renovantur aduitorum solida partes; ut probatur maculis, cicatricibus, imo & notis tinctoriis Karaibum. Sed renovantur liquida perpetuo nutrimento. Putrescunt mortua a corruptione liquidi in illas contenti.

Pueri diutius vivunt, quia latitudinem sui augmenti non accepere; vasaque flexilia, transmittere liquidum apta quotidie incrementum.

Moriuntur senes, quia indurescentibus omnibus, circuitum jam experiri nequeunt. Unde errabat illustris Verulamius, qui corpora, ut a putredine liberaret, indurare docuerat.

LXXXI.

LXXXI.

QUI ægritudine pernicioſa corripuntur , cur ſanantur ? Quia multorum ponderum ſalubrium ſunt capaces . A corporibus enim ægritudines triginta libras auferunt , plus minusve ; prout corpora magis , vel minus repleta ſunt , & prout ægritudo magis , vel minus calida , & longa exiſtit .

*Sanantur ægri , quia fit materiei morbiſi-
ca , & hoſtilis coctio . Certè coctio facilior eſt
in illis , quibus vaſa flexibilia liberius per-
ſpirant . Unde carne denſa gaudentes , edixit
Hippocrates , ſaniores quidem vivere , ſed dif-
ficilius reconualeſcere . Raras vero carnes
habentibus , fluxiorem quidem eſſe ſanitatē ,
ſed faciliorem a morbis recuperationem .*

LXXXII.

SENEs ob frequentia ſputamina vitam pro-
trahunt . Retenta , ut incapacia coctionis ,
vel digeſtionis , impediunt perſpirationem ;
unde ſuffocatio , & mors .

*Senibus cutis aridior ; hinc , ut imperſectior
coctio , ſic perſpiratio minor . Redundante er-
go illos pituita diſfluere , & aggeſtis excre-
mentis neceſſe eſt ; quæ ſi recte fluant , vi-
tā*

APHORISMI. Sectio I. 95

tam protrahunt. Hinc in illa ætate catharrhi non coquuntur, notante Hippocrate. Si retineantur illa excrementitie partes, mox aderit suffocatio, non adeo raro subita in acerrimis frigoribus.

LXXXIII.

SENECTUS revera est ægritudo, sed diu protrahitur, si corpus reddatur perspirabile.

Debilitas necessaria comitatur senilem rigiditatem, actioni prorsus imparem. Hinc ab Homero balnea, & longiores somni, alimenta que levia suadentur. Vide & Boerhaavium de dieta ad longævitatē.

LXXXIV.

INTERIMUNT senes, coitus; corporis actualis frigiditas; potio; Plus justo cœnare ut juvenes; plus debito irasci, & exerceri.

Quæ vires exhauriunt; quæ sputis crudelitatem conciliaut; quæ eorum copiam augment prætermo- dum; quæ motum iis nimium induunt: hæc omnino senibus officere necesse est.

LXXXV.

SENEs ætatem decrepitam non attingunt
ob

ob diminutas expultrices . Hinc , dum plus solito bibunt, minus meiunt , & minus solito perspirant. Remedio est, ut ablatio exæquet additioni.

Si ablatio exæquetur additioni , sanitas aderit, quæ ex omnibus corporis conditionibus tutior est . Sed rigidum senile illa non tollet, quod insanabile . Et si tardari posset illud, id per fœtus, & dietam diluentes, & laxantes tolleretur. V. Boerrhaave l. c.

LXXXVI.

PESPIRATIO insensibilis non solum principum , sed unius partis infimæ vetita vitam tollit . Principum , dum in cerebro fit apoplexia , in corde palpitatio , in jecore polyæmia , & in utero præfocatio. Infimæ partis, gangræna,

Exhalatio unius partis vetita plethoram , vel cacochymiam inducit , si sensim fiat ; indeque infarctus . Si subita fuerit hæc suppressio, catharos inferet , aut inflammationes .

LXXXVII.

DUM suffocantur mulieres, non fit ob uterum comprimentem septum; sed a frigidityte

te feminis corrupti non indigentis perspiratione.

Quid de falsis hisce physiologicis axiomatibus sentiendum sit, satis norunt vel physices simplicioris affecte.

LXXXVIII.

HUMORES podagricorum, etiamsi crassissimi sint, solum per modum vaporis resolvuntur.

LXXXIX.

VOMITUS urinam, & perspirationem divertit.

XC.

CORPORIS in lecto frequens circumvolutio, cum fiat omnium musculorum intervntu, enervat; & coctionem, & perspirationem utilem diminuit. Remedio est in eodem situ obstinate quiescere.

Quot in volutatione muscoli fatigentur, anatomici sciunt; cum totum corpus in uno puncto trahendum sit. Sed summa huic defatigationi adde causam hujusce anxietatis. Titillationem reperies cutis vascula crispantem,

*tem, atque constringentem. Adde loco blandi,
& instaurantis somni, vigilias. En aderunt,
plures defatigationis cause.*

XCI.

*DUM genua actu calida conservantur, non
algent pedes, noctu bene dormiunt, magis
perspirant, & minus meiunt.*

*Experientia demonstrat, frigere unius par-
tis, perspirationem plus supprimi, quam a
frigore in universum corpus agente. Minor
est scilicet adversus ingruentem causam par-
tium renixus. Hinc querebat Aristoteles, cur
frigus pedum, somnos impediret.*

XCII.

*PROFLUVIUM alvi tollitur iis, quæ perspi-
rationem augent, sicuti est balneum.*

*Res vera non erit, si adsit in intestinis vel-
licans causa; qua non sublata, tolli effectum
impossibile est.*

XCIII.

*SICUTI magnes cum multo ferro, & vi-
num in magno dolio melius conservatur
quam in doliolo. Sic corpora ponderosiora
sa-*

salubria magis robur conservant , quam cedentia a pondere per inediam :

Hæc paritas nulla . Nam etsi contraria docente Sanctorio vinum melius in doliolo servetur , quam in ingenti dolio , nulla inde ad corporis salubritatem conclusio educenda . Corpora ponderosiora specificè , id est , fibris donata crassioribus , minus causis impellentibus cedunt , quam tenuiora ; inde salubriora dici possunt . Sic miles crassus ea facit , & patitur , quibus extingueretur fœmina .

XCIV.

QUI plus meiunt , quam bibunt , parum , vel nihil perspirant .

XCV.

IN febribus intermittentibus , cur perspiratio insensibilis prohibetur ? Quia humor peccans est in ambitu corporis .

Quia corpus crudis scatet , quia vasa constringuntur , erethismo . Sed facta coctione , id est , mitigatis humoribus , & laxatis meatibus , resarcitur perspiratio .

In hydrope, non resolvitur aqua abdominis, quia ejus siccitas, & durities impediunt perspirationem.

In dydrope, vel rupta aut dilatata præter modum vasa interiora lympham nimia stillant copia, quam ut possit resorberi; vel vasa inbalantia eam accipere non possunt. Quod vulgo a compressione venarum, aut arteriarum infartu pendet. Nihil hic pertinet ad perspirationem, saltem partium externarum.

XCVII.

HUMORES calidi, & fluxi in aliquam partem calidis digerentibus tractantur, ut per insensibilem perspirationem resolvantur.

Non resolvuntur per transpirationem humores fluxione congesti, sed vi naturæ, & repetitis vasorum oscillationibus tenuati, tandem liberiora per laxationem facta vasa subeunt. Ad hunc naturæ scopum conferunt digerentia. Quæ medicamenta, partim e mollioribus moleculis constant; partim tonicis, quæ aliquem stimulum vasis obstructis imperitiunt. Unde, sedato erethismo, mollis oscillatio nascatur in parte; quo allisu, & resoluuntur humores rursus agantur in circuitum.

XCVIII.

XCVIII.

IN magnis febribus cur lypothimia juvat?
Quia sudorem , & validam perspirationem
facit.

*Lypothimia laxat omnia vasa ; jam nec
remanet tonus , nec vasorum actio ; sponte flu-
unt sudores , & quasi delabuntur .*

XCIX.

PUNCTURA nervi , si lacte , farina , vel
simili claudatur , ichor retentus ita acris fit,
ut moriantur convulsi , nisi oleo aperiatur
vulnus.

*Res , quæ etsi vera foret , ad perspiratio-
nem non pertinet .*

C.

IN tumoribus perspiratio utilis , si fiat
humidis actu , & potentia ; secus in scirrhum
cedunt , tenue resolvendo , & crassum relin-
quendo .

*Aphorismus omni sensu verus est , licet ad
præsentem doctrinam non pertineat ; nam vix
ullus tumor est , cujus natura in scirrhum*

102 DE PONDERATIONE , &c.

abire possit , qui non sanetur laxatione vasorum ; stimulo vero nimis forti addito , non induretur .

CI.

PARS corporis , ut repleta sanguine , vel alio humore , ut in tumoribus , & in ipsa pleuritide , non est refrigeranda : quia evacuata materia , sponte refrigeratur .

Falsa hæc nixa theoria propositio nec ad usum applicari , nec ad doctrinam elucidari potest .

CII.

HYPOCONDRIACI , si frequentibus balneis eorum corpora reddantur perspirabilia , & victu humido utantur ; sani fiunt .

Quamquam hypocondriaci mali idea sit extensior , quam quæ hic proponitur ; solidis tamen erethismo tensis , humoribus aridis balnea conveniunt ; non tam ob perspirationem , quam ob dilutionem . Convenit etiam victus humidus jampridem a Galeno commendatus , ut & omnia laxantia , si quidem nulla est methodus , quæ vasis prætermodum tensis , possit aliquem obtinere successum .

CIII.

CIII.

PERSPITATIO insensibilis, facta per fomenta in non purgato corpore, plus attrahit, quam resolvit, ut de Simone.

Hinc cruda alimenta in balneum ferre adeo periculosum. Cruda enim, impetu perspirationis post balneum auctæ, vacuantur; nec coctio fit, nec perspiratio utilis.

CIV.

CORPORA, quæ insensibiliter multum perspirant, neque purgantur, neque phleboto-
mantur; ut patet de pueris.

CV.

PETICULÆ cur fiunt? Quia maligni ichoris perspiratio impeditur.

CVI.

GANGRÆNA, iis, quæ perspirant, prohibetur; iis, quæ suppurant, fit sphacelus.

CVII.

PARS gangræna affecta cur moritur? Quia

arteriola ob sanguinis copiam non attolluntur . Remedio est evacuatio sensibilis, & insensibilis .

Nec a doctrina perspirationis intelliguntur hæ propositiones ; nec eam illustrant .

CVIII.

CRASSISSIMI humores in robustis per angustissimas vias tranant, ut patet de pinguedine per urinam: de mulla injecta in pectus vulneratum: ergo per insensibiles meatus.

Crassissimi humores possunt resolvi , si tamen calore tenuari possint . Nam metallica , excepto tenuissimo mercurio , non resorberentur . Robustis vero vis resorbens , ex ipso suo robore major . Sed nullibi major , quam in corporibus vacuis , teste Simpsono , in Act. Edimburg.

CIX.

PER difflationem evacuatur materia utilis, & inutilis: si vero post somnum acquirantur vires, plurimum inutilis.

Inutilis, id est excrementitia . Utilis, id est alibilis . Hinc robustiores vulgo sunt , qui minus perspirant , Boreales populi . Hinc aliquando

do perspirationis habitum cohibuisse, ex arte fuit, Reaumurio indicante.

CX.

DIFFLATIO, quæ effugit sensum, est naturalis, & indicat robur; e contra vero sudor.

CXI.

Si quæ corporis pars hyeme valde frigeat, ita totum corpus consentit, ut coctio, & totius perspiratio minor fiat.

Quia universum corpus sensu regitur. Acrior porro est sensus frigoris in unam partem servientis, quam in totum corpus incumbens. Tollitur ergo plus æquilibris illius potentia, per quam pars altera supplet alteri: adeoque a partiali impressione plus timendum noxæ, quam ab universali.

CXII.

NATATIO vesperti tutior: mane ab aqua frigidiore meatus clauduntur; unde febris periculum.

A balneo quocumque, etiam frigido, increfcit ad cutem calor, & postea perspiratio.
Nec

*Nec unquam, si experimenta sumpseris, in-
balatio aquæ per balneum æqualis est difflla-
tioni, quæ balneum sequitur. De quibus vide
Monerium, Act. Acad. 1747.*

*Natatio, exercitii genus defatigans, corpo-
ri tempore matutino admodum perspiranti ad-
mptum, dum a tergo trudit aucto motu per-
spirationem tunc copiosissimam, eam in vasis
cohibet, frigore prementis aquæ. Quod frigus,
ut sero minus, ita perspiratio pariter minor.*

CXIII.

*In æstate, si corpus jaceat detectum, pro-
hibetur perspiratio: unde capitis gravitas,
& corporis contractio.*

*Aphorismus erit verissimus, si loco perspi-
rationis scribatur cæctio ad perspirationem
preparatoria.*

CXIV.

*DUM quinque, vel sex dierum cursu cor-
poris pondus augetur, non statim, sed pau-
latim est tollendum: inedia enim summe ri-
gida lædit ventriculum, cerebrum, & cor;
mox totum corpus.*

*Quodcumque nimis subitum est, violentum
esse, & periculosum, prænuñtiavit Hippocrates.*

Fatiscunt enim vasa, quæ plus justo plena, deplentur protinus, Inedia vero etsi depleantur vasa, acredo putrida introducitur, non semper, ubi extitit, alimentis reparabilis.

CXV.

IN autumno augetur corporis pondus; quod si excedat salubrem latitudinem, fiunt tertianæ, seu aliæ putridæ.

Perspiratio, frigore autumnii humido suppressa, si erethismus constantem inferat, febrem accersit continuam putridam. Si lenior veniat, sed cum alvi saburra periodice contingat, febres intermittentes creat. Hinc illæ locis paludosis, frigidis, & humidis endemice sunt.

CXVI.

EXTREMA frigida in acuta febre, nisi incallescant, lethalia ob adiapneustiam.

Non ob adiapneustiam; sed ob fatiscentiam virium, & languentis inde circuitus penuriam.

CXVII.

NIHIL magis nocet ulceribus malignis, quam

quam quo prohibetur perspiratum ; ut adeps, oleum, & cera .

Ob retentum ichorem ; ob rancescentiam oleorum laxantium . Sed non , ob prohibitam perspirationem .

CXVIII.

QUOTIDIANA , sola ex intermittentibus non caret periculo ; pituita enim in prohibendo perspirationem primum locum tenet .

Dixerat Hippocrates , febrem , quacumque ratione intermittat, carere periculo. Quod non adeo verum demonstravere Torti , Ramazzinus , Valcarengius . Rebellem magis ceteris quotidianam , adeoque & magis periculosam, consentiunt omnes .

CXIX.

CONSTIPATA perspiratione in cervice, stupescit sensus pericranii : ut deambulantis sub vento, & pluvia .

*Duas obtinet partes Aphorismus noster . Altera ab observatione pendet effectus frigoris in cervicem , quod mihi nares præcipue afficere visum est , & rigores in musculis summe cruciantes inducere, Rheumatismi, & lum-
ba-*

baginis nomine apud authores dignoscendas.

Altera vero, occupatam erethismo glaciali naturam minus ad concoquendum aptam, jure designat.

CXX.

NIHIL magis putredinem tollit, quam larga ventilatio; non solum per inspiratum, sed etiam per meatus insensibiles facta.

Quantum ventus corpora sibi exposita siccet, norunt omnes. Hinc, nisi frigidus sit, perspirationi favet, & corpora animalia siccet. Aliunde, herentia putrida dum rapit; dum atomos putridas in aera ambiens volitantes, hinc aufert, illinc contra affert; nunc putredinem tollit; nunc advehit. At certe in perpetua aeris renovatione, majus adversus putrida praesidium est.

CXXI.

REFRIGERATIONES in morbis acutis indicant mortem, ut in Hermocrate; adimunt enim perspirationem.

Qua de causa, refrigeratio morti proxima sit, norunt omnes.

CXXII.

CXXII.

POST balneum, oleo meatus cutis condensantur, hoc fine, ne humiditas alimentalis attracta resolvatur; ergo oleum claudet in periculis, & non aperiet poros.

Methodus fuit antiquorum, oleo post balnea uti. Imo & absque balneo, ut flexilitatem conciliarent cuti; simul exercitiis mox sese dedituri, pulvere obstupabant poros, ac sudores coercerant, experti parum ad id conferre olei solius applicationem. Nam oleum, nisi rancescendo vasa exbalantia irriteret, perspirationi non officit. Demonstravit id plurimis experimentis, quorum corollaria, & producta dum viveret, ipse mihi communicaverat R. Marteau Collega noster Parisiensis, imo & ab olei applicatione promoveri perspirationem evicerat.

CXXIII.

EA tamen victus ratio, quam quotidie minus perpendimus, pellit nos ad senium Philippi.

Ex morbo senium fit, authore apud Galenum Philippo, hypocondriasi junctum, quoties vires nimis excessibus defatigantur, unde jam actio

actioni evadant impares. Excessus autem, vel defectus, æque nocent, dum hinc vires exhauriuntur, illinc obtunduntur, si spernantur aureæ mediocritatis leges.

CXXIV.

DIAPHRAGMA contrahendo se ad suum principium, dilatat thoracem, dilatando fit inspiratio: se laxando, constringit, & constringendo fit expiratio.

CXXV.

SPHINCTER vero contrahendo se ad suum principium, constringit vesicam, & urinam continet: se laxando, dilatat, & eam reddit.

Ne mutila typis detur Sanctorii statica, subjiciuntur hic Aphorismi, quos addidit huic sectioni, cum hoc titulo.



D E P E S T E.

CXXVI.

RES peste infectæ inficiunt, quousque durant proximæ, & remotæ causæ: unica tamen deficiente, cessat virus ad instar motus ho-

horologii, dum, rotarum unico irritato dente, quiescit.

CXXVII.

PESTE non tactu, sed inspiratu aeris pestiferi, vel halitus suppellectilium inficimur. Sic fit: Spiritus vitalis ex aere inficitur; ab infecto spiritu congelatur sanguis; qui extra pulsus, carbones, nigras papulas, & bubones efficit. Si manet intus, mortem. Si totus pellitur ad extra, evadimus.

CXXVIII.

Si ad carbones, & bubones tota pestis pellatur; bonum; si minus, lethale.

CXXIX.

NON sponte inficimur peste, sed fertur ab aliis. Patet experimento monialium.

CXXX.

NON omnes, sed tertia hominum pars circiter peste moriuntur. Patet experimento vespillonum.

CXXXI.

CXXXI.

QUI putant nigrorem papularum, & carbonum indicare adustionem, errant: sæpe enim senes, intus, & extra frigidi, citra febrem, inter biduum, cum eodem nigrore a thrombo profecto, decedunt.

CXXXII.

SI paucus sanguis, ob corruptum spiritum vitalem, fit thrombus; hic si totus expurgetur per bubones, & carbones, sanantur; si non totus, moriuntur, ut in nigris papulis.

CXXXIII.

HINC, quibus anthraces, & bubones aperiuntur, si interna infectio tota exeat, sanantur; si minus, moriuntur.

CXXXIV.

MODUS frænandi pestes duplex, ut sani separentur, & infecti se pandant. Modus, ut se pandant, duplex; ut ad loca illis invisa non mittantur; & illorum suppellex non uratur.

H

CXXXV.

CXXXV.

PESTE inficiuntur facile rarum habentes pulmonem ; e contra qui densum . Rarum habent , si facto maximo inspiratu , unicuique pulsus ictus fiat quietior .

CXXXVI.

PESTIS non est, ut ignis, qui, augescente pabulo, crescit ; ipsa vero, eodem modo pabulo se habente, decrescit .

CXXXVII.

RADII pestis vento loco dimoventur ; corporis lucidi nulla vi .

CXXXVIII.

QUI aliud remedium pro vitanda peste instituunt , quam fugam , vel sunt homines ignorantes , vel volunt ærascere .

CXXXIX.

HINC nobilium . fere nemo cum remediis ; plebei vero sine iis plures sanantur .

CXL.

CXL.

CUR diu durat pestis?

Quia dum scivit, purgant res infectas, quas purgando fures clam disseminant. Post finitam pestem non inficiunt; secus pestis esset perpetua.

Quia infecti, dum vi mittuntur extra urbem, alii non se pandunt; unde infectio crescit.

Quia non prohibent populi cursum ad templa. Sub dio sacra essent exercenda.

Quia eligunt Chirurgos externos, quibus quo major pestis, eo gratior.

Quia ab infectis non separant sanos in aliam domum.

Quia utuntur remedio interno pro peste, cum nullum detur, quod non noceat.


Quia permittunt mercatum pullorum, quos tangunt infecti; dein sani eosdem tangentes inficiuntur.

Hæc quidem axiomata, cum ad perspirationis doctrinam nullatenus conferant, satius prætermittere visum fuit; cum vel ad ipsam cognoscendam pestem parum utilia sint.



SECTIO SECUNDA.

De Aere ad Perspirationem spectato.



INTRODUCTIO.

AERIS pondus, licet veteribus satis cognitum, imo ipsa deprehensum evidentia, ejus elaterem, quamvis non minus sensibus conspicuum, metiri, & legibus comprehendere, nondum attigerat, ætas in qua vitam egit Sanctorius. Omnia hæc jam vulgata, vacuas aures hodie frustra distinerent.

Illud ergo nobis relinquitur expendendum ad Sanctorii dogmata aditum aperientibus, ut ex cognitis qualitatibus illis auguremur quid aer ad perspirationem possit conferre, in quo noceat illi, quid contra, cum in statu sano maximum sit inhalationum, atque vaporum apponendorum organum, possit corporibus atomo-

morum invehere: qua quidem in inquisitione varias ponderis, elateriiqve vices, ventorum motus, & in aere contentorum appulsum fas erit leviter perstringere; revocanda enim potius in mentem. supersunt, quam docenda, quæ fuse annotavere, post ævi proxime elapsi physicos, Boerrhaavius, & ejus exscriptor Arbuthnot.

Aeris pondus auctum, seorsim ab aliis qualitatibus ad corpus humanum si contuleris, certe plus virium in corpus exercere videbis, plus elaterio agere, adeoque plurimum favere liberiori humorum circuitui, resiliendique vi aucta coctionem promovere, & inde perspirationi nunquam adversari. Hinc clarissimi Wainwright (*) experimenta hoc ingenere demonstrant, plus virium exercere, imo & minus resistentiæ oneribus ferendis experiri corpora animalium in aere gravi, quam in leviori; in sicco, quam in humido; in ventis perflato, quam in torpido, & quiescente.

At non omnino consentiunt antiquorum voces cum recentium experimentis. Gravem vocabant veteres aerem, vix perflatum ventis, foetum halitibus, aut arborum, herbarumque, vel animalium vaporibus vietum. Talem inspirant depressarum convallium, herbidarumque, ac humidarum incolæ, densum hunc, ac spissum vocamus.

H 3 Enim.

(*) *On non naturals.*

Enimvero annotatum est in convallibus illis præcipue, quæ inter juga montium hiant, & liberum ventorum spiraminibus aditum intercludunt, minus ex alimentis a transpiratione absumi, minorem reparationis necessitatem, minusque frequentem ingruere, quam illis, qui edita montium juga incolunt, apricorumque collium leves auras captant. Hinc vulgata loquendi formula vividior dicitur aer, qui in editis locis spiratur, gravior, & lentior, qui ad ima montium hauritur. Barometri fidem hic advocare foret inutile: falleret enim sensuum judicium, cum nunquam leviores videamur, quam gravi, atque suda athmosphæra, graviora sint corpora, quæ leviori, & pluviolo aere inquinantur. Sed gravitas illa aeris, quam sensus arguunt, scilicet, quæ gravia facit corpora, videtur elaterio compedes injicere, se junctis quasi, & semotis a se invicem elementaribus aeris minus puri partibus; hæc a locorum positura pendet, quæ quasi stagnantes lacus in atmosphæra efficit, unde vaporibus effæta fit illa, nec pulmones expandit, nec a calore satis rarefit; hinc ab ipsa non vires recreantur, nec aura insinuatur intus vitalis. Hisce in locis respiratio quidem alta, sed tardior, motus lentiores, & crassior, obesiorque corporis moles, imo & in crasso Bæotum aere crassam etiam mentis, ingenique tarditatem timuere veteres. Contra vero montanis respi-

ratio

ratio celer, & facilis anhelitus, sed agilitas musculorum ingens, ipso accretu usu, proceras, & gracilis corporis delineatio, vorax appetitus, unde iis, quibus innata est pulmonum debilitas, fugiendum hujusmodi aerem medici edicunt; rarefcunt enim potentius, & facilius rumpuntur vasa pulmonum, minus aere compressa, & uberior perspiratio liquida nutritia absumit violentius.

Verum vitii hujus in athmosphæra innati fuga facilis. Nec inauditum fuit antiquioribus Empedocli, & Hippocrati ventos in depressas convalles immittere, & quasi fluentia aeris artificiosa conciliare, vel ignibus accensis vortices in ipsa athmosphæra concitare, imo & ignis potentibus spiculis afflare aerem, supplementumque radiis solaribus suppeditare.

Frequentius vero accitas aliunde proprietates mutuatur aer, quas multo intimius veteres, ut sensibus maxime obvias, suæ submiserant inquisitioni. Tales sunt calor, atque humiditas, ventorumque flatus, nunc alterni, & periodici, nunc instabiles, & inconstantes, quæ omnia maximi in doctrina perspirationis mementi sunt.

Aere quidem frigido, in genere, sine erroris nota pronuntiari potest, perspirationem minorem fieri, verum distinguere debet frigus aeris tum gradu, tum humiditatis, aut siccitatis miscela.

Frigus leve leves affectus elicit, nisi humiditati junctum sit, qua nulla alia conditio magis obstat perspirationi: dum enim frigus addensat glomeratos ad cutim vapores, ipsa cutis aerea humiditate perluitur, tanguntur aqueis partibus perpetuo attactu cutanea, ut & oris, narium, tracheæ, pulmonum, vasa maxime patula; truditur humor intus in hiantes poros, dum restitat, qui debuerat exhalare. Hinc quasi coryza fit perpetua, pulmonumque laxior humiditas. Cutis omnis undequaque turgescit; debilioribusque palpebræ noctu inflantur, diurna ambulatione pedes intumescunt. Unde etiam qui nocte humida, aut propter duram sortis injuriam, aut præpostera securitate, sub dio dormierunt, somno turgescientiam vasorum adjuvante, mane œdematosi reperiuntur, aut, si præ virium naturalium robore instantis œdematis periculum præsens superarint; immanibus ad articulos, ubi lymphæ tardiori circulo vehitur, cruciantur doloribus, testibus gravissimis, naturæ observatoribus Alpino, & Bontio. Hinc tot sunt, per hyemes nubilas & humidiores, catharri, qui per populum grassantur, musculos colli, Pharyngis, lumborum duris torquentes cruciatibus, & lymphæ opplentes, dura, crustosa, nec, nisi post fatus, & repetitos caloris solventis afflatus, perspirabili. Musculorum vis in spasmum tota vertitur, & sæpe si hac in sede lympham discusserit

ars efficax hærentem, figit alibi sedem per-
vicax catharrus. Nec requies tot malis. Hi-
bernî enim catharri in incautis, & parum
arti auscultantibus, ante veris tempora, raro
omnimode sanantur; at in infirmioribus na-
turus miserrime diram pulmonibus labis pu-
rulentæ notam affigunt, adeoque evadunt vix
sanabiles. Hinc iis temporibus virium moli-
men adaugere audet ars salutaris, similique
tempestate meracius vinum suadebat Hippo-
crates. Hinc vestimenta frequentius mutare,
eque sicca corpori apponere suadent omnes,
& jure quidem, ac merito, nam cum illud
quod humiditati junctum est frigus, medio-
cre sit semper, non adeo obstat glacialis stri-
ctura stagnantis cachexiæ corruptioni. Hæc
sui generis corruptio scurbutus vocatur, pe-
dum motum vinciens, coxis pondus addens,
ora, gingivas, nares, tetro halitu primum,
dein languidis ulceribus sædans. Quo morbo
nulla tristior pestis infestat depressas, humi-
das, nebulosas regiones, aut maria simili aeris
constitutione infamia, & nautis sævius incum-
bit gregariis, quibus aut vestium penuria la-
borantibus, aut siccitate tepidi lecti carenti-
bus, languorem primo, dein & perniciem
lentam, & exedentem affert. Stagnantis enim
liquidi aquei vix calentis corruptio, sponta-
tea est, & spirat acidum volatile, quo vel
intimior ossium compages exeditur; febris
vero, ut a lento, & frigido humore, vel tar-
de

de admodum, vel pessimo & ferali omine
sub morbi finem tantum accenditur.

Verum frigus acre, & glaciale atmosphæ-
ræ ex ipsa sua congelatione siccum est.
Hoc fibras quidem immodice stringit; hoc
humores ad cutim properantes immodice den-
sat, imo &, si fuerit acerrimum, si illi
homo sese immobilem opposuerit; organa
simul, & contenta, uno ictu siccò, gangrenò-
so destruet, vasa, & humores congelabit, un-
de frigus penetrabile, adurens dicebatur an-
tiquis, cum & stirpibus, & animalibus liquo-
rum soliditate accita mortem afferat. Interea
ipsa superficies cutis arctata sanguinem vix
admittet, inde in caput, & pulmones refluent.
Ab hac causa ferale apoplexiæ, suffocationes
subitanæ, & perspirabiliùm humorum in
nares, trachæam, pulmones, violenta retro-
pulsio. Cordis ipse impediatur aquabilis mo-
tus, & sentiet ipsa illa corporis arx palpi-
tationes, patietur polypos. Sed hæc omnia in
maxima frigoris violentia, & incautis tantum
experiunda; summæ enim vehementiæ sum-
mi effectus. Unde fit, ut apud extremos ho-
minum Siberitas vegetatio lanqueat, faculta-
tes obtundantur, & humana ipsa progenies
medium inter feras, ac cæteros homines vi-
deatur tenere. Hinc horridæ omnes illæ re-
giones, quæ septentrioni subjacent, nec fructuum
felici proventu uberes sunt, nec gaudent ho-
minum sæcunda progenie, sed paucissimis
tan-

tantum habitantur infelicibus, qui specubus defossi, hyberna otia agunt, nec dona cereris norunt, nec bacchi pocula, sed piscibus induratis vescuntur, & setis animalium velati maximam anni partem ad focum assident. Sed si minori, tolerabilique gradu frigus sævierit, dum meatus stringit, & obstruit, servata intus utili materie, vires sufficit, & ipsa fibrarum strictura alacritatem addit. Inhalatio tunc nulla, & in paucissima exhalatione corruptio tamen nulla vix morbis aditum præbet, præsertim ubi tali aeris sævitiei assuetum corpus sobriam exigit vitam. Densatio enim, atque siccitas a frigore inducta, nihil habet densitatis illius, & rigiditatis senilis, sed servati humoris intus beneficio flexile longo tempore manet corpus: unde frigida Norwegorum temperies longum senibus prorogare ævum observatur, nec ullis aliis in regionibus tot numerantur centenarii, sive sæculares viri. Adde quod hic vix dira serpant contagia aere nec concipientes vapores, nec patentibus corporibus. Omnibus hic ingens in corpore proceritas, & ad omnes motus agilitas flexilis, plus lymphæ, quam æstuo- si sulphurei principii intus exundare docet, quod & indicat flaccidioris cutis albedo, quæ iis præsertim populis competit, qui Septentrionales insulas incolunt, quibus fervor solis per brevem, sed æstuosam æstatem, humiditate temperatur.

Om-

Omnia prorsus contraria tibi calor aeris, in maximo ejus gradu spectatus, phænomena exhibebit. Rarefcit enim athmosphæræ moles univérſalis calore ſolari, rareſcunt ſimul, & diſperguntur per illam diſperſi vapores, & omnia partium rarefactione laxantur. Tum vero, laxatis vaſorum omnium ordinibus, in corpore humano jam vires fatiſcunt, quippe quæ tensionem ſupponunt, & actuoſitatem: præterea vero, licet partium tenuium major copia evolvatur, earum maxima pars perit, avolat, & calore conſumitur, unde inertes, enerves, & ad agendum minus habiles effici-mur. Nec enim ſine defatigatione ſunt, actio mediocris vix poſſibilis eſt. Ad motum vel minimum exilit ſudor, & tenuiſſima auferuntur, unde ingens quietis cupido, qua ſiccitatem, atque ſitim a calore naſcentem devitent, & retundant populi, quos aſſat rapidi æſtus vehementia; nec ullæ vigent functiones præter eas, quæ ab acri ſtimulo liquorum ſumme tenuatorum pendent; ut ſunt venerci appetitus. Hinc factum eſt, ut, qui a borealibus plagis infelicioſius ad deliciis plenas, & luxu diſfluentes australes oras attulere, deſides, & fortioribus eorum lacertis impares populos cito ſubegerint. At ubi molliorem vitæ ſuaſit uſum loci ipſius male exoptata temperies, ruruſus ipſi novis advenis, quod occupant, ceſſere imperium. Hinc familiare fuit Romanis per æſtuofas regiones bel-

bellantibus æstiva ingredi. Hinc etiam in calidioribus Europæ regionibus mos insuperabilis somnum meridiei tempore carpendi, ne vires collabascant. Cohibet enim somnus tum nimium cordis motum, ejusque effectus, tum perspirabilis crudi effluxum, sicque coctionem promovet, & ut vulgari utar vocabulo, *refrigerium affert*. Sed non minima est caloris maximo gradu sævientis in pulmones actio, frequentior enim in calore respiratio, cum rarefacto aere minus partium vitalium ad pulmones appellat, cum minus dilatentur pulmones ab aere jam rariore, prætereaque deficiat illud ad quod anhelant, exsucco, & exsiccato tum tracheæ, tum bronchiorum meatus, & folliculi, *refrigerium*. Qui theoriam hanc adamussim deductam voluerit vidisse, legat hic Boerhaavii immortalia experimenta, quibus exceptionem quamdam etsi impertiant nuperiora in Actis Academiæ Parisiensis relata experimenta, & Cl. Adanson in ipsa Nigritarum fervidissima regione institutæ observationes, possibilitatemque vivendi probent in aere summe calefacto, salubritatem tamen talis aeris numquam aut fas fuit, aut voluntas authoribus evincere. Hinc æstuantem omnes auram invocant etiam perfidam illam, & subdolam. Hinc linguam exerunt, hinc frigidiorē, & glaciale aquam, fructusque molles, & acescentes auro contra mercarentur, qui æstu cruciantur, dentibus

tibus ficcis, labiis torridis, larynge, pharyngeque collapsis.

In hoc quidem calore sicco per se, imo & summam inducente ariditatem, ut & in frigoris, & qualitatum omnium aerearum effectibus; præcipue si ad perspirationem conferantur illi, distinguenda est eorum actio subita, & insolita, quæ multo gravior, & periculosior est, ab ea, quæ corpus a longo tempore circumvestit, ita ut assueverit illius impressioni. Minus enim commoventur corpora humana ab assuetis.

Inde fit ut Europæis in calidiora America loca devestis labor importunus sit, imo vix possibilis; Nigritasque Africano soli jam pridem obnoxios, ad terram cultu subigendam fuerit necessarium advocare. Hi & æstum patienter tolerant, & labores alacriter capeſunt, quippe quibus nihil offerat insoliti ardor ille irradians solis. Nec minus sanguinis illorum compages etiam ad physicum aspectum magis arida, & resinosa in vasis, proportionem sibi propria, libere præterfluit, nec avolat. Adde quod & novas vires, & novum partibus robur inſpirent ipsi in nudos artus decumbentes radii solis, quorum non minima vis est in partibus infantium roborandis. Has infirmiores partes Meridiano soli objici suadet ars experta. Illi enim radii, si, quasi in partem sæpius ipsius oppositam, fixi maneant, non solum ei colorem peculiarem, sed & robur

bur inspirant, ut norunt nautæ, milites, iique, qui, teste Luciano, gymnastice exerciti, & patientes pulveris, atque solis, pancratice valebant, & ad omnes solis, & caloris incursus stabant immoti.

Mechanice & peste sensibus impervia præsertim agit pessima illa aeris conditio, in qua atmosphæra æstuans calore summo humiditatem simul concipit; squallet enim tunc atmosphæra, vaporibus terrarum putrefactis, & aquarum illuvie, quæ cum animalium, & plantarum volatilibus miasmatibus cito, & certo corrumpitur; & per patula, atque hiantia ob laxitatem vasa putredinem eo facilius intropellit; quo magis perspiratio stagnat pariter ad cutim, nescia exire, ob fatiscentiam vasorum: imo & mucosa parte magis resistente cutis humidior volitantes atomos putridas quasi inviscat, & sibi apponit, adeoque & propria indole, & aduinculo atmosphære putrescentem concipit halitum. In hac ergo cœnosa aeris qualitate, perspiratio non solum minor est, sed & hærens illa corrumpitur, & febres malignas æstivis illis pessimis cœnosis, & squalentibus locis endemicas facit; nisi simul adsit ventus, qui quasi hærentem putrilaginem avertat, sæpe iis, apud quos nata fuit putredo, faustus, atque felix; funestus illis, ad quos nil tale metuentes, tetrus, & feralem desert halitum. Nulla in alia aeris

Epi.

Epicrasi, tot insectorum ova excluduntur, quorum etiam corrupta cadaverum vis aerem novo inficit tabo. Nec cibi animales servari pariter in tantæ aeris inclementia possunt; nec, si summa cura fuerint servati, sine aliqua putredinis nota concoqui. Unde religiosa, & salubris apud Indos ciborum animalium abstinencia, & toleratur facile, & feliciter celebratur. Porro is in corpore humano putredinis effectus est, ut vires illico proterat: unde rursus nata intus putredo exire non potest, prostratis, & labascentibus vasorum viribus actuosis. Nulla est ergo alia tantopere vitanda atmosphæræ constitutio, quam, quæ calori obnoxia, condensat simul, atque agglomerat stagnantium paludum miasmata, & in aere detinet fluitantia, & averfa a salubribus ventis. Hinc infames sunt Æthiopum, uberes alioquin omni fructuum proventu, campi quos per dimidiam anni partem nocturnæ fovent pluviz, matutinæ nebulæ irrorant. Hoc enim tempore numquam non grassantur morbi epidemici contagiosi, imo & ipsa Pestis, anthraces, atque bubones pro crisi habens, videtur aliquando contagioso commercio in oras magis salubres deferri. Ab illa regione, quæ post superiores Egypti plagas posita jacet, jam tempore Thucydidis, jure commercii, subtile illud miasma Athenas usque deductum fuerat, tanquam ab Emporio. Nec est ergo, quod illi aut auri rivos, aut gemmas

mas, aut cardamoma, ac myrrha lacrymas invideamus, & præcipue calore loci, ac fervore sanguinis æstuantis enata tot animalium aromata, omni sensu subtiliora, Moschum, Zilbethum, &c. Nec salubrius degunt plerique Arabiæ ad rubri maris littora accollæ, quos calor humidus totos perfundit, & perfluit. Sed & in minori cæli inclementia, verum æstivo squalore metuendo, Græci omnes, præsertim qui mari viciniore sunt, pessima sibi promittebant; nisi flavissent Etesii venti, teste Hipocrate.

Quæ ergo summo in gradu populi illi, & patiuntur maligna, & aliquando ad nos advenire; in similibus tempestatibus opperiri fas est, minora quidem, sed nostris metuenda tamen corporibus.

Quid & quod in ipsa temperationis cæli indulgentia, prompta & subita varietas, quæ in hisce locis potissimum eminet, vera est morborum a perspirationis vitiis origo. Quod vitium Galliæ nostræ præsertim in tractu Parisino proprium est, in quo, quæ matutina fuit aeris temperies, aut Meridiana, aut serotina vix responsat. In quo omnia intempesta ab uno excessu in alium sæpe, vel una die fiunt. Unde nullibi tot catharri adeo cito sanandi, adeo cito recrudescentes, ita ut & ipsis morbis, genti exprobrata levitas videatur competere.

Perspirationi enim nihil adeo nocet, quam
I
subi

subita quævis mutatio, & si, ut verbis Hippocratis utar, omnia fierent tempestiva tempestive, nulla omnino culpa in perspirationem inde caderet. Sed æquilibris brevi fieret illa. Quod quidem commodum ad aerem, in quo degebat Sanctorius videtur aliquatenus pertinuisse, alioquin multo plus ad stateram expertus esset varietatum, quas in aere gallico, singulatim annotare, difficillimum. At vero in externarum quarumcumque rerum impressionibus, illud notandum sedulo, atque iterandum; sensu machinam regi, adeoque, ad caloris, & frigoris effectus numerandos, non tam thermometri, non tam stateræ judicium esse advocandum, quam sensuum, & ab illis nascentium impressionum. Hinc calenti a leeto modica aura plus perspirationis supprimit, quam assueto hórrens glacialibus spiculis Boreas. Hinc frigus pedum plus catharorum advocabit, quam univérſa refrigeratio, & morsus in rimosa aure depositæ auræ matutinæ, magis sæpe officit, quam igne per diem, noctemque bruma sæviante caruisse. Hinc rustici rarius urbanis catharro laborant, pauperesque minus divitibus, quos vel maximis comparata impensis cura a frigore penetrabili non præstat immunes.

Varietatis vero illius prima, ac potissima causa, venti, qui nihil aliud menti offerunt, præter motum, vel magis vel minus vehementem aeris, unam, alteramve directionem affe-

affectantis, de quorum impetu, vorticibus, vehementia, dicere nostri non est instituti; nisi quatenus sapissime observatum est in horrendis tempestatibus barometrum immensas pati varietates, nulla in alia aeris conditione experiundas, adeoque corporibus animalibus mutationes imprimi etiam, vix supputandas, sed quæ tamen ad perspirationem pertineant, cum mutationes illæ in vasis angustioribus ex materiæ necessitate debeant maxime deprehendi.

Alioquin licet venti frigus inferant, aut æstum; aerisque temperiem penitus immutent, non tamen aer motus, ad thermometrum aere stagnanti frigidior, aut calidior est. Sed cum, renovatis perpetuo moleculis, cutim attingat, eam sensu sæpe frigoris, aut caloris afficiet. Adeoque respectu corporis quod sensus dirigit, ejusdem erit efficaciz, ac si revera illis donaretur qualitatibus. Ventus ergo vel laxat, vel stringit, vel madidis Notus alis, perpetuo humore cutim imbuens, eam & a perspirandi officio prohibet, & contra cunei in modum partes aqueas intrudit. In genere tamen cum ambientem dispellat atmosphæram corporis, partesque auferat circavolitantes, siccatur ventus, & illum vaporibus satum; aerem, vixque elasticum; corpora quasi obvelantem semper pellat, & abigat, universim venti effectus est partibus a corpore avolantibus facilem præbere

exitum, quod tanto potentius efficiet, quanto per se fuerit siccior, & ab arenosis, desertisque, quales Lybia præstat, locis, flatus suos emiserit. Hinc jure, meritoque Sanctorius ventum in genere siccare pronuntiat, quod quotidiana demonstrat experientia. Nec unquam, notante Boerrhaavio, ventus effectus suos exerit vehementius, quam si aurem artificialem ex adversa fronte in ventum naturalem currendo tibi concitaveris. Sic enim duplicantur effectus, siue mali timendi sint, siue sperandi salutares. Quos quidem pro diversa applicatione multiplices, hic enarrare, & perpendere alienum a proposito foret, ad perspirationis doctrinam properantibus. At nulla tristior est a ventorum halitibus metuenda perniciēs, quam quæ a venenatis, atque volatilibus atomis, per calorem diurnum dispersa, per frigus nocturnum agglomerata moles, in hanc, illamve regionem desævit, & oscitantes orco devovet. Sui sunt pestiferi frugibus venti, sua labes tenellis adhuc pomis. Sæpe fatida nubes hunc vastavit pagum, illo intacto, teste Huxhamo; ne loquar hic de tetra, quæ sæpe fossiores avidos in medio minerarum opprimit, mephiti, aut de pestilentiali apud Arabas, & Persas satis cognito vento. Satis fuerit post tot auctores, hic homini memorasse, quantas inter versetur insidias, quibus præcavendis nulla omnino sufficit providentia mortalium.

Ex

Ex hisce paucis, patet nihil magis ad salubrem perspirationem conferre, quam aeris justum, atque legitimum pondus, ejusque inculpatam elasticitatem; cujus ultimæ dotis in aere actio, in expandendis pulmonibus manifesta, in oscillationibus, activaque vaporum reactione obscurior, maximi tamen est momenti. Hinc, ut sine ipsa sanguificatio nulla, sic perspiratio nulla potest extare, atque vigescere. Licet enim aer elasticus non possit intra sanguinea fluentia in partes coire, & existere, tamen maximam ipsi actuositatis, & reactionis partem conciliat; quæ possit sanguis comprimi, & non sine aeris emissionem in seipsum fatiscere. Proprietas enim illa liquidis animalibus solis competit. Aliunde aerem ad ipsam perspirationem promovendam pertinere conjectari sinunt, tum ejus summa tenuitas, tum impetus, quo exsilit, tum in ipsum aerem actio, quem ad barometrum in folle vitreo inclusum primo quidem producit, tum destruit, experimentis ad Boylei, & Halesii mentem institutis. Adde hic ipsam sanguinis citissimam putrefactionem, quæ sine aere intus conclusa nulla est. Ex quibus deducere licet quantum sit ad ipsam perspirationem aeris perpetuo renovati beneficium: Quæ sint ergo aeris rusticani ad perspirationem, & sanitatem speranda beneficia, & quousque tamen præferri debeat: adeoque qualis sit eligendus: qualis pro va-

ria corporum crassi tum in arte Hygiastica, tum in Therapeutica suadendus : Quod sequentibus Aphorismis Sanctioriana statuta exequetur.



*De Aquis ad Perspirationis do-
Strinam collatis.*



AQUA omnium corporum, quæ sensus percellunt, simplicissimum, & inter naturæ instrumenta, sub caloris, & ignis imperio potentissimum, ita a magno Boerrhaavio ample, & ad naturæ normam, ponderata fuit, atque pertractata, ut de illa agere prorsus videatur inutile. Si enim aliquam aquæ fortiuntur inter se virtutum discrepantiam, proprietates illas a sua alienas natura, a corporibus intus solutis, atque reconditis nanciscuntur.

Ab hac ergo impuriori miscela, quam sæpe avide combibit aqua, nascuntur tot diversitates, quæ stagnantes, atque paludosos a puris, atque illimibus fontibus secernunt; hinc etiam aliæ aquæ cursu perpetuo per puriores arenas, exercitæ, limpidiores, leviores, a nativa simplicitate vix dum desciscunt,
dum

dum aliæ, ducto inter telluris rimas contagio, putridum bitumen, amarore ingrato ora bibentum inficientes, referunt; aliæ ferri, aut cupri rivos secum advehunt, & per pallescentem ochram defluunt turpiter, aut aliæ frustra limpida alkalinos, seleniticos, aluminosos fontes constituunt, nec nisi ab aliena miscela aerem sibi jungunt elasticum, quo & vini saporem mentiuntur, & caput ipsum percellunt.

Quid referam hic, qua ratione aliquæ sint, quæ grandibus guttis saponem eludant, aut ipsum cogant in grumos; & qua de causa ipsa in ahenis coquenda legumina aliquæ recusent admittere, ita ut sub ipsis flammis cruda permaneant illa. Tum etiam silentio premere licebit, & quæ ad explorandam aquarum gravitatem instrumenta concinnaverit Hydrostaticæ; & quæ ad detegendam contentorum in aqua, tum copiam, tum naturam artificia, adhibuerit sagax Chemicorum industria. Omnia hæc a doctissimis authoribus fuscè pertractata ad nostri vix pertinent instituti rationem. De perspiratione agentibus, aqua, nihil aliud exhibet, præter potum omnibus animalibus a natura constitutum, qui, diluendis alimentis factus, ipsa sua simplicitate alere nequit, sed sine quo nulla materia nutritionem aut ingredi, aut facere, intelligi potest. Aqua enim & partibus mucilagineis, quibus tota constat machina,

solvendis sola par est, & ipsis agglutinandis, atque compingendis inservit aut sola, aut cum aere, cujus fixioris facti vehiculum est, & cujus ut fixi inertiam, cum in massam agglomerata est, imitatur, ita æmulatur elaterium, ubi in vapores undequaque vi ignis diffunditur.

Hinc ergo ubi in machinam accepta est aqua, duplex meditantibus argumentum observationis objicit. Primum quidem, dum humorum omnium quacumque nascantur illi, basim constituit, atque vehiculum. Secundum vero dum acria, & imminentiæ quæque diluit, detergit, abrumpit, & secum e corpore foras eliminat.

Si primo sub aspectu aqua in humoribus animalibus sese tibi lustrandam exhibuerit, ipsam aspicias, liquoris emulsi sub forma, numerosis plenam partibus ab ipsa heterogeneis, quas liquidas servat perennis rapidi motus continuatio, & quas detinet in aqua, mixibilesque ipsi reddit mucosa interfusa moles, vinculi partes agens, ita ut, si ad se invicem, motu tardato, aut desinente, in mutuos amplexus ruerint, excidat quasi expressa aqua, & tractu temporis sicior remanere debeat moles.

Hinc facile est deducere, primum aquæ intra humores peccatum, in copia ejus aut aucta, aut imminuta versari. Deficiet si vel ab extraneis, intus, nulla ejus copia feratur; vel

vel si quæ intus latet, per actiones vitæ immodicas, extra auferatur, & absumatur. Utraque a causa exsuccit, & aridi, si ita loqui fas est, humores, in mutuas uniones facillime coire appetunt, difficilius solitos cursus ineunt, & minima superare vasa, frustra nec impulsu, renuunt. Unde solidorum ardor, attritus, parca tenuiorum liquorum generatio, nutritionis impedimentum, exhaustio secretionum. Aderit sitis illa, efferata, & atrox, cujus impulsui nullus est, qui resistere valeat, & ab aqua possit siti exustus temperare. His omnibus diluentia aquea medicinam præstant. At summæ solidorum, atque liquorum ariditati, aqua simplex, vix aliquid lenimen affert, cum vix aliquod cum solidescente, & quasi resinoso sanguine connubium ineat; sed cito quasi absorpta, & exhausta, ingentibus sudoris guttis cutim perluit, aut per urinas abripitur. Hinc ipsi sapienter aliquid tenacioris saponaceæ substantiæ admiscendum prædicant medici, cujus vinculis moretur illa, & intimius adunatis humorum globulis insinuet se. Imo & parciores ejus doses sensim immittendam præscribunt, ne & impetu subito rapiatur foras, & tenuissima quæque secum avehat.

Contraria omnia sperare fas est, si exundet aqueus latex. Qui ubi nimium partibus alluendis exuberat, principia ætuosa & evolvit, & perfici non finit. Scilicet quæcumque
ma-

materiam nutrimenti præbent, ea, ubi in corpus intromittuntur, leviora sunt, & compacta minus humoribus, ad quos destinantur reparandos; densari ergo simul partes, & tenuari principia postulant, ut in emolumentum corporis cedant, si vero aqua simplici nimis onerentur, ipsa sua simplicitate mutationem recusant; nec possunt animale adipisci naturam.

Præterea sejunctæ nimis a se invicem, & veluti dispersæ alimentares molecule, quasi extra mutuam actuositatis spheram repelluntur. Hinc omnia, in malum, indeque in pejus ruere necesse est. Unde exundatione semel posita increfcit semper illa, fatis infelicibus, laxantur solida, vappescunt liquida, vires fatiscunt, secretiones, & excretiones omnes, illæ saltem, quæ coctionem requirunt aliquam, aut defunt, aut pervertuntur. Hinc primo in gradu mucosæ omnes excretiones exuberant, nares stillant, pulmones fatigant, anhelitus, & importuna scretio, donec albo corpore languor aquosus, nitentes primo falso adipe, dein languidos, & diffuentes occupatis cellulis efficiat; tum spontanea mucagine vasa replentur, languet ipsa cerebri actio, cor palpitationes experitur, omniaque illa pessimæ conditionis mala experitur sanguinis circuitus, quæ a levi cachexia ad usque hydropem feralem lente feruntur. Præterea si intra venas animalis vivi, & sani aquam in-

jece-

jeceris, mediocri etiam copia, purissimamque sedulus selegeris, mirum est, quantum, ab extranea illa liquoris abundantia, convulsionum patiatur illud, quantos anhelitus, imo & præsentissimum infertur, vixque superandum mortis periculum.

Pudet hisce satis abunde cognitis diu immorari, cum aliunde satis probatum sit; nihil tutum esse in rerum non naturalium usu, præter auream mediocritatem. Nec multo magis erit insudandum in demonstratione hujusce propositionis. Hygiasticæ, purissimam aquam esse iis, qui nulli malo medicinam quærunt, omnibus anteponendam; purissimam vero recte dici, quæ & levissima est, & ab omnibus heterogeneis maxime immunis.

Verum si peccandum est, tutiorem demonstrant experimenta illorum errorem, qui pariori utuntur potu, quam illum eorum, qui præconcepta opinione frequentiori aquæ potu abutuntur, quo tamen errore plures abreptos novi. Diluuntur enim hoc abusu salia, tenuissima quæque auferuntur, mucus ille nutriendus partibus fraudatur tenuissimis, & salinis essentialibus, unde parte ædificii ruente, totam molem collabascere necesse est. Hinc, dum sub altero aspectu, id est diluentis medicinæ forma, aquam lustramus, nova nascuntur nimis ejus ingurgitationis incommoda, forsitan iis, quæ ab ejus defectu nascuntur, pejora.

De-

Demonstraverat olim illustris noster Dordartius jejuniò; & abſtinentia potus corpora apprime leviora fieri, rem vero pervicacius abſtemius & vini, & aquæ Cl. Marcorelle, extra dubium comprobavit ſtatera Sanſloriana, & in numeros redegit. Novi ipſe doctum ſacerdotem, qui nullam omnino aquam præter illam, quam in miſſa quotidiana haurire neceſſe fuit, nec ulla vini pocula abſumpſit plures per annos. Is grandævus, levis & alacer, ſaluberrimos annos exigit, ſi aquam ſibi crediderit ſumendam, illico ſtomacho crudus, & ad motus ineptior. Nec ullâ fortiffimo ſeni cum alio homine intercedit differentia, niſi quod caloris arte facti impatiens, vix frigora ſentiat, imo & per ſæviſſimas hyemes ſenſtris apertis decumbat in lectulo, catharrorum neſcius.

At res omnino aliter ſe habet, cum aquis illis mineralibus, quæ potu ſalubri medicinam invehunt. Simplicitatem enim nativam exuerunt illæ. Hinc medicinæ eſt, & quidem practicæ illis ſuam impendere operam, qua in re peragenda nullum certiorẽ, aut perſpicua illuſtriorẽ doctrina Clariffimo Carolo le Roi in Monſpeliensì Lycteo profeſſore, ducem ſequi fas eſt.

Verum etſi ad communes uſus vitandæ ſint aquæ, minerali aliqua labe infectæ, multæ jacent regiones, quibus deeſt unda fontium purior, & nullo levare ſitim latice datur, qui

non aliquam similis contagii notam referat. Hinc multæ sunt aquæ, quibus selenitica, cretaceaue nota a venis terræ, per quas trajectæ sunt, inuritur. Hæ solvendis ad ignem alimentis ineptiores, ventriculoque duriores, imo & minimis canalibus aptæ obstruendis, notante Halesio, jamdudum carbone notatæ erant ab Hippocrate. Nonnullæ salem fossilem parca quidem dosi, sed delicatiori notandum gustui continent, delicatulis insensæ. Nulla fere est, quæ non aliquam ferri portionem, aut sapone levi bituminoso, aut sale dilutam secum trahat. Aerem vero plurimæ oleo, aut sali leviter innexum subtili, ubi ad aera emicant, e nexibus impetu factò evolvunt. Verum priores si in balnea admittantur, cutem obstipant, & perspirationi, dum strictionem cuti addunt, etiam sensibus manifestam, summopere nocent, quibus efficacia stringenti proximæ sunt vitriolicæ. Cæteræ omnes perspirationi in balneis summe favent, inter omnes hac præminent virtute, quibus bituminis soluti pars inest aliqua, ut in Arvernia ad stateram olim expertus est clarissimus noster Le Monnier. At quæ calidæ sunt, & partibus illis bituminosis, atque sulphureis refertæ, etiam ad usus adhibitz internos, quantum exhalationem insensilem promoveant, norunt medici omnes, qui ægros salutis causa illis se ingurgitantes invisunt. Sed iis nulla est ad
per.

perspirationem legitimam, atque coctam eliciendam virtus, nisi dum vasa aperiunt, & coctionem promovent; viribus additis languenti stomacho. Ab eadem causa idem efficiunt martiales aquæ, meatus referandos adeo famosæ, quibus multi quotidiano usu abutuntur mortalium, quarum tamen virtus, ut non adeo fluxa, ita etiam, nisi quatenus in ventriculum agunt, non adeo subita est. Clarissimus enim With Anglus non minima laude dignus Medicus, facili experimento demonstravit, cum latum in intestinalibus tubis etiam subtilissimo, & arte facto polline tenuatum ferrum nulla ratione in secundas transire vias, & quod in fluidis animalibus reperitur coloris arbitrum ferrum, e proprio quasi fundo nasci. Hinc e levissimarum etiam aquarum martialium usu adeo nigrescunt icybala. Mihi vero circa illud argumentum meditati, quid acciderit narrare licuerit. Sumebat largius, sanitatis instaurandæ gratia, aquas vir in Physicis exercitissimus ad libras plures, mane, jejuno ventriculo, easque belle ut videbatur, per urinas excernebat: servatis, & sepositis urinis hisce injiciebatur quotidie infusum nucis Gallarum. Nihil omnino colori erat mutatum. Idque repetitum tædiosa perviciâ per triginta integros dies. Withio assentiebamur. Cum subito ad trigesimum diem nova nigredo a decocto Gallarum urinis infunditur.

Ab aquis jam temperare suadebat salubritas hominis servanda, & experimentis præponenda. Cessatum est. Nec minus tamen plusquam mensis integri spatio ferri notæ non obscuræ in urina apparebant, quæ tamen evanescere sensim. Adeo tarda fuerat, quam sanguis, & humores a ferro in intestinis cummulato traxerant, tinctura. Nec ergo fallaci spe Medici deludunt ægrotantes, quos sperata salus ad martiales adduxerat fontes, necdum exeuntibus adepta, desperat, dum morient, latere intus aquarum principia, quæ diuturno tempore tardiores effectus exerant, experientia edocti, quam hæc nostra comprobabat observatio.

Ex hisce vero satis concluditur, varias illas in aqua qualitates, ejus quidem puritatem, atque simplicitatem immutare. Verum ita esse affabre factam corporis nostri machinam, ut etiam paulo pejoribus innocue assuescat, & inde sibi propriam conciscat sanitatem; norunt id de aqua Parisienses, qui in immensa civitate variis utuntur aquis. Sciunt enim omnes, quod ii, quibus familiaris est aqua ab Arcujulio petita, si defecerit illa, sequanaeque aquis utantur, illico in diarrhoeam incidunt, ipso reddito aquæ salutaris usu sanandam, vel brevi ipso ejusdem aquæ continuato usu tollendam. Quod pluribus exemplis confirmari posset, si non quotidiana observatum illud firmaret experientia.





DE AERE, ET AQUIS.

SECTIO SECUNDA.

APHORISMUS I.

AER frigidus, & lavacra frigida, corpora robusta calefaciunt; eaque, auferendo superfluum, reddunt leviora. Debilia refrigerant; eaque, vincendo calorem, ponderosiora efficiunt.

Frigore aeris, frigore ponderoso aquae stringuntur fibrae sensiles. Constituitur erethismus, quem vincit vis cordis valentior. Unde a balneo frigido, robustus, reactione aucta, plus perspirat; imo & calefcit non mediocriter ad

K

sen.

sensum. Si vero debilitas obstat reactioni, retenta intus pondus corporis augeat, tum ad sensum, tum ad stateram: imo circuitui nocent. Unde cordis palpitatio, musculorum convulsio, faciei lividus color, asphyxia.

II.

AER calidus, & lavacra actu calida, nisi obstant cruda, juvant quoque perspirationem; tefrigerant interna viscera, & corpora efficiunt leviora.

Ea est balneorum actio, ut nullum perspirationem, & exhalationem non augeat. Verum actu calida, perspirationem, laxatis fibris, necessario augeat. Imo crudus humor, laxato vasorum tono, & vacuata eorum capacitate, in iis intrudetur. Unde saepe a balneo minus prudenter sumpto, & ab atmosphaera fervida pruritus, impetigines, morbi cutanei.

III.

AER externus per arterias in profundum corporis penetrans; potest reddere corpus levius, & gravius: levius, si tenuis, & calidus; gravius, si crassus, & humidus sit.

Non per arterias penetrat aer in sanguinem,

nem, ut credidere apud veteres multi, saltem aggregati forma, vel elasticus. Sed agit, tum in longum intestinorum tractum; tum vi pressionis in vasa, ut & in barometrum. Ita tamen ut qui gravis sit, & elasticus, corpora reddat leviora; qui levis sit, contra gravitatem illis conciliet, sublatis reactionis viribus, & imminuto elaterio.

IV.

QUANTA sit aeris ponderositas, colligitur primo, ex majori, vel minori gravitate aluminis fœcum prius exsiccati in sole, & deinde aeri nocturno expositi. Secundo, ex eo, quia sentiamus majus frigus, quam quod observetur in primo instrumento temperamentorum: aeris enim humiditas, seu ponderositas linea est nobis frigiditatis. Tertio, ex majori vel minori incurvatione tabulæ subtilissimæ, præcipue ex pyro. Quarto, ex contractione chordarum testudinum, vel ex cannabe.

Omnia hæc instrumenta tubo Toricelliano, sive barometro cessere. Nec unum ex illis univocum est. Humiditas enim plus facit in illa, quam levitas aeris. Quas qualitates, nullatenus semper inter se esse proportionales, experimenta Physica demonstrant. V. Gorter. in hunc Aphor.

V.

QUANTA sit aquæ ponderositas, facile intelligitur, si grave perpendatur in aqua; illa enim est levior, & per consequens salubrior, in qua grave magis gravitat; illa vero in qua minus, est ponderosior, & insalubrior.

Pondus aquæ ab heterogeneis admixtis increscit; unde in genere, quæ levior, & salubrior est.

VI.

AQUA gravior, & aer cœnosior & ponderosior, convertunt invisibilem perspirationem in ichorem; qui retentus, & deinde non resolutus, magna ex parte in cachexiam facere solet.

Aer cœnosus, sive, ad Galeni mentem, humiditate, & frigore vitiat, caret elaterio; adeoque corpora efficit languidiora, & ponderosa, & viribus deficientibus distensionem præpedit, non restituendam in languenti corpore; hinc ergo corrumpendam. Unde nascitur cachexia. Distensioni pariter minus apta gravior aqua; quæ nec diluat cibos, nec ventriculo proffit; unde prima cœctionis elementa
pes-

peffumde...ur. Sed ad hosce notandos effectus, constitutio tantum cœnosa, aut longus aque gravioris usus notanda sunt; una enim dies vitiis hisce inducendis non sufficit. Vide Hippocr. De aere, locis, & aquis.

VII.

In aere frigido salubri, prohibetur, quoque perspiratio, densantur meatus; sed roborantur fibræ; & perspirabilis retenti pondus nec lædit, nec sentitur.

VIII.

In cœnoso prohibetur perspiratio; meatus implentur, sed non densantur; fibræ laxantur, non roborantur; & pondus perspirabilis retenti lædit, & sentitur.

Stantibus, integrisque viribus, imo a frigoris actione constrictis, reagentibusque fibris, perspirationem minori impetu fieri, imoque inutis maxima parte cohiberi, machinæ plus utile; quam noxium esse docemur Borealiũ exemplo, qui plus robore pollent, quam Austri accolæ. Non enim omne inutile est, quod per vasa cutanea effluit. Sed ad augendum robur inservire potest mucus ille, qui nimio pere per aeris ardorem evolat. Adde & spirituum tenuiorum vim illam, quæ robori plu-

rimum inseruit, & calore dissipatur.

Si contra, frigori jungatur cœnosa illa humiditas, non augetur motus; sed stagnans a frigore, cohibitus humor, ab aqua nimia inhalata vappescit, imo & subit corruptelam.

IX.

Si aeri æstivo frigus superveniat; illa die, supposita eadem bibendi libertate, tertiam partem circiter perspirationis exire prohibet; quæ, nisi fiat sensibilis, facile ad putredinem, vel ad cachexiam disponit.

Omne subitum in hoc perspirationis negotio metuendum. Hinc frigus subitum vasis perspirantibus appositum, effluxumque proinus cohibens, vel novam in natura concitandam postulat febrilem actionem, qua proinus expellatur moles cohibita; vel catharrum sua efficiat metastasi, crustamque sanguini inducet; aut, febre deficiente, cachexiam procreabit.

X.

PROHIBITA perspiratio facta ab improvise frigiditate magis nocet debilibus, quam a sensim prohibita.

Sensim enim factæ mutationi natura assuescit. Præterea facilius suppletur quantitas par.

*parcior, lenis fluxus, quam moles aduosa vi
erumpens.*

*Unde, tum debilibus, tum robustis, lenta
perspirationis suppressio minus ad sensum no-
civa est, quam subita.*

XI.

*Ob aerem frigidum supervenientem calori,
vestibus denudatus, minus duabus libris cir-
citer diei cursu, perspirare solet, nulla ab
ipso animadversa molestia.*

*Nisi tamen res debiliori accidat; & cu-
alia emunctoria non pateant. V. Aph. I.*

XII.

*AURA jucunda, & frigidiuscula corporibus
excalefactis magis nocet, quam aeris, vel a-
quæ frigus in excessu: illa enim non reddit
corpus levius, sed obstruit, & laxat; hoc
obstruit, & roborat; & inde minus ponde-
rosa corpora fiunt.*

*Quamvis rem non omnino veram credide-
rim, potest tamen intelligi, dum minus rea-
ctionis in vasorum activitate aura hæc conci-
tat, quam frigus intensum. Certe Moscovita
a thermis calentissimis sese in nivem volu-
tant; quæ quidem extrema, cum corpus subi-*

ta vi non perimunt, roborant certe; dum violentas in fibris procreant oscillationes.

XIII.

MALÆ aeris, & aquæ conditiones, quando ad malignam putredinem disponunt, eorum pondus magna ex parte non animadvertitur; quasi quod ab eorum corruptela nervi fortiores fiant, perinde ac in phreneticis.

Si acre introductum, & vellicans hic intelligeretur, posset certo, concitato erethismo, vellicando vim febrilem inducere. At putredo vires præsternit, summamque inducit debilitatem, etiam in febrili motu.

XIV.

NATATIO in frigida post exercitium violentum est jucundissima, sed mortifera: motibus enim oppositis nihil perniciosius.

Roborant excessus, oppositis si vinci viribus possint. Sed summo erethismo, summa liquidorum rarefactorum, subitaque densatione, circuitus illico tolli potest; & aut mors, aut morbus vehementissimus induci. Ut Alexandro magno, & Frederico Barbarossæ in Cydnum amnem accidisse legimus.

XV.

XV.

Quod proditorie disponit viscera ad malum, sæpe nec grave, nec jucundum videtur.

Hinc ars constituta, ad quam delectus pertinet. Nam sæpe ruunt in mala mortales. Accepto per insitionem veneno varioloso, optime se habent ægroti, donec malum erumpat, nisi per pustulas, indomabile.

XVI.

AURA jucunda, & austrina cum exercitio violento, sæpe mortifera: ab aura enim adiapneustia; ab exercitio acrimonia.

Rem esse possibilem in debilibus, licet non adeo prævidendam, docet physice. Motu enim in acre liquamen humores verti possunt; quod acre, si cobibeatur, morbos, & mortem potest inferre. Sed exercitio roborantur corpora; aura exsiccantur, & fatigatio præpeditur. Hinc aliquam ad normam salubritas inde potest nasci. Summum jus, summa injuria.

XVII.

Qui quærent a cœna auram frigidiusculam

lam magis quam par sit, perspirabile partis veste non indutæ exire prohibetur; nocte vero, vel die postero plurimi solent pati dolorem capitis gravativum.

Frigoris sensu vel in unam partem, vel in universum corpus accepto nimis incaute, præpediri coctiones, satis alibi probatum: ab ea capitis gravitatem catharrosum oriri pronum est. At frigus, quod faciem præsertim, naresque, aut aures mordet, per se & ex ipsa sua impressione infert gravedinem, & coxyzam.

XVIII.

Si corpora derepente transferantur ab aere calido in frigidum, læduntur, quia redduntur majoris ponderis, quam par sit; a frigido in calidum, læduntur, fiunt enim minoris roboris.

XIX.

Debiles magis hyeme, robusti æstate perspirabile retentum in urinam convertunt.

Debilium est plus per urinam amittere, quam per perspirationem. Hinc mulieres minus perspirant; plus effundunt urinæ. Robusti semper plus perspirant, sed æstate præsertim.

XX.

XX.

VENTILABRUM prohibet perspirationem ;
reddit caput ponderosius, & calidius.

XXI.

VENTUS ut cute frigidior ; semper ob-
struit , & semper lædit , sed magis caput,
quia magis exponitur.

*Ventus, licet ad thermometer aere sta-
gnante non sit frigidior, dum a calore corpo-
ris non incallescit, & perpetuo renovatur, sic-
cat quidem corpus, partes exhalantes aufe-
rens ; sed aures, naresque gravat, cohibendo
effluxum, qui, a vento remotis, copiosior eva-
dit: hinc partes vento diu expositæ, si ab eo
removeantur, ad sensum caleſcunt.*

XXII.

Ex anni tempestatibus, in universum, sic-
citates assiduis imbribus salubriores ; reddunt
enim corpora leviora.

*In universum, ait auctor noster, propositio-
nem hanc ab Hippocrate exscribens. Nam sic-
cis, tensis, & per se resinosa humorum dia-
thesi gaudentibus, siccitates nocent.*

XXIII.

ÆSTATE temperata, corpora sunt minoris
ponderis, quam hyeme, tribus libris circiter.

XXIV.

XXIV.

ÆSTATE lassitudo sentitur, non quia corpus fit majoris ponderis, sed quia fit minoris roboris.

XXV.

IN aere calido corpus est minoris roboris; tum quia cum perspiratione exhalat aliquid bonorum spirituum, tum quia calor non est concentratus.

Ob laxitatem fibrarum, & liquidi subtilissimi exhalationem.

XXVI.

PER totam cutim digeritur semper aliquid a calido, quod secum etiam aliquid interni probi humoris aufert.

*Etsi calor externus coctioni humorum faveat, dum vasis laxioribus nulla erethismi nota im-
primitur; si tamen præ ardore maxime præ-
cipitem humorum effluxum efficiat, nocebit co-
ctioni. Vaporat ejus effectum latex aqueus; ari-
dioreque, & acriore sanguine desunt apta co-
ctioni instrumenta. Quin & cruda ad cutem
maxima feruntur copia.*

XXVII.

XXVII.

ÆSTATE calore vexamur , non primo & per se propter aeris caliditatem ; quælibet enim corporis pars est aere æstivo calidior : sed quia in aere æstivo , non est tanta frigiditas , ut naturalis calor sufficienter concentretur ; quo fit , ut ita diffusus , minus possit perspirabile sua natura calidum insensibiliter excernere : quod retentum redditur aere , & est causa , ut magno vexemur calore .

Noceat calor externus , laxitate nimia solidis inducta , liquidorum rarefactione enormi , exhalantis liquidi perenni effluvio . Quæ omnia frigore aeris , & frigidis actu applicatis leniuntur .

XXVIII.

DUM corpora in summo æstu ob somnum nocturnum , vel diurnum abunde perspirant , vel sudant , redduntur leviora , & nullo illa die vexantur calore .

Corpora dormientia minus caloris producant , ut ex thermometro evincere facile est . Refrigerantur ergo per somnum , & minus ad calorem apta sunt . Hinc licet coctioni noceat
su

158 DE AERE, ET AQUA.

sudor ille nocturnus, levitas ad stateram, & refrigeratio sequi debent.

XXIX.

Æstivo calori superveniente frigore eodem die, libra circiter excrementorum insensibilium magna ex parte diffiliari prohibetur.

Ratio habenda & invasionis, & corporum constitutionis, ut patet ex Aphorismis præcedentibus. Certe mirum est, quantopere augeantur urinae in illis, qui robusti, a summo levi calore, sese aeri frigido matutino, exponunt; præsertim si minus vestiti fuerint, & vegeta gaudeant sanitate.

XXX.

Si æstas fiat similis veri, ut corpora reducantur ad pondus æstati debitum, excitantur sudores.

Aphorismus hic ab Hippocrate mutuatus, observatione non una a Galeno, Ramazzino, Medicis Wratistlawiensibus, & Huxham, consistit. Scilicet, nimis tepida æstate non diffiliantur, quæ pituitosa, hyeme fuerant aggesta. Hinc sero persusi homines, vi naturæ sudores experiuntur. Et ut Hippocratis verbis utar, sudores in febribus expectare oportet.

XXXI

XXXI.

IN ætatis initio, si derepente vehemens æstus superveniat, fiunt lassitudines, quæ, licet post aliquot dies æstus magis urgeat, non perseverant, quia minuitur corporis perspirabilis pondus.

Scilicet minus commovemur, & afficimur ab assuetis. Laxatæ, & defatigatæ subito calore fibræ, ab impressione familiari reddita tonum recipiunt nativum. Et exhaustum liquidiori mole corpus, jam eo caret, nec novas patitur jacturas.

XXXII.

EADEM virtus minus laborat cum minori, quam cum majori corporis pondere.

Quo corpus ponderosius est, eo moles movenda major; eo ergo virium debet magis in actum exerere, & frequentius defatigari. Sed vires ponderi fibrarum solidarum corporis sani aliqua in parte proportionales sunt; nisi adsit, aut plethora, aut cacochymia, quæ artibus indigent ministerio.

XXXIII

XXXIII.

PERSPIRATIO vi aeris , vel aquæ calidæ excitata , nocet , nisi ejus maleficium longe majori beneficio compenſetur .

Negotium perspirationis coctæ , naturæ permittendum ; nec adaugenda est illa , imo cohibenda potius in sano corpore . Sed hærentem illam impellere licet arti , quoties moras neſcit , & stagnando nocet .

XXXIV.

ÆSTATE interdiu , hyeme noctu , corpora robusta magis perspirant .

Noctu minus perspirari statim demonstrat , magis coqui . Æstate , perspiratio matutina sudo aere copiosior ; hyeme , minor ; quæ in robustis sine noxa suppletur urinis , vel resarcitur exercitio . At nullo tempore non est legitima perspirationi locus .

XXXV.

ADIAPNEUSTIA , quæ æstate malignam febrem , hyeme vix minimam alterationem efficere potest : corpora enim acriori perspirabili æstate referta sunt , quam hyeme .

Du.

Dura nimis propositio aliqua parte vera est, estate præsertim æstuate; qua, quæ exhalant summe acria sunt, adeoque plus vellicant, plus inflammant; variisque in quibus resident partibus moras neccendo, putredinem acerrimam possunt inferre, & summe prurientes pustulas.

XXXVI.

DORMITIO æstiva detecto corpore, vel sub dio, magna ex parte disponit ad putredinem, prohibendo perspirationem.

Præpedit coctionem incauta illa dormitio; si præsertim frigescat aer, ut sæpe fit per noctem; adeoque & præpedit perspirationem, & materiem perspirationis in pejus immutat. Hinc noctes frigida adeo periculosa apud Armenos, teste Tournefort.

XXXVII.

ADIAPNEUSTIA non calefacit. interna viscera, nisi perspirabile fiat acre ob moram; vel a calore extraneo; vel a motu violento.

Augetur acrimonia intronissis acribus, liquoribus non renovatis, calore aeris, motu corporis, prætermodum aucto. Si semel natum acre repellatur intus, semper malum est. Sed
pre

pro vario gradu variam infert partibus, in quas deponitur, noxam.

XXXVIII.

DUM frigus supervenit calori æstivo, nimii coitus noxa vix percipitur; si vero aer iterum incalescat, detrimentum præteriti erroris non leve sentitur.

Exhausta jam, a coitu, liquido subtiliore & fere spirituofo corpora, calor rursus laxat, & subtilissimis residuis exhaurit. Frigus contra cohibet, & retinet intus subtilia, quæ a coitu remanent; sicque reparationi corporis inservit.

XXXIX.

CORRUS non immoderati maleficium, aere frigido concentrante calorem, æquali beneficio compensari solet.

Æquale beneficium frigoris vix crediderim ad reparandas qualescumque coitus noxas. Nam a frigore subtiliora quidem retinentur intus; sed non procreantur nova, quæ contra calor producere valet. Hinc calentium regionum incolæ in venerem alacriores; quam etiam melius ferunt.

XL.

XL.

IN noctibus æstivis corpora ad febrem maxime disponuntur ob aeris varietatem : ineunte enim nocte aer est accensus ; intempesta vero nocte est temperatior ; in aurora frigidus . Unde solitum perspirabile in correptis somno , & stragolis denudatis cohibetur , & corpora ponderosiora fiunt . Quod noctibus hyemalibus non evenit .

Cur ergo æstas autumnus, & vere salubrior, consentientibus omnibus? Quia quæ noctu cohibetur perspiratio, facile æstu diurno resarcitur. Nec minus tamen infames noctes æstivæ, cum aere patenti dormiunt homines; unde tot colicorum dolorum genera in paralyses apud Indos abeuntia a frigore ad corpus æstuans relativo oriuntur. Ab hoc fonte plus convulsionum, quam febrium nascitur, teste Bontio, gravissimo in hisce auctore.

XLL

AB æquinoctio autumnali, ad solstitium hyemale, qualibet die minus libra circiter perspiramus: inde usque ad æquinoctium vernale incipimus liberius perspirare.

Non eadem proportio est in locis temperatis

tis, & in quibus sese excipiunt lentius, & moderatius vigent anni tempestates. Ut ex calculis Gotterianis patet ad reliquos collatis.

XLII.

AUTUMNUS insalubris ; tum quia perspiratio a superveniente frigore prohiberi solet ; tum quia quod diffilari prohibetur, acre & mordax fit.

Idem omnes clamitant medici ab Hippocratis ævo ad nostra usque tempora. Acre erat ob æstatis ardorem quod avolabat ; retinetur illud necdum emendatum. Hinc tabum virulentum, & atrabilis.

XLIII.

VITANTUR ægritudines autumnales, si corpus autumnno non fiat majoris ponderis, quam dum erat æstate.

Hinc autumnno debilia per artem vacuari corpora expedit.

XLIV.

PONDUS sensim auctum, sensim minuendum.

Hip.

Hippocraticum est ; quæ lente extenuata sunt, lente reficere oportet . Nec subita vis medicamentorum conferre potest in restituenda perspiratione ; ni subito illa fuerit suppressa, necdum induxerit ærethismum.

XLV.

PONDUS corporis insolitum non vere, sed autumno auferendum, frigidum enim superveniens pondere magis nocet.

Quia vero semper adaugetur calor, exhalationi, & coctioni favens ; qui autumno semper minuitur, & coquentem motum sistit, & exhalationem cohibet.

XLVI.

NULLA autumno vexaberis ægritudine, si superveniens frigus inveniet te vestibus recte munitum ; si uteris diureticis ; & conservaberis in eodem pondere, ut ante.

Laudatum multis, & præcipue Frederico Hoffmanno axioma id habet periculi, quod deberent perpetuo augeri vestes, frigore crescente. Si vero te ipsum obduraveris, ingruet aliquod forsân periculum, sed robustior, & vincendo aptior frigori evades. Ab assuetis enim non fit impressio. Debilibus ergo

cautela hæc relinquatur, quibus pondus vestium pro viribus est. Diuretica juvant quatenus, perspirationis viis occlusis, vias aperiunt urinarias.

XLVII.

BENE munitus vestibus melius perspirat, & redditur minoris ponderis.

XLVIII.

QUI morbis ab humorum copia prodeuntibus, hyeme vexari sunt soliti, purgandi sunt autumnò, & non vere; reducendique sunt ad pondus, quo fruebantur æstatis initio.

Autumnò de pondere detrabes inutili, imò & de importuno; non de viribus. Vere operam ludis inutilem, vexasque humorem, quam cito difflavisset natura; si quidem sola peccat copia.

XLIX.

DUM vero morbi prodeunt a mala qualitate, corpora vere, & non autumnò purganda; magis enim æstate, quam hyeme intenditur qualitatis malitia.

Pro-

Propoſitio hæc, non ut ſuperior, univerſalis eſt . Scire enim decet , quid intelligatur per malam qualitatem . Putrida enim ſola æſtate invaleſcit . Iners vero cacochymia plus hyeme timenda eſt .

L.

QUI in fine veris præmature ſe veſtibus ſpoliant, & autumnno tarde induunt , in febres æſtate , in deſtillationes hyeme facile incidunt .

Pejus eſt maturius juſto veſtes exuere hyernas, quam eas induere tardius . Aſſuetum enim calori arte ſaſto corpus frigore verno percellitur ; quod catharroſos morbos vel vehementiſſimos inducat, aut febres rheumaticas quocumque anni tempore . Fuit vero unde aſſueſceret propria vi corpus, non magis munitum veſtibus per autumnum , contra frigus ſenſim ingruens .

LI.

PERSPIRABLE retentum , ut acre , febres & eryſipelatâ, ut copioſum, apoſtemata, deſtillationes, vel cachexiam facit .

Perspiratio ſecundum ordinem naturæ conſtituta, vel ſupprimitur cum erethiſmo, vel ſine

erethismo . Si adsit ille , fit perspirabile materia inflammationum vel vehementissimarum , ex fluxione , ut aiebant antiqui . Si desit erethismus , oriuntur catharri frigidi , ut veterum more loquar , congestiones , destillationes , & ut Sanctorii vocem usurpem , cachexia vestigium .

LII.

EXTERNUM frigus concentrando calorem , reddit naturam tanto robustiorem , quanto ultra solitum pondus ferre quoque possit duas libras circiter retenti perspirabilis .

Hinc sereno frigore sentimur alacres , strictis fibrarum omnibus ordinibus . Quod si frigori illi per annos exponatur natura , spernendis ejus impressionibus satis robusta , mirum est quantam vim adipiscatur . Quod evidens erit conferenti robustum borealem meridionali languido , & inertis .

LIII.

CORPORA hyemis initio facile ad solitum pondus ; aestatis initio magno labore ad aestivum pondus reducuntur .

Facilius enim est , illesa sanitate pondus auctum tolerare , quam nimias ferre vacuaciones .

LIV.

SANITAS perseveraret, usque ad extremam senectam inculpata, si corpora quatuor anni temporibus æquali pondere semper conservarentur.

Liceat hic à Sanctorio discedere, & contrariam tueri sententiam. Inculpata enim a perspirationis copia dici possent, sed quid veraret, acredine talia peccare corpora? Præterea hominem in illa moderatione supponere, quæ nunquam variet, pene impossibile est. Quam si semel affecutus esset, a minimo decussu duceretur in perniciem. Delicta enim vel minima sentiret gravissime.

LV.

CORPORA, quorum pondera anni cursu multum augentur, & diminuantur, valde periclitantur.

Si ab excessu in excessum trahantur fibræ, varietateque oscillationum exerceantur, eos vel perire, vel robustissimos evadere, necessarium est. Hinc militiæ assueta juvenus, adeo robusta; tot novitiî milites intereunt.

LVI.

LVI.

QUANTO major anni spatium est corporis varietas, augmentatio, vel diminutio; tanto est deterior illius corporis conditio.

Si statim fiat ingens illa alternatio, periculosa, & lubrica est. Si sensim, & in moderata varietate, nil magis robur indit, quam variis hisce aeris conditionibus assuescere, & indurari, ex Celsi consilio.

LVII.

PONDERIS augmentatio, fit in principio autumnus; diminutio, in principio æstatis.

LVIII.

CORPORA, quorum pondus augetur, magis periclitantur, quam quorum pondus minuitur.

Pondus enim superfluum est. Vacuatur tamen; ex Hippocrate, facilius superfluum, quam reparatur amissum. Vide Aphor. LIII.

LIX.

CORPORIS partes recte salubriter perspirant.

rant . Si vero a fomno detectæ inveniantur, etiam ab aere calidissimo eorum pori condensantur .

LX.

AER plus iusto frigidus , humidus , aut ventosus moratur perspiratum : unde qui dormi continentur, ut fœminæ, nec tussi, nec catharro, nec inflammatione pulmonis laborant .

Res prorsus hypothetica est . In praxi enim impossibile semper eidem aeris conditioni assidere . Porro qui constantius ei assident , vel levissima de causa inassueti catharros concipiunt . Quibus nihil magis familiare est mulierculis . Testis adesto experientia .

LXI.

AER in urbe pejor aere ruris ; quia crassior , & non perflatus appetitum tollit .


Licet hæc propositio in universam vera sit ; & atomis aereum laticem vitiantibus jure infamis sit urbium atmosphæra , stercoralis , putrida , fumosa , & acido volatili scatens : Paludosa tamen dantur rura , effluviis inquinata noxiis , a ventis averfa salubribus .

SE



SECTIO TERTIA.

*De Cibo, & Potu ad Perspirationem
comparatis.*



INTRODUCTIO.

MATERIAM perspirationi præbent cibus, & potus. Instrumentum vero, quo formatur illa, quo propriam sibi naturam induit, quo tandem exit e corpore ad ejus salubritatem servandam, unum & idem est; cordis scilicet, & vasorum motus, quo liquida perpetuo impetu propelluntur, peragitur nutritio, & demum secretionès ab ea perpetuo renovandæ effinguntur.

Verum cum nihil aliud sit nutritio præter mutationem substantiæ, antea heterogeneæ; in propriam nobis, deperditæque prorsus parem substantiam; ipsa hæc operatio duplicem supponit instrumentorum efficaciam,
five

sive duos ejusdem actionis effectus . Primo enim quæ sibi poterant aptari, & in animalem verti substantiam sibi accommodat , in se ipsam vertit, & figurat . Postea vero quæ frustra viribus oblata eas eluserunt , & prædictam mutationem non valuerunt suscipere, expellit, & eliminat . Quæ quidem materiæ excrementitiæ non unius generis esse debent; sed universales excrementorum fontes duo ex ipsa rei necessitate apparent . Primum enim genus est, quæ constanter ex partibus, quarum mutatio per instrumenta fuit impossibilis , adeoque debuerunt ejici non ut inutiles solum , sed ut noxiæ . Alterum vero genus constituunt fæces illæ, quas in suo labore, dum partes fingit, atque compingit natura , necessario efformat quasi ab opere suo residuas . Nulla enim intelligi potest nova partium coadunatio, aut conformatio, quin multæ partes ex pristina uniōne resolvantur . Quod in fermentatione chymica fæcum nomine designatur .

Porro ut fæces illæ recte constitutæ sint, & ad liberiores exitum promptæ , necesse est ut coctio recte peracta sit, & perfecta; fæcum enim principium est coctio , & ut vini generosi fæces, a vappæ residuo prorsus differunt, sic probæ coctionis residua, ab indigestis quiescentiis abludere debent . Unde bonæ coctionis signa certissima non tantum a naturæ alacris vigore pendent , sed etiam
a le-

a legitima excrementorum natura, & a salutari eorum exitu.

Res vero plenius intelligetur, si licuerit universum materiæ nutritiæ ambitum, & ingentem instrumentorum concoquentium apparatus, parum per intueri. Materies nutritia nobis ex multiplici vegetantium, atque animantium ordine ita suppeditatur, ut nullum sit corpus in hisce duobus regnis, quod non partes alimentares diversis classibus sive plantarum, sive animantium offerat, nullum sit præterea quod partes nutritioni prorsus ineptas non intus servet. Utrasque nosse interest. A nutritiarum classe repudiantur, teste Hippocrate, omnes quæ simplices sunt, si quidem elementa, aut prima ex his conflata corpora mutari non possunt. Nullas præterea inter nutritias numerare fas est ex iis, quæ aqua solvi non possunt. Siquidem corporis nostri humores reparabiles tandem aqua solvuntur omnes. Nutrire ergo nec valet aqua, nec sal, nec oleum simplex, aut terra elementaris, sed cum his omnia conflentur principiis, superest universa illa, & per universum distributa inæqualiter rerum crescentium, & vegetatione organica gaudentium ordinem. Mucago quæ a prima extrudentis foliola plantæ simplicitate, cum primum audet se credere aeri ad ultimam puditissimi animalis putrefactionem, universam naturam, varios animantium ordines, alit, nutrit, fu-

mutetur in nitentem sanguinis purpuram.

Excrementitium vero casu, & ut scholæ loquuntur, per accidens; evadet, quodcumque etiam aut alteri animalium classi, aut robustiori ejusdem classis alibile, non potuit ab infirmiori virium tenore tenuari, comminui, confringi: ita sæpe excrementa, lentibus, fabis vix mutatis, imo & farinosis tenacioribus scatent; quin etiam sæpe robustioribus equis accidit, ut avenæ integra semina adhuc germinandi facultate donata per alvum ejiciant. Nec minus excrementitium dici debet, quodcumque eam a natura, vel a spontanea mutatione, partium tenuationem accepit, quæ ultra nutritionis limites transvecta sit, unde admittatur intus facile, ejiciatur facilius, tenuiori tamen excrementitiæ parti formandæ tantum idonea.

Porro omnia illa excrementorum genera ita distribuuntur, ita a natura dividantur, ut, quæ vel per se sunt omnino insolubilia, vel duriora, & crassiora, ea per anum ingenti nixu, postquam haurientis naturæ viribus in loco clauso premente versata, atque subacta longo hæserunt tempore, extrudantur foras. Hæc naturæ non subjerunt penetralia, sed ab atriis exclusa primæ coctionis excrementa dicuntur. Quæ vero intus admissa, aut propter acredinem, aut ob copiam intra retineri non possunt, sed, ut ipsa peragi possit coctio, debent ante excludi, secundæ

coctionis illa dicta fuere excrementa; qualia sunt, aut sudor ille crudus, qui epulones, & bibaces statim a pastu perluit, aut urina: crudæ, aquæ, quæ sæpe surgentes a cæna fatigat, vinique levioris, & salini potum sæpe importune excipit. His enim semel exclusis moles remanet æquabilis, & apta in alimoniam effingi, & efformari.

At ubi omnia intimius mixta e chylo sanguinem; e sanguine humores peregerunt, quid superest, nisi ut excrementa ab hisce operationibus residua, simul iis remixta partibus, quæ in corpore motu quasi perpetuo veterascentes jam tenuitatem nimiam adeptæ sunt, expellantur, sicque universo coctionis, assimilationis, distributionis opere absoluto nascantur excrementa tertiæ concoctionis; ea quidem ut summe tenuatis principiis, ob repetitam naturæ actionem, constantur, ita & densatas partes ob pressionem vasorum, quam experta diu sunt, obtinent. Hinc illa arguebat esse ponderosa Sanctorius, nec immerito.

Quod ut dilucidius novitiorum animis pateat, sequi licuerit materiem illam nutrimenti per varia, quibus necessario elaboratur, stadia. Alimenta primum contrita, & salivali liquido subacta intimius, & in omnibus vel tenuissimis particulis alte imbuta, & penetrata in ventriculum sensim excipiuntur. Ibi tum liquidi vi intus per masticationem
in.

intrusi, tum reliquiis fermentescentibus novam afferentibus ad motum actuositatem, tum stomachi depluente perpetuo saliva fluorem conciliante, sese moles intus agitat, extricatur aer, evolvitur, & jam novæ incipiunt formæ. Mox saponacea bilis, & limpidissimus pancreatis liquor ulterius molem alimentarem animali donant indole. Adsunt alia ejusdem naturæ liquida, quæ inceptum opus peragunt intra longissimos intestinorum tractus, quorum tunica non vasis continetis tantummodo funguntur officiis, sed actuosis, & vivacibus fibris massam per iter longum perpetuo ita comprimunt, ita versant, ut per bibula hiantium vasorum oscula vario ordine, tempore diverso, fluidissimæ partes, & animali nutriendo maxime analogæ in ordinis altioris vasa intrudantur, novos formaturæ proventus. Interea exsucca moles partibus donata crassioribus, & mucagine animali, ut & oleo bilioso altè imbuta, fertur ad rectum, ibique demum hæret, & tenuata magis, magisque, fatidum contrahit odorem, putredini analogum, nec eundem tamen, mox exitura.

Prodeunt inde scybala, levia ut plurimum ex partibus alimentorum duris, & excrementosa fructuum, atque seminum parte constantia, nec orbata adhuc mucagine partim ab ipso animali sumpta, partim ab alimentis, quæ vincere vis naturæ nequit. Hinc tot

immutatæ sæpe in Tcybalis illis agnoscuntur corporum particulæ, tot stercore pascuntur fæda animalium genera.

At relictis illis sordibus, & quasi nova nitidus juventa, lymphæque connubio jam dives, in sanguinem sensim, & paulatim admissus chylus eum proluit. Ibi aliquam irritationem concitat, imo in debilioribus, i. frigus, mox calorem procreat. Ut porro prima concoctio nihil perspirationi suffecerat, ita secunda hæc materies nihil eidem tribuit. Cocta enim a prima coctione, in secundam cruda sunt. Hinc licet, si nimia vapescat aqua chylus, vel si volatilibus nimis fætus sit spiritibus, multa possit exhalationi concedere; non tamen perspirabilis dici potest exiens materia. 1. Quod statera Sanctorianæ demonstret id non contingere nisi ex aliquo vitio. 2. Quod ratio satis indicet nondum coctam materiem cocta excrementa dimittere non posse. 3. Demum quod vacuatio illa, etsi corpus levius reddat, non tamen efficiat alacrius, & ad subeundas functiones aptius. Interea vero materia alibili propior clausa servatur intus mixta jam inquilinis, atque genuinis confusa humoribus. Hæc repetita vasorum actione, versaturaque cum materiæ vere animalibus continua pristinam indolem in nativam vertit omnino, & donatur civitate. Scilicet motu illo tenuantur ejus partes, pressione assidua ad se ad-

dilcuntur, & densantur, nova ineunt connubia, colorem novum induunt, fitque excrementorum generatio. Nam dum novas uniones ineunt, præteritas respuunt. Hinc nova novarum substantiarum progenies, partim ex pristinis renovationem passis humoribus, partim ex recenter admissis, heterogenea tenuia ipsis mixta respuentibus.

In hisce quidem naturæ actuosæ laboribus tota consistit nutritionis, assimilationis, & reparationis theoria. At licet materiei nutritiæ fundus idem congruat; non una est, imo contra prodigiali, multiplicique alterationis varietate, tum gradu, tum forma donatur substantia alimentaris. Quis credat ab eodem tenuationis gradu oriri subtilissimos, & quasi æthereos, electricosve cerebri spiritus, & musculos, aut ossa nutrientem materiem. Stat sua cuique forma primæva infusa ab origine; nunquam sibi dispar, numquam vicinæ similis, unde admirabile illud naturæ spectaculum, concentu uniformi renovatur semper, fluxum, & mutabile in individuis, constans, & perpetuum in speciebus. Detrahe versicolori Psittaco pennam hinc rubram, illinc cæruleam, renascetur ex propriis tubulis, numquam variabilis pluma, sæpe quotannis decidens, tot annis renascens. Ex eadem sæcunda tellure, viola purpuram, candorem sibi assumit lilium, venena stramonium, catharsim jalappa. Pariter mate-

ria jam animalis facta multiformes subit alterationes. Porro nulla alteratio potest intelligi sine novo partium inter se coalitū. Hinc coctiones quot sunt, tot esse necesse est excrementorum proventus, quæ propriam sibi classē vindicant. Ut ergo chylo in sanguinem facescēte, si quod per urinam, aut per patentia cutis vasa tollebat, secundæ coctionis excrementum constituebat, ultima hæc excrementalis massa humorum residuum continens, ubi ita cocta est, seu præparata, ut exitui pateat, nihilque relinquat in corpore extranei, jure meritoque 3. coctionis excrementum vocabitur, sive ut ad veri normam loquamur varia constituet 3., & ultimæ coctionis excrementa. Si vero omnia hæc in sanitate, & secundum ordinem naturæ peragantur, bene est. Omnia sese sua vi tuerentur, & amice in salutem conspirant. Tunc vices reparationis, perspirationis, excrementorum dejectionis, corpus salubriter experitur. At si, viribus deficientibus, pleniora suppeditentur alimenta, labantis ordinis hæc erit norma. Primo quidem cellulas inertes inflabit statim a 2. coctione lentus adeps, mox easdem cellulas inficiet lympa crudior, & ut omnis coctio, sic omnis elanguebit secretio, omnis fatiscet excretio. Sin fortioribus vasis parciora tribuas, jam brevi *ultra perfectum* trahetur coctio, acria evolvuntur, & vasa præpostera celeritate vacuabun-

buntur . In utroque ancipiti casu periculum ab opposita causa . Adde his nova nascentia ex acrium intromissione pericula , ex putredine , quæ ut nervos , sic vasa reddit inertia . Ipse somnus adeo coctioni utilis , ut a vasis per soporem turgentibus non nisi cocta exeant excrementa , in utroque casu , *notante Hippocrate* , nocet . Favet in priori casu cachexiæ , inducit in altero putredinem . Ex ipso dormientis aspectu recte judicaveris , an concoquat homo somno sepultus , an vacuus dormiat . Turgida illius facies , & nitens ; hujus collapsa , & pallens . Ut porro in utroque casu vitioso pessumdantur coctiones , ita & degenera fieri excrementa necesse est . Nec umquam accisis viribus , aut statera Sanctorianæ , aut sensus ipse , perspirationem legitime factam indicabunt , quæ 3. coctioni proportionalis , ita ipsi apte , & admodum respondet , ut neutra possit altera carere ; unde perfecte elaborata coctio , perfecte elaboratam perspirationem indicat , & perspiratio belle , & ex ordine procedens firmissimum est recte peractæ concoctionis argumentum .

His semel positis , atque demonstratis , nemo est , si primis labris sacros naturæ latices attigerit , qui non sentiat , naturam perspirationis a coctione residuæ , elaboratissimam , tenuissimam , densissimam tamen prorsus a sudore differre , nec posse ullatenus cum eo

conferre, qui semper humor crudus, aut a pravi succi copia nimia salubriter exeuntis pendet; aut a pessumdato sanguinis tenore, in exitium apparet; & cum nostro humore tantum analogiam servat aliquam, ubi, coctis humoribus in morbo acuto, critice erumpit; quæ crisis, ut norunt Pathologi, rara admodum est; eoque aspectu, vel ipsa critica diarrhœa inter excrementa tertiæ coctionis reponi poterit. At contra maximam cum urina servat analogiam perspiratio, ut alibi probavimus, ipsique ita aptè correspondet, ut unius theoria alterius etiam theoria dici possit.

Patet inde, quod, etsi alimentis proportionē respondeat perspiratio, ipsisque suam omnino debeat originem, tamen ab illorum indole prorsus abludat, & ab iis differat omnino. Hinc licet illam in corpore sano, respectu ad vires abito; pro lubitu aut valeamus adaugere, aut imminuere, copiam cibariorum si auxerimus, aut contra imminuerimus, raro tamen de immutandis ejus proprietatibus possumus certo aliquid statuere. Imo hanc illi, vel illam dotem conciliare nequimus, nisi facem prætulerit experientia. Scire tamen facile est eam varie admodum accipiendam pro diversa alimentorum natura. Multa enim sunt vel in maxime salutaribus cibis tenuissima corpuscula, quæ hu-
ma-

manuum virium efficaciam eludunt, & dum post varios intra sanguinem errores rursus ejiciuntur; diversa affectant emunctoria, per quæ dum exeunt immutata, inquilinos humores immutant: Harumcè atomorum aliæ vias bilis ambiunt, & per hæc extra corpus sese præcipientes dant, vitiatæ bilis, aut tenore, aut colore. Quoties aut colorem, aut odorem, urina ab assumptis ita perdidit, ut vix post viginti quatuor horarum spatium suas recuperet proprietates? Quid ni idem de perspiratione expectamus? Cum multi sint, qui hoc, vel illo potu assumpto odorem specificum spirent; cum multis, ubi acré quodlibet ingurgitaverunt; pruritus ad cutem sine ullo sensibili tumore erumpat; cum demum; si peregrinatoribus credere fas est, dentur silvestres homines, nec per varios turbum odores naribus cicurati, qui solo odoratu Gallum ab Anglo dignoscant, victus differentia in habitum trahente specifici cujusdam spiritus cum perspiratione miscelam. Nec difficile inde solvitur illud problema: An possimus per artem, imo an debeamus perspirationem promovere? perspicue enim ex dictis sequitur, quod, si in homine sano, & rectè concoquente male officiosa sedulitas, perspirationem extorserit majorem, cruda illa esse debeat. Est enim coctio illa naturæ opus, quam nulla ars e directo facere potest, sed quæ, dum viribus adaugendis insudamus,

ex

ex arte promovetur etiam; atque nullum hic diaphoreticum specificè sic dictum dari posse patet: præsertim vero hæc remedia prorsus a saporiferis esse distinguenda: verum in corpore ob suppressam perspirationem in morbos deflectente, sæpe laxatis vasis, & tenuatis humoribus, restitui perspirationem. Sed si elangueat coctio, aut si in vasis hæreat coctus humor, ad portas hæsitans, & aut propter copiam, aut propter infirmitatem laborantis vix potens sibi viam cedere, nullum potentius, nullum efficacius, nullum naturæ magis congruum, & conveniens auxilium datur, exercitio, quod vires instaurat, quod, ut succi nutritii applicationem, sic & ciborum mutationem efficit, ipsisque, ex Hippocratis præceptis, semper debet æquilibrium concordia respondere. Quod ut maxime cognitum, & chartis undique personatum medicis, hic non erit altius perpendendum; modo ex Sanctioriana statera liquerit effatum Hippocraticum confirmare: Nullo scilicet unquam tempore, corpus utilius exerceri, quam cum coctio peracta est, stimuloque indigent humores expellendi: Contra vero præposterum esse motum, qui, dum corpus concoquit, fusdeque agigaret omnia, & falsa subverteret miscela: Sed ad perfectam perspirationem, necessarias esse somni concoquentis, atque expellentis exercitii vices, quod quidem, ut indicat natura, ita levissima comprobat observatio.

Fa.

Facili vero theoria ex hisce deducemur ad
diætæ diversitatem, quæ pro varia virium
conditione, & pro vario earum usu compe-
tit. Si enim exercitatum, si motu fractum
assiduo corpus, si viribus pollens efficacissi-
mis levia tantum captet alimenta, brevi illa
robore nimio attrita tenuitatem hanc nan-
ciscuntur, quæ perspirabilia prius fiant, quam
nutritia, adeoque inutili consumentur na-
turæ labore; vixque ipsa eorum copia
levitati principiorum supplere possit. Dura
& maximam sub minima mole efficaciam
nutrientem habentia, duris messorum ilibus
sufficienda sunt, quæ stomacho fulturam, &
diaphragmati ruenti hypomochlion præstent,
quæ moras in vasis nectant, resistantque
coctioni, ne celeritate sua quasi evanescat.
Mulieribus contra otiosis, delicatulis, & iis,
quibus vires quacumque de causa accisæ sunt,
tenuia, levia concedenda sunt, opposita de
causa; quæ enim aliis debiliora sunt, aliis
possunt reperiri valentiora. Nec minus ab iis
fundamenti intelligitur, quam varie alendi
sint homines, pro variis tempestatum ætatum-
que vicibus, pro locorum natura, quæ omnia,
fuse apud Hippocratem exposita, statera ob-
servatrix demonstrat. Dormire, & ali vita
infantuli recens nati abunde probat, quam
leve ipsi nutrimentum competat; frequentius
vero debere offerri, ipsa materni lactis le-
vitas indicat. Quo durior evadit corporis ac-
cre-

crescentis moles, eo etiam materia densior, eo minus frequens offeretur. Adsunt enim vires coctrices, nec jam novella perspiratio lac redolet: fervida juvenus vix sibi alias reposcit regulas, præter illas, quas statuimus universales; sed omnia flexilia adhuc viribus puerorum tenellis frequentiore usum alimentorum postulant, quam qui adultis competit. His plenius cibari interdum, interdum ferre jejunia licet. Usus ille ingentem in perspiratione concitet una aut altera die differentiam, utile est. Assuescit enim inde corpus varios per eventus indurari, & facile diversas vitæ conditiones pati. Nec periculosum est, si intra rationis justos contineatur limites, positum a Celso principium, quo nullis adductum legibus vult hominem. Periculosa contra, imo & ineptos patriæ civis facit, illa ad stateram librata æqualitas ciborum, qua si vel una die carueris, illico sentitur defectus; nec stimulos concipit natura, nec renixus patitur, unde viribus calcar addatur. Hanc aliquando concitasse, & per nova onera, unde se innato extricet robore, exstimulare utile est; teste vel ipso æqualis diætæ celebratore Sanctorio. Nec ergo insalubre adultis erit jejunium, unde relicta a præcedentibus coctionibus quisquiliæ vacuentur, nec aliquando concepta immoderatio levis, qua natura robur intus latitans exerat. Sed æqualitas illa admissim fer-

van.

vanda erit, & delicatulis quibus vel levis culpa scelus est, & iis, qui a morbo revalescunt, & quibus non satis est virium, quas disperdant, & ancipiti fortunæ committant: senibus vero qui, etsi facillime inedia m ferant, ex eo ipso quod illis, cattharri saepe suffocantis nomine, copia chyli crudi pulmones affatim subeuntis obruat, præfocet, & angat elisis faucibus, frequentiora offerenda sunt alimenta, eaque leviora, ne debilitentur illinc, hinc vero graventur. Verum etsi cautelas hasce omnes adhibueris, non vetabis tamen, ne, decrepita ingravescente ætate, sputis, ex dura fati lege, crassis, indivulsis redundant undequaque; quibus fit, ut vix ullus chyli proventus facessat in alimoniam, sed excrementi titulo omnia auferantur; illi vero medios inter screatus marcescant, & tandem exstinguantur,

Hæc quidem omnia quantitatem alimenterum spectant, & eorum aut ad subeundos coctionis labores facilitatem, aut contra vinci difficilem duritiem. De qualitate illorum, vix ad perspirationem dicere attinet. Quæcumque enim cibus qualitatem a nutritia extraneam conciliant, ea medicamentosa sunt. Sic si alvo solvendæ apti fuerint cibi, vix illi nutriend, at certe perspirationi nocere istos necesse est: idem dicendum de iis, qui lotium eliciant. Eos qui aromaticum dulce spirant, aut qui spiritu fervent ardentiori, inter diaphoreticos,

cos, & perspirationi juvandæ aptos numerare solemne est. Sed quam falso sæpe insigniantur titulo, facile sentiet, qui naturæ mysteria recluserit sedulius. Si enim erethismo concitato vasis stricturam, si liquidis rarefactionem conciliaverint, si vasa obstipaverint, coctioni nocebunt, præpedientque perspirationem. Quod sibi demonstratum habeant, qui, dum spirituosius indulgent liquoribus, somnos a se arcent; signum enim coctionis somnus, & perspirationis legitimæ ut causa, sic est affecla. Singula quidem persequi rerum capita arduum foret. Fuerit satis summa delibasse, a quibus cætera quasi sponte evolvantur.



DE CIBO, ET POTU.



SECTIO TERTIA.



APHORISMUS I.

STOMACHUS cibo refertus, si inter dormiendum absolvat primam coctionem, illius noctis perspiratio magna ex parte ascendit ad quadraginta uncias; si non absolvat, ad octodecim circiter.

Stomachus frustra concoquet, si non absolvantur & 2., & 3. coctio, sive chylosis, & hematopoiesis; quibus praesertim, equabili, lenoque motu, & vasorum penetrabilitate, confert somnus. His peractis, non a somno, sed post somnum fit ingens perspiratio. Haec si desit.

fecerint conceptions ; materia rite cocta jam non existente, aberit perspiratio. Corpus tantummodo exhalat ; quæ exhalatio ad octodecim uncias in aere Paduano ascendit, ut ex sequentibus probabitur. Apud nos minor est, & variat pro anni tempestate, aeris humiditate &c.

II.

STOMACHUS omnino vacuus, & jejunos, licet dormiat, non perspirat ultra octodecim uncias circiter.

Deest materia perspirabilis. Fit simplex, & necessaria excrementorum volatilium exhalatio.

III.

TANTUM perspirat corpus plenum non concoquens, quantum fere jejunum non habens quod concoquat.

IV.

CIBI multum nutrientes, excepta carne vervecina, a cœna ad prandium non solent perspirare ultra octodecim uncias.

Nimis universalis est propositio, forsan solius Sanctorii observatione comprobata. Nam
ro-

robustis, qui multum absumunt, conducunt, bene concoquuntur, & bonam perspirationem suppeditant cibi multum nutrientes, id est ingentem habentes sub minima mole materie nutritis copiam. Caro vervecina non levis tantum, sed habet aliquid cardiaci vires augens.

V.

CIBI copiosi, sed tenuis nutrimenti, notis spatio, in plurimis, ultra quadraginta uncias perspirare possunt.

Tenuis nutrimenti, id est, ea, quæ partibus inter se infirmius nexis conflantur. Quæ facile concoctæ, facile pariter avolant; & quæ perspirationi ideo favent, quod partes multas tenuissimas contineant, quas animalis calor reddat adhuc tenuiores.

VI.

ALIMENTA, quæ corpora conservant gravia, sunt copiosa, vel cruda rebellia.

Copiosa vires superant, ipsa sua mole. Cruda rebellia non superantur a viribus, ob partium subigendarum duriorem texturam. Utroque in casu, languet, & opprimitur coctio; ergo & perspiratio.

VII.

QUÆ conservant levia, sunt consuetæ, & vaporosa.

VIII.

CARO vervecina facile coquitur, & est vaporosa; perspirat enim noctis spatio trientem libræ magis, quam cætera, solitaque edulia.

Victu vegetabili vivit vervex; nec tamen caro ejus glutine abundat. Imo & sapida vires concoquentes auget. Nec stomacho nauseam, nec vasis laborem infert. Sed ea sola diu vivere, ut difficile est, ita experimentum fallax.

IX.

QUÆ ex pasta fermentata fiunt esculenta, non efficiunt corpora ponderosa; longe enim facilius perspirant, quam rapæ.

Fermentatio mucaginem motu intestino subigit; indivulsam ei aufert tenacitatem. Hinc universale hominum cibarium panis omnem frumenti virtutem nutrientem continet, sed indivulsam illam, & delicatis etiam edulem. Hinc ejus diversitas tota in diverso fermentationis
gra-

gradu, pari alioquin materie, continetur. Rapæ vix nutriunt; sed ut aliis moderate sumptæ profunt; aliis contra, acri halitu irritant ventriculi nervos, & non, nisi difficile, concoquantur.

X.

VIR fanus occulte dici cursu tantum exhalat, quantum per alvum dimidio mensis; licet quotidie coctas tamen, & consistentes fæces semel excernat.

Rem adamussim ponderare vix possibile est. Cum crassa excrementa variant, pro natura cibariorum, vi attractili intestinorum, aeris, somnique effectibus; ita ut huic homini, bis alvum de die deponere, necessarium sit; illi contra, quindenis diebus vix illa solvatur.

XI.

STOMACHUS plenus, & vacuus minuunt perspirationem; plenus eam divertit per ciborum corruptelam; vacuus eam trahit, ut impleatur.

Plenus stomachus cæteras functiones quasque imminuit; natura in id unum quasi intenta, ut concoquat. Vacuus plus justo,

horis alienis, materiem non suppeditat perspirationi, & vires imminuit.

XII.

PLENUS, quando non absolvit coctionem, ex pondere cognoscitur: corpus enim tunc minus perspirat. Vacuus vero flatibus impletur,

Uterque stomachi status pondere noscitur, aut aucto, aut imminuto. Flatus enim, qui vacuo ventriculo ipsius implent cavum, vix pro pondere haberi possunt. Unde, qui longa tempore vacui remanent ventriculi, contrahuntur, & capacitatem amittunt. Aliunde signa pleni ventriculi sunt pondus, faciei mutatio in rubicundam. Vacui signa sunt virium imminutio, vocis imbecillitas, ad labores impotentia,

XIII.

FLATUS nihil aliud est, quam rude quoddam perspirabile.

Celebris pneumaticorum secta omnia ad flatum referebat. Hinc εἰσπνοὴ καὶ ἐκπνοὴ Hippocrati idem est, atque inhalans, & perspirabile. Hinc a flatibus pendere dicebantur, qui oriuntur a retenta perspiratione dolores rheu-

ma,

matici . Retinetur porro saepe perspiratio a cruditate humoris exitum molientis ; qui etiam & inertiam bili , & atoniam intestinis conciliat ; unde flatus .

XIV.

Robustus ciborum plenitudinem absumit per insensibilem perspirationem ; minus robustus per urinam ; debilis magna ex parte per chyli corruptelam .

Perspiratio perfecte coctionis factus . Minus tenuatas partes urina absumit . Hinc observatur in debilioribus perspirationi urina supplere . Crassior , & indigesta materies alvum opplet ; debilioribus solis competens . Optima vero natura constitutio est , ubi vacationes fiunt per loca convenientia , teste Hippocrate .

XV.

Dum omittitur cœna , vacuo existente ventriculo , nulloque urgente paroxismo , retinetur perspirabile , & retentum fit acre ; inde corpus ad calidas ægritudines præparatur .

A jejunio præpostero , deest perspiratio ; & reparabilis deficit materia ; continuatur vitæ actio . Hinc acrimonia : unde intelligitur Aphorismus .

XVI.

JEJUNIUM, quod reducit corpora ad minus pondus, sed corporibus insolitum, malum.

XVII.

CUR sint, qui fame pereant, si in vivo sanguis nunquam deficiat? Quia versus ventris vacuum sanguis tendens, relinquit cor.

Fit in fame acra, & rodens liquidum, quod plasticum, & virale esse debuisse. Solida deturuntur, & corrumpuntur. Fit gangrena lethalis.

XVIII.

NON solum incoctus cibus, ut quantus reddit corpus ponderosius; sed etiam ut qualis, quatenus scilicet perspirationem impedit.

Cibus incoctus, vel a copia pendet, quæ vires superat; vel a qualitate, quæ aut durior quam ut vincatur, aut prava, particulisque referta non nutritiis. Utrunque cruditatis, adeoque gravitatis in corpore periculum.

XIX.

XIX.

DUM levior semetipso quis videatur factus , & non sit , valde bonum : id enim oritur a succis trium coctionum exacte coctis .

Hæc est alacritas illa , & levitas ad sensum , quæ superabit pondus auctum , & vires plus justo sufficientes indicat .

XX.

DUM tota die persentitur levitas , & corporis agilitas , præcessit chyli , & sanguinis coctio , & penitus exhalaverunt tertiæ coctionis excrementa .

Potest stare levitas ad sensum , dum peragitur coctio , nondum expulsis excrementis . Propositio exquisitè vera est de levitate ad stateram .

XXI.

CIBUS incoctus , quo plenioris est nutrimenti , eo est deterior ; vel quia efficit majus pondus , vel deteriorem corruptelam .

Peccat cibis ille , & copia , & qualitate

nūtrimenti; quæ vires æqualiter eludunt, & duplici titulo nocent.

XXII.

CORPUS maxime leve fit ex ciborum corruptela: liquida enim excrementa omnia magni ponderis.

Si per diarrhæam ingens materia educatur copia, levior erit ad stateram machina, sed. gravior ad sensum; nisi febris vires auxerit.

XXIII.

Usus carnis suillæ, & boletorum, malus; tum quia hæc non perspirant; tum quia non permittunt cætera edulia simul ingesta perspirare.

Agunt ut alimenta mali succi, coctioni dura, perspirationi difficilia. Sed non eodem gradu. Nam boleti pessimi. Caro suilla vix nocet assuetis. Imo ea infirmorum juscula fiunt cum successu apud Hispanos, & Indos, ac Sineses. Sed est diversa suum indoles.

XXIV.

Ex usu carnis suillæ, & boletorum, triente minus solito corpus magna ex parte perspirat.

XXV.

XXV.

MELONES adeo pusillum perspirant, ut quadrantem circiter auferant perspirationis consuetæ.

Melonibus virtus inest leviter cathartica, perspirationem divertens.

XXVI.

RETENTA illorum perspiratio in urinam, vel sudorem facessere solet.

Sudor a cruditate oritur; eo quod chylus ab illa effectus fiat, vixque actione vitæ densandus; per cutem exit ante coctionem, sæpe odorem cibi referens. Si plus addensetur, nec perfecte tamen, in sedimentum urinosum fa-cessit. Unde emittitur tum vel urina turbida, vel cito turbanda.

XXVII.

UVÆ, & ficus recentes paucillum perspirant, & aliquantulum aliorum ciborum perspirationem impediunt; fortasse quia sensibilibus evacuantur.

Omnes fere fructus horati, mucagine gauden-

dentes saponacea, alvum laxant, & bilem solvunt. Unde perspirationi nocere possunt; vix tamen sanitatem ledunt si moderate sumantur; aestate enim, quo tempore vigent, vix ullum supprimendæ perspirationis periculum.

XXVIII.

ILLUD genus edulii optime perspirat, & commode nutrit, cujus pondus in ventre non sentitur.

Idem durioribus cibis eveniet, si sumantur moderatius, nec ultra virium tonum.

XXIX.

CIBORUM plenitudo magis nocet in otioso, quam exercitato: viscera enim illis gravantur quiete; exercitio vero liberantur pondere.

Addit demonstrationem statera huic Hippocraticæ propositioni, conferendos esse labores ad cibos; ita ut duriores, & copiosiores cibi ad eos pertineant, quorum robusta illa conficiuntur laboribus. Exercitio enim conquantur illi; resistunt homines laboribus: & reparantur perditæ: nec cito dissolubilis ciborum potestas consumitur, & avolat.

XXX.

XXX.

Ab eo cibo corpus optime perspirat, cujus fœces exeunt consistentes.

Propositio vera, ut causa, ut & signum. Ut signum, absumi liquidiora per inquilinos natura calles. Ut causa, quia, quæ nutritiam materiam suppeditant, pauca relinquunt scybala. Ut de lacte notum est.

XXXI.

Minus quam lactuca nutriet caro pulli, si de carne, ea copia edatur, ut in liquidarum fœcum corruptelam exeat.

Quia sine coctione, materia nutriens inutilis est. Hæc si non peragatur, nulla cibi salubritas est.

XXXII.

Ex ponderatione noveris, quando jejunium sit salubre, vel insalubre. Erit salubre, si aliquid relinquebatur de hesterno edulio perspirandum; sin minus, insalubre.

Ponderatio in hoc casu summe utilis, sed impossibilis pluribus. At idem deprehenditur,

nec

nec minus certo, ex sensu levitatis, & alacritatis.

XXXIII.

Dum per diætam corpus reducitur ad pondus minus suo salubri minori, quod amittit de robore, est irreparabile. Quod vero detur minus, & majus salubre pondus ex LXIV. §. primæ, & ex XL. hujus intelliges.

Nulla irreparabilis labe a diæta justo minori per se oritur. Sed cum vires frangat ponderis salubris amissio, debilitatemque inducat, arte opus est, qua viribus cibi proportionales offerantur. Bona coctione peracta, minus amittitur; reparantur perdita, non statim, sed sensim, ut in Aphorismis docuit Hippocrates.

XXXIV.

Si sciveris quotidie, quantum cibi tibi conveniat, scies diutissime virtutem, & vitam conservare; idque ex eodem Aphorismo intelliges.

Idem veteres, idem edixit, Hippocrates sensus judicio.

XXXV.

XXXV.

NATURÆ robur non parum absumitur, dum cœna modo est quatuor, modo sex librarum.

Non absumuntur vires, sed nimio usu fatigantur, si ultra moderationem feratur varietas illa. Nam, si moderate varietate utamur, oscillationum perpetua renovatio naturam roborat. Nec periculo vacat severitas illa, Sanctioriana statera explorante, expensa, Vel minimum enim delictum sentitur graviter.

XXXVI.

ILLA cibi quantitas est saluberrima, dum a cibo corpus suis negotiis eadem agilitate vacat, ac si esset jejunum.

Hæc est sacra illa veterum observatio, ex sensu nunquam fallaci deducta. Cui novam demonstrationem per stateram Sanctorius addidit, & quam jam pridem inventam comprobavit experimentis.

XXXVII.

MAGIS quoque gravatur ab octo libris ci-
semel in die comestis, quam a decem
tri-

tribus vicibus unica die assumptis.

Regula hæc rationi consona est. Modo tamen ventriculo liceat otari, viresque consulantur. Nam si frequentius ingeratur cibus, ac maturius, & coctionis, & perspirationis leges pervertentur. Apud viros exercitados, non eadem est regula, quam litteratis, & otiosis. Iis vix possibile est ætate grandioribus, bis cibus expleri. Sed leviora bis, aut ter degustasse alimenta sufficiat.

XXXVIII.

ILLA cibi quantitas est unicuique saluberima, quæ sine molestia potest a virtute concoctrice vinci. Vincitur, si quantum ingeratur, tantum absumatur: hæc enim ex ponderatione dignoscuntur.

XXXIX.

ILLA cibi copia est ingerenda, quam natura potest coquere, digerere, & perspirare.

XL.

SI natura posset digerere centum libras edulii, & exporrigerentur nonaginta novem, animal propterea cursu temporis destrueretur.

Ser-

Servanda est cuilibet naturæ apta proportio. Sed ubi corpus jam incrementi fastigium adeptum est, fallacem hanc crediderim regulam. Imo diæta tenuior salubris, cum minus de corpore auferat, nec plethoræ relinquat vestigium. Nec deteritur aliquid de corpore, cum ipsa stet per se solidorum moles; & liquoribus renovandis addita supersit materies,

XLI.

TUNC cibi boni succi diutissimam sanitatem tibi promittent, quando perspirationis quantitas medium obtinebit locum inter excessum, & defectum. Excessus, post plenam cœnam ciborum maxime perspirabilium, noctis spatio, magna ex parte solet esse quadraginta unciarum circiter; defectus, quatuordecim. Ille igitur cibi usus, qui te ad viginti duas uncias, quæ est medietas, transferet, certissimam sanitatem, & longævitatē pollicebitur,

Diversitas ingens inter Aphorismum LXIV. sectionis primæ, & hunc apparet: quæ conferenti clare patebit. Nec possibilis est talis ad numerum calculus, tum ob varietatem exercitii, tum ob tempestatum diversam temperiem. Sola iudex esto a somno alacritas, & facilitas ad labores.

XLII.

XLII.

CELSI sententia non est omnibus tuta, usus scilicet sex rerum non naturalium modo parcos, modo nimios esse debere.

Nibil in Hygieines praxi tutum est, præter moderationem. Sed vite varietati assuescere, nec ullis obligari legibus, ut Celsus voluit, id habet pretii, ut non commoveamur a quibuslibet causis; quod illis familiare est, qui nullatenus ab instituta vita desciscunt. Observatio ergo illa Sanctioriana ad delicatos, & causarios tantum pertinet. Cæteros Celsi consilium regat, moderatione tamen legem ordinante.

XLIII.

CORPORA minõri molestia reducuntur ad consuetum pondus, si assumant quatuor ciborum libras in prandio, & quatuor in cœna distanti, ut par sit, quam sex in prandio, & duas in cœna.

Res ab Hippocrate olim expensa, & ad assuetudinis imperium revocata (lib. de priscâ Medicina). Minus certe in iis, qui bis edunt mediocriter, cruditatis periculum, quam in iis, qui semel sese ingurgitant. Senibus
taq

Vide Hippocr. loco citato,

*tamen, in quibus longior est concoctio, cœna
fere impossibilis.*

XLIV.

SEIPSUM sensim destruit, qui semel in
die, *præter consuetudinem*, comedit: comedat
parum, vel multum.

XLV.

CORPUS magis ponderosum redditur qua-
tuor unciiis cibi multi nutrimenti, qualis est
caro porcina, anguillæ, & pingua omnia,
quam sex unciiis cibi pauci nutrimenti; ut
sunt pisciculi, pulli, aviculæ, & alia id ge-
nus.

*Quia perspiratio a coctione pendet, quæ
tenuioris materia facilior, & brevior.*

XLVI.

CIBUS pauci nutrimenti si difficulter co-
quatur, id accidet solum in prima coctione;
multi nutrimenti in omnibus.

*Potesť cibis pauci nutrimenti in ventriculo
corrumpi, & reliquas coctiones inficere. Aliun-
de pro viribus variat nutrimenti qualitas; ita*

ut illis istud pro paucio nutrimento habendum sit, quod his multum nutrimenti præstat. At quod multi nutrimenti est, vires eludit omnes, & vitium a coctionis defectu in primis viis contractum ad cæteras desert coctiones.

XLVII.

CIBUS exigui nutrimenti humectat, & lenit alvum; cito digeritur; & perspirationem dormientium, & vigilantium facile juvat.

Debilibus ergo conferat cibis pauci nutrimenti; sed robustioribus vix sufficiet, nimis cito coquendus, nimis cito mutandus, nimis cito expellendus.

XLVIII.

CIBUS multi nutrimenti stringit alvum, nisi corrumpatur; difficile coquitur, & parum perspirat.

Si debiliori exhibeatur, omnes hos inducet effectus; quia non superabitur validior cibis. Nihil simile accidet in robusto. Sint ergo cibi semper, & ubique tum copia, tum qualitate, viribus proportionales.

XLIX.

XLIX.

UBI est difficultas coctionis , ibi tarditas perspirationis.

Aurea hæc sententia ex prædictis fluit . Modo , per coctionem , ultima illa aliarum productum , ipsisque proportionalis intelligatur .

L.

CIBUS non ut fluidus debet præmitti , sed ut melioris succi : pylorus enim non est in imo ; ut in canibus .

Fateor illud mihi præceptum inane videri . Nec in canibus adeo cito effluit cibus ; & duriora in eis ultima exeunt e ventriculo , ut vidi sæpius .

LI.

TRIA mala eveniunt ob ciborum varietatem ; nimium comeditur ; minus coquitur ; & minus perspiratur .

Propositio hæc abusum , non usum spectat .

I

● 2

LI.

LII.

TEMPUS minoris perspirationis est, quando stomachus est plenus, & præcipue varietate eduliorum.

Norunt litterati quantum hoc tempore laqueant omnes functiones; viribus in id unum occupatis; imo & liquoribus novo onere nondum subacto gravidis.

LIII.

QUI evomunt cœnam, statim tollunt stomachi molestiam; sed sequenti aurora sentiunt corpus ponderosius: vomitus enim divertit perspirationem, trahendo ad intra perspirabile. Quod, ut acre, lassitudinem, & calorem; ut copiosum, gravitatem facit.

Nixus ad vomendum violentus fere omnes musculos convellit, & in motum trahit: ordinem secretionum intervertit; corpori lassitudinem summam conciliat, & debilitatem. Cui reparanda deest materia per vomitum abacta, desunt ventriculi vires.

LIV.

QUI comedit magis quam oportet, alitur
minus quam oportet. Non

Non enim ingesta nutriunt , sed bene cocta .

LV.

Qui in juventute sunt victus immoderati , ventriculum plus justo dilatant ; quo fit , ut in posterum victu moderato magna cum difficultate uti possint .

*Adversus victum immoderatum omnia Hygieines praecepta diriguntur . Qui nimium edunt , præter plethoræ , cathexiæ , acrium omnium incommoda , jejunia nec tolerare possunt , nec dietam ægris necessariam . Sed tamen re-
cta , & secundum artis leges imminutione instituta , qui dilatari potuit ventriculus , discit & contrahi ; ut sequens docet Aphorismus .*

LVI.

Qui ad statum , & moderatum victum facile reduci cupit , utatur eduliis pauci nutrimenti ; sic ventriculus cito se isto exonerans , minori se accommodabit capacitati .

LVII.

QUANTUM edendum noveris , si pluribus diebus observaveris , corpus a somno sine molestia ad idem pondus reduci .

Aurea, hac sententia vocari possit statera rationalis ; quæ senibus æque , æque juvenibus prodest ; & quæ nullus carere debet si sensum potius, quam stateram consuluerit.

LVIII.

Si post pleniorē cœnam, corpus minoris ponderis die sequenti reddatur ; id eveniet, vel ob corruptelam ; vel quia irritatur natura ad expellendum utile : quod est admodum nocivum. Corpus enim præparatur ad morbos, dum utilia evacuantur, & cruda detinentur.

Pleniori cœna majus pondus effici ratio docet. Si pondus illud imminutum sit, certe vacuatio nimia a viribus naturæ stimulo acri concitata, vel acrimonia solvente materiei exorta est.

LIX.

Si cœna fuerit octo librarum, & edulia in ventriculo corrumpantur, corpus die sequenti erit minoris ponderis, quam si cœna fuisset trium librarum ; & cibus non fuisset corruptus.

In immani illa cœna, ut pondus intelligatur

tur

*tur imminutum, non corruptela sola, sed va-
 cuatio plus quam octo librarum supponi de-
 bet.*

LX.

EDULIA aptissima perspirationi non cor-
 rumpuntur; imo post nocturnas vigilias ho-
 minem conservant sine lassitudine, & gravi-
 tate.

*Addendum huic sententiæ, modo servetur
 proportio cum corpore nutriendo, & rebus re-
 liquis non naturalibus.*

LXI.

EDULIA non perspirantia, obstructions,
 corruptelas, lassitudines, mœstitias, & pen-
 dus efficere solent.

*Id est; quæ corporis viribus comparata,
 ab eo coqui nequeunt; ut sunt dura, tenacia,
 acria, purgantia, &c. Nam prima omnium
 destruitur alacritas, dein inertis, & spontanea
 corruptelæ nascuntur phænomena, vel irritatis
 naturæ viribus nascitur erethismus.*

LXII.

ILLA est viventis pessima conditio, dum
 facta

facta ciborum concoctione, corpus per sentitur
onerosius solito, cum tamen sit minoris pon-
deris.

*Ponderis augmentum ad sensum, levio-
re ad stateram corpore, vires fractas, & imminutas
designat. Levitas enim illa ad stateram,
desse materiem reparandis viribus necessariam
designat, adeoque omnia in pejus ruere ne-
cesse est.*

LXIII.

Si quis cibi, vel potus nimietate utatur,
& sequantur evacuationes sensibiles, longe
pleniores consuetis, corpus die sequenti sit
solito levius.

LXIV.

EDULIA liquida, data molis paritate,
sunt ponderosiora solidis: liquida petunt
fundum; solida supernatant. Cyathus vini,
seu jusculi est majoris ponderis, quam integer
panis.

Vide sectionis primæ Aphorismum XXVII.

LXV.

Si nimius potus a somno efficiat oculos
la-

lacrymosos ; signum est corpus non perspirasse ; ut par erat .

Non lacrymosi solum efficiuntur oculi ab imminuta perspiratione ; sed tumida palpebrae ; & coryza ad nares .

LXVI.

Si post multam potationem fudes , vel multum meias ; aut magnum robur , aut magna infirmitas indicantur .

Sæpe natura actuose viribus sudamus ; irritatis vasis sudoriferis , & cordis aucto motu , ut in febre sudatoria . Sæpe , laxatis præ debilitate vasis , & herentibus liquidis , sudant homines debilissimi , jamjam morituri . In statu sano minus sudant , qui robustiores sunt . At materies aquea nimia intus admissa copia , sæpe vi naturæ ad excretionem superflui concitata , expellitur , sæpe quasi sponte vasis inertibus delabitur . Ut prima excretio roboris signum erat , ita altera debilitatis est , & languoris effectus .

LXVII.

AQUÆ potatio insensibilem perspirationem impedit ; augeat tamen sensibilem .

Nimia enim aquæ potatio coctioni officit ; dum principia nutritia a se invicem nimium disjungit. Unde iis acor, & quasi imperfecta fermentatio. Hinc liquidi aquei vis ingens exit, crudis referta principiis, nec ita tenuatis, ut avolare queant insensibiliter.

LXVIII.

POTATIO hisce sæculis, in temperatis quoque, est improporcionata: cibus enim illorum solet esse duodecim unciarum circiter; potus quadraginta, & ultra:

Multi sine potu sani vixerunt. Novi sacerdotem septuagenarium, qui nunquam potat aut aquam, aut vinum, nisi dum missam celebrat: religiosus est, & sanissimus: Vide experimenta Dodartii, & Marcorelli in Actis Academiæ regię scientiarum: Multi largius potant sanissimi. Certe coctio a nimio potu acescit; laxantur fibræ; præceptum fit ad sudores eliciendos humor. Sed regulam cuique statuere impossibile est. Quæ, pro varia vite, ætatis, tempestatisque conditione, diversa constitui debet.

LXIX.

IN homine utente moderato victu, perspiratio nocturna aliquando ascendit ad tres libras:

bras : in utente plenissimo , stomacho præ-
 istente vacuo, & robusto, potest ascendere ad
 quinque libras.

*Legantur observationes Gorteri in aere Ba-
 tavo; conferantur auctores de statica, & hæc
 inde eliciatur conclusio, perspirationem semper
 alimentorum assumptioni, & coctioni esse pro-
 portionalem : sed ratione habita virium con-
 coquentis, & actionis simultaneæ rerum non-
 naturalium, quorum in perspirationem actio
 ex ipsis Sanctorii Aphorismis intelligi debet.*

LXX.

JEJUNIUM corpus suo majori pondere
 insignitum juvat ; mediocri nocet ; minori
 longe magis.

LXXI.

Post longum jejunium, si corpus libera-
 lius nutriatur, perspiratio redditur plenior
 solita libram circiter.

*Modo tamen a precedente jejunio vires
 non attrite sint. Nam viribus imminutis,
 imminuitur pariter coctio; ergo & perspira-
 tio.*

LXXII.

LXXII.

Post immoderatum exercitium corporis, vel animi statim vesci, malum: corpus enim defessum ægre perspirat.

Notum est quantum literatis coctio difficilis evadat; ob exhaustum corpus. Statim ab exercitio corporeo vehementi; omnia pariter exsucca, & arida sunt, liquoribus exhaustis, solidis defatigatis.

LXXIII.

Si sobrii; & in victu temperati præmaturre moriantur, amici mirantur novitatem; quia de perspiratione insensibili nil sciunt.

Mors subita, a perspiratione protinus, & uno ictu suppressa, catharrum suffocantem supponit. Imo vidi hominem pæne suffocatum veli palatini; & immodica uvulae tumefactione aquosa. Sed non omnes inde mortes subitanæ; quæ sepe e longinquo petite, vitia diuturno tempore latitantia supponunt.

LXXIV.

CIBUS, & potus nimius, non solum retenti perspirabilis acrimoniam, sed etiam partium, præ-

præcipue non principum, pravos affectus diu occultant, qui, dum corpora purgantur, vel inedia tractantur, derepente erumpunt, & in gravissimos affectus faceffunt.

Cibus, & potus nimio opere sumpti, si non nocuerint illico, falsas vires corpori communicant, quibus vitium increfcit, sed diffimulatur, dum quotidie novo proventu chyli obruitur, & obtunditur acie, reviviscens ab ipsa nova materia, quæ coqui perfecte in vitiato corpore nequit. At ubi, vel nimia vacuatione debilitas inducitur, vel inedia, malum tum exardet, consumptis naturæ adminiculis, quasi moveris Camarinam, insuperabile. Quia scilicet, omnia ex insidiis latentibus labem concepere.

LXXV.

MEDICUS, qui præest rationi victus Principum, si nesciat quantum, & quando quotidie perspirant, illos decipit, & non ineditur.

Vide Aphorismum II. Sectionis primæ.

LXXVI.

A cibo quatuor horis circiter vix libram plurimi perspirant; inde ad nonam duas libras; a nona ad decimam sextam vix libram.

Vi-

Vide Sectionem jam passim.

LXXVII.

TUNC erit cibandi tempus, quando corpus
reducetur ad illud pondus, salubre tamen,
quo fruebatur paulo antequam hesterno die
ingessisset cibum: istud solus Apollo sine trū-
tina sciet.

*Steriles legisset arenas, ut verum caneret,
& inersisset verum in pulvere Ammonis, Apol-
lo, si quod ad paucissimos pertinet, statuisset
pro unica necessarij victus regula. Melius vo-
biscum egit providentia, que sensum harumce
rerum judicem constituit.*

LXXVIII.

SIN vero nocturnæ potationis pondus in-
solitum, neque a robore concoctricis, neque
a corruptela die sequenti tollatur, locum
habent illa duo carmina.

Si nocturna tibi noceat potatio vini,
Hoc tu mane bibas iterum, & fuerit Medicina.

LXXIX.

Qui vino, & crapula assueverunt vix ea ca-
rere possunt; alioquin tremuli, debilitati, vix
pedibus valent insistere. Malum malo medetur.
Sed fera pœnitentia; insartilibus erugiantur
ebrio-

*ebriof, quos efficit solidorum vis effœta, vap-
pida liquorum indoles.*

LXXIX.

*Si salubre corporis pondus a cœna est du-
centarum librarum, corpus ob nimium coi-
tum factum minus salubre, erit centum no-
naginta octo librarum circiter; quia virtus
illa languidior impedit, ne duæ alimentorum
libræ possint saltem sine aliquo angore in
pondus salubre converti.*

*Difficile videtur experimentum universale
in tali casu constituere. Variat enim effectus
pro ætate, corporis conditione, viribus; ita
ut etiam aliquando sit salubris coitus, ut di-
cetur infra.*

LXXX.

*Craus facilis perspirationis facilius, &
longe minori angore refarcit vires coeun-
tium collapsas, quam difficilis, seu multi-
nutrimenti.*

*Viribus enim collapsis levia, & concoctu
facilia porrigenda sunt. Alia enim vires su-
perarent.*

LXXXI.

LXXXI.

MUSTUM aliquantulum turbidum, si in ventriculo coquatur, non solum perspirat, sed maxime juvat aliorum eduliorum perspirationem: hujusmodi virtutis sunt calida flatulenta.

Mustum enim, si fermentationem halitusosam in ventriculo non subeat, saponaceum leve suppeditat alimentum, cito diffusibile.

LXXXII.

CEPÆ, allium, caro vervecina, phasiani, maxime omnium succus Cyrenaicus juvat perspirationem eduliorum ægre perspirabilem.

Cepæ, allium, assa fætida, non perspirationem juvant, sed partibus volatilibus motum addunt sanguini, & robur cardiacum, quo languens aliquando promoveatur coctio. At carnes hic nominate agunt tantummodo, dum bonos suppeditant succos.

LXXXIII.

CIBUS valde paucus a ventre non amplectitur: inde non coquitur, non restaurat, non perspirat. Fit

Fit enim cito citius acris materia , quæ ad instaurandum insufficiens ; copię rapide moti sanguinis inæqualis , vix aliquem edit effectum .

LXXXIV.

PERSPIRATIO insensibilis est excrementum tertiæ coctionis : quare si non fiat prima , neque tertia fiet concoctio ; neque perspiratio .

LXXXV.

OB rigidam inediam , caput repletur , pulsant tempora , tenduntur hypochondria , brachiorum , & crurum lassitudo fit .

Caput impletur ex mala stomachi conditione , & morfu bilis acrioris reddita . Hinc erethismus , quo pulsant tempora . Deprimitur hepar ; hinc rigent hypochondria ; vires languent ; prosternitur ob putredinem , antea vorax appetitus ; fit inflammatio , cito in gangranam degener .

LXXXVI.

EXINANITIO a cibi pauxillo major , quam a pharmaco , quod movet quidem sensibilem , sed insensibilem evacuationem divertit .

P

Fa.

Fatendum est nihil fixi ab hac propositione in mente nasci, & herere; cum nulla sit proportio, nulla actionis paritas, inter dietæ genus austerum, & pharmaci operationem; quæ tantummodo dijudicari potest ab ejus vehementia, & corporis debilitate.

LXXXVII.

VENTRICULO in horis matutinis vacuo ob omissam cœnam, in pituitoso valde juvat edulium siccum, ut biscoctum.

Crediderunt enim veteres ab hac praxi absterberi, & destrui pituitam. Nobis satis sit, si constet, minorem ejus inde produci copiam, & sicciora constari principia.

LXXXVIII.

EDULIUM quatuor librarum circiter semel in die sumptum, si noceret; bis, vel ter ingestum juvaret. Plenitudo ventris evacuationem insensibilem divertit.

LXXXIX.

NEMO incidet in morbum, si sedulo prævideat, ne cruditatibus laboret.

Mul-

Multi sunt morborum fontes, qui nullatenus a cruditate pendent, licet nulli sint, qui eam non inducant.

XC.

SENES ter sumere cibum in die, ut Antiochus, tutius est, quam bis, vel semel: multum impedit perspirationem.

Dieta senum in Antiocho a Galeno expressa, in eo consistit, ut vires sustententur additione levi; non graventur, aut suffocentur onere.

XCI.

PISCES in cœna cur non sumebat Antiochus? Quia morantur perspirationem. A somno fit utilis perspiratio; qua feriata vires languescunt.

Quod de piscibus in genere pronuntiat Sane-florius nimis universale est. Sunt enim saxatiles vulgo dicti, levis nutrimenti; qui cito putrescant; adeoque brevi in debilibus concoquantur.

XCII.

SUCCI cucumeris frigiditas, & crassities

in venis conservatur: imo alii succi pravi, licet sint coctu faciles, prohibendo perspirationem, efficiunt malignas febres.

Succus cucumeris per se ad catharsim corpora disponit; inest enim ipsi vis illa. Sed ex ipsa sua doctrina, in altera propositionis parte errat auctor, noster. Necesse enim est, ut quod facile coquitur, facile perspiret.

XCIII.

CIBI corruptela cur efficit lassitudinem? Quia divertit perspirationem. Sed quomodo? Quia facit coeliacum. Sed cur coeliacus lassitudinem facit? Quia una cum excrementis exit aliquid primi cibi bene cocti.

Nulla est cibi corruptela, quæ non aliquam efficiat lassitudinem, eamque subitam, v. g. a vorato ovo putrido nascuntur illico languor, & nausea. Non oriuntur phenomena hæc a perspiratione impedita. Nam alacritatis defectus ille, ab afflatu putrido pendens, multo celerior est perspirationis vitio.

XCIV.

Si quis corpore defessq; eat cœnatum lautum; a somno statim carnes frigida, & lassitudines; a cœna tamen duodecim horis citius

citer emendantur omnia : quia, tunc coctio,
& perspiratio utilis fit.

*Pro defatigationis ratione languent vires
coctrices, cæteris proportionales. Illæ ubi so-
la quiete instauratæ fuerint, omnia reparan-
da fore, sperandum est.*

XCV.

CIBUS a violento exercitio nocet ; tum
quia illum non amplectitur corpus, tum
quia perspiratum divertit.

*Hinc avidissimum genus canum, si statim
a cursu violento edant, evomunt. Desunt vi-
res ; deest liquidum, masticationi, & coctioni
necessarium.*

XCVI.

Qui it cœnatum animo perturbato, longè
minus digerit, quam quietus, & lætus.

*Animi pathematibus, præsertim tristibus,
omnes coctiones præsternuntur, & turbantur.
Languet motus ; languet, & ipsa respiratio.
Spasmus tamen latet ; sed cor ipsum premit,
& ejus motum impedit.*

XCVII.

POTUS inter prandium, & cœnam nocet.
Sed si tantumdem minus in cœna potamus,
tollitur nocumentum.

*Quia dum fit coctio, novi liquidi proven-
tus vappidam efficit molem, & ordinem na-
turæ interturbat.*

XCVIII.

VOMITUS à cœna debilitat, quia amovet
alimentum; tum quia divertit perspiratio-
nem.

XCIX.

SEMEL, aut bis in mense facto excessu in
cibo, & potu, die sequenti licet sensibilibiter
non evacuet, minus solito perpendit.

C.

VICTUS uniformis caret beneficio illorum,
qui semel, vel bis in mense excedunt; ex-
pultrix enim a copia irritata excitat tantum
perspiratus, quantum sine statica nemo cre-
deret.

Maxime notandi sunt duo hi Aphorismi, qui præceptis vitæ uniformis aliquam dant exceptionem. Id jam prædixerat Hippocrates. Scilicet, excessu illo intra moderationis leges statuto, stimulus additur, qui residues fibras extimulet; adeoque nova actione quasi expurgat stagnantia, & herentia. Sed periculosum est, his ita credere, quasi profit peccasse. Intra moderationis metas excessus concludi debet; secus fusdeque verteret omnia.

CI.

IN frigido corpore mel juvat; quia nutrit, & perspirat. In calido nocet, quia bilefcit.

Mel, & saccharata omnia, non fermentescunt tantum, sed etiam rancescunt oleorum more. Cui mutationi calor spontaneus multum conducit.

CII.

NIHIL magis impedit perspirationem, quam potus, dum fit chylus.

Vide supra.

CIII.

JECUR, ob refrigerationem minus trahit
P 4 chy.

chylum; longe minus expellit perspirabile.

Per jecoris refrigerationem intelligebant veteres, virium coctricium debilitatem. Huc ergo illa refertur sententia; quo minus coquitur, eo minus perspiratur.

CIV.

IN homine sano alvus lubrica, vel sit vitiata coctione, vel chyli dispensatione ob prohibitam perspirationem.

Id est, vel ob defectum primæ coctionis; vel ob stimulum intestinales glandulas sollicitantem; vel ob retropulsum materie perspirabilis in intestinales glandulas.

CV.

BONÆ valetudinis pestis duplex: corpus ex toto tradere quieti; & comedere ante cibi præcedentis concoctionem.

Hippocratica hæc sententia totam comprehendit circa usum ciborum Hygieinam. Ut scilicet sint illi laboribus proportionales admodum; & ita disponatur eorum usus, ut dum secundæ coctioni vacat natura, a prima, seu stomachali superveniente, non occupetur, intrinsecusque.



SECTIO QUARTA.

*De Somno ad perspirationem
comparato.*



INTRODUCTIO.

VITA hominis, ut & cæterorum omnium animantium ex somno, & vigilia, ex motu, & quiete tota constituitur: quæ quidem corporis conditiones ita alternas vices servant, ut licet differri possint, & per aliquod tempus arceri, atque removeri, tamen iis per nimia intervalla carere corpus non possit. Somnus quidem, dono Divum serpens gratissimus, exhaustas corporis vires ita excipit, ut fatigatos insuperabili necessitate alliget, & vinciat, & sæpe intentatas mortis minas, & feralem bellorum tumultum exsuperet indomabilis. Infantibus recens natis fere perpetuus, cibos iis frequentes consequitur, ita ut eorum vita in duobus, hisce, ali, & dormire,

re, quasi tota consistat. Quo corpus magis increvit, eo etiam tardior ejus necessitas ingruit, ita tamen ut junioribus longiores obrepant somni, proslentur profundiores; ætate provectis leviores competant, & breviores, ipsaque senectus, *αγρυπνίος* Euripidi dicta, vix, nisi a recenti cibo rigidas altuente fibras, indormiat. Omnibus iis, qui laboribus vires exhaustere, qui membra duro labore confregere, somnus longior, placidior, profundior expectandus est. Hinc humiles pauperum casas non fastidit dulcissimus sopor, fugit contra otiosorum, & molli diffluentium luxu atria. Beatam illam animi placiditatem, qua dum corpus vires exercet, mens in seipsam bene conscia conquiescit, diligit præcipue, & sectatur somnus, exhorrescit, & deferit animi affectus turbulentos, irrequietos, & curas sub aureis laquearibus anxias; quippe misere occupata mens, tono spasmodico corpus inficit. Uno verbo, quo fuit intensior vigilia, eo etiam major somni necessitas ingruit, eo ab illo efficacior reparatio, nisi aliqua vigilæ causa vivax soporiferæ obsistat laxationi. Ut autem mechanicam somni rationem agendi valeamus mente comprehendere, phycosque ad calculum revocare effectus, observasse sufficiat, quænam ipsum comitentur phænomena, sive placido papavere nititantes indormientium oculos perfundat, sive alto sopore quietos deti-

detineat, five demum vigilia pulsus aufugiat.

Quemcumque longa vigilia, exercitiumque laborum constans ad somnos adigit, hunc intuere. Pénuria somni laborare deprehendes facile. Musculis globum oculorum stringentibus quasi laxatis, & justam pressionem renuentibus, perit oculorum nitor, & ipsi quasi errantes huc, & illuc versantur. Fatiscunt quodammodo faciei muscoli, nec juventæ suus nitor, nec formæ suum remanet allestamentum. Connivent palpebræ, nec nisi cum nixu, attolluntur, hebetatur ipsa mens, steriles sunt ideæ, ratiocinium imbellè, judicia incerta, methodus nulla. Brevi propendebit caput quasi delapsurum, crura labascent, extendentur artus digitis manuum leviter inflexis victo extensorum musculorum antagonismo; adest somnus, cui si nihil obset, brevi ille profundus evadet.

Tum vero præsertim in lecto commode compositis, oculi clausi, artus motuum, & sensuum obliti, quam tenere posituram servant, turget brevi cutis & quasi inflatur, roseo colore perfunduntur genæ, præsertim in infantibus, in iisque cutis turgidula remanet, quasi a protensis cutaneis vasculorum villis ros quidam per totum corpus obtenditur, rori illi fructuum ab arbore recens decerptorum æmulus. Respiratio in adultis alta, profunda, cum sonitu a laxatione veli palatini pendente, & simul rara observatur.

Tum

Tum pulsus tardus, æqualis sentitur, & calor uniformis, qui tamen tum ad sensum, tum ad thermometerum minor est illo, qui vigilantibus; & ad actionem promptis competit. Placida hæc scena plures per horas agitur, & si nulla vis externa inciderit tandem saturum somno corpus e sopore ad vigiliam reducitur. Scilicet fit in juvenibus præsertim levior somnus; & quasi vigilant inter, & soporem medius. Tum, velut diurnitate situs ejusdem delassatum foret corpus, posituram artuum mutat, oculi tandem lumen accipiunt, & si jubare ejus percussus sint, hiulci nictitant: Mens ipsa redit, hebes primum dein alacrior, artus variis motibus; sive pandiculationibus, ut ajunt scholæ, fingunt se ad exercendos motus, oscitationibus novum sibi robur conciliat respiratio, & quasi opprimentem molem discutit. Cito detumescit facies, laxiorque vestium compages constringi se postulat. Jam instauratus homo, & opus resumit, & ad illud aptus surgit. Sed multi per horam integram ad illud inhabiles restitant, si præsertim vi discussus fuerit sopor.

Senioribus, quibus minor somni necessitas inest, aridæ fibræ non intumescunt, & a somno in vigiliam facilius est transitus. Minus etiam pandiculationum est. oscitationum minus. Et notandum illud est ad causas, & effectus somni attendentibus, non deesse

se

se in sopore apoplectico, aut veterno lethargico, ubi levior est, oscitationes, atque pandiculationes, cæteraque somni naturalis phænomena: totaque sæpe in eo discrepantia consistit, quod ille somnus a causa morbosa inductus, vel vix, vel numquam in vigilias transeat, nisi auxiliis artis potentioribus, nec, nisi sublata causa, in pristinum statum revocetur corporis integritas.

Præterea suæ sunt somno horæ. Licet enim post octodecim, in adultis, aut circiter vigiliarum horas, sese somnus necessarium vi quadam admoneat, plures per dies protrahi potest vigiliarum intervallum, modo durioribus non delassetur corpus laboribus. Norunt id non sine ingenti defatigatione, quos bellorum fragor exercet, & a somno arcet præsens periculum, aut sopori prætium mori impositum: idem quotidiana magis experientia sentiunt illæ, quæ ægrotis assistunt mulieres. At si illos consulas, licet, & curæ anxietæ remordeant, & præsentis mortis periculum anceps vigilias commendet, ante solis ortum, cum jam nocturnum frigus, extincto omnino calore pridiano, & atmosphæræ fervore sævit acrius, jamque portas cæli pulsât aurora, tunc omnium mortalium vires labascunt, mox orto sole reficiendæ, & instaurandæ; tunc omnes æque urget brevis illa quidem, sed vix exsuperanda somni necessitas. Noctis enim tempora som-

somno dedicavit providentia.

Cæterum vero hic ingens est assuetudinis momentum. Nec ulla alia ex rebus non naturalibus hujus imperium adeo patitur, ac somnus. Vulgare est axioma, somnum a somno produci, vigiliam a vigiliis induci; & certe si te somno longiori dederis, torpore quodam diurno confictari eveniet, noctemque tanquam optatissimam metam; vix facile opperies. Profundior invadet somnus, & tandem dormiendi necessitas vertetur in habitum. Somnus corripiet nolentem, fies vigiliarum impatiens. Qui vero immodicis sese vexant vigiliis, his brevi vigilandi habitus somnos aufert, frustra postea quærendos, nisi ars novos induxerit habitus. Utrunque opposita metuenda esse discrimina ipsa ratio indicat. Deditos enim somno, omnia pati laxitatis, torporis, veterani pericula observatum est. Hos adipe pingui diffluere, & sæpe obrui videas. Qui contra sese vigiliis exercent, macilenti, aridi, oculis intra orbitam veluti inclusis, nitentibus, & siccis distinguuntur, & morbis omnibus inflammatoriis patent, aut melancholicis: hinc ut primos ingenio tardos, crassæque Bæotum minervæ lacrandos, ita alios contra nimiam ætuoſitatis impetu ferri, & immodica sensilitate præditos, nemo non sentit. Imo ut primi ad alimenta vulgo tardi sunt, & vix appetentès, ita alii voraces sunt, & ingenti
fa-

fame ad oblata quæcumque feruntur ; nisi tamen somni penuria a mærore pendeat , & tristioribus animi affectibus debeatur , qui , dum somnum impediunt , stomachum etiam subvertunt.

Ex hisce observatis universalibus primum est concludere , somnum sanitati quidem , imo , & vitæ prorsus necessarium esse , & ejus partem constituere ; duplicemque ejus esse in natura animali correlationem : alteram scilicet cum intensitate actionum , quæ vigiliam constituunt , alteram cum cibo , & potu . Ita ut multo fortius dormiat , qui vigilando plures motus exercuerit ; nec possit diu somno frui , qui vasa humectando , & chylaceo rore perfundendo non irrigaverit ; contra vero vix soporis papaveribus possit contra obistere , qui sese opplexerit cibo , & potu . Sunt vero aliunde in ipsa alimentari materia substantiæ , quæ somnum vi intus insita , vel maxime invitis concilient , de quibus hic agere ex proposito nostro esse non potest .

Porro ab hac evidentium effectuum observatione , physicos effectus eruere non arduum est , a quibus tot phænomena pendeant . Evidens enim est homini somnum ineunti laxari omnes artus , & cessare non actiones tantum , sed etiam facultatem ad actus quoscumque exercendos ; vitales motus perennare quidem , sed quasi resolutis omnibus aliis viribus , tónicoque motu cessante vasa hiare .

om-

omnia, & liquores vi cordis intrusos facilius excipere; hos ergo per ampliora expansari spatia, minoresque experiri resistentias a languente vasorum actione, placido musculorum otio, unde leni, tardo, æquabilique motu fluant liquida; sed simul deesse stimulos exsuscitandæ celeritati, deesse aut saltem imminutam esse admodum vim comprimentem, exprimentem, qua vis expulsiva major fiat, adeoque licet nullum sit somni in vires illas imperium, somni tamen effectibus languere illas defectu adminiculorum, si saltem eas ad vigiliæ statum contuleris. Hinc facilius est per somnum liquidioribus moleculis impleri vasa minima, illa vero patentiora iis turgere, eas excipere, adeoque pleraque nutritionis, & secretionis physicæ phænomena plenius, & rectius somni tempore adimpleri: quia æqualius omnia peraguntur. Tum vero, quæ facile causis impellentibus cedunt vasa, liquidis tardius motis impleri magis necesse est, unde fit, ut caput plus sanguine oppleatur, ut facies plus rubescat, & quæ molliora sunt ad cutem vasa, plus etiam ad aspectum sanguine evadant, rubicunda, aut lymphæ pellucente nitidiora. Secretiones ergo etiam per somni tempora interrumpuntur, præter illas tamen, quæ quasi sponte, e sanguine sibi relicto, defluunt, ut sunt sudor, si aqua intus exundet, adeps, si oleum vegetabile in chylo exuberet, imo & si

& si pori cutanei aquæ superabundanti exitum denegent, aqua in ipsas cellulas loco adipis diffundetur.

Inde etiam non difficile intelligitur, cur eo præcipue tempore somnus obrepit, quo chylus recens fibras perfundit rore novo, & penitus crudo. Liquor enim ille a pastu recens nondum illas dotes affecutus est, quibus & secretiones effingere novas possit, & spiritus viætos instaurare, & fibras tensione iusta exornare. At quem crudum sumpsit somnus reddit vigiliæ coctum, & nova nitidum iuventa, renascentibus aptum functionibus exercendis, & renovandis viribus. Hinc, quo leviores chylum sanguini concedimus, eo, & leviores carpimus somnos, citoque eos habebimus diffilabiles, si cito diffletur, & exhalet cibi efficacia. Hinc etiam cum vigilia in tensione, somnus in atonia consistat, certum tensionis spatium excipit somnus, sua renuens iis papavera, qui perpetua tensione anguntur, & divexantur, sive mordaces curæ tonum instaurent, sive eum renovent labores indefessi. Hinc etiam debiliores fibras videmus longioris somni spatia sibi vindicare, ut in junioribus, rigidæ vero senum fibræ, ut minoris tensionis capaces sunt, ita minimam experiuntur atoniam, minimeque somno indigent. Hinc etiam lassitudo ad somnum invitat, quem contra fugat otium. An vero relaxatio illa a compressione cerebri re-

que alimentorum necessitate viget, & fartam
tectam sese tuetur corporis animalis œcono-
mia, quo reciprocorum officiorum ordine
nullum est ex terrestribus animalibus cog-
nitum, quod non indigeat, quod, & ipse sum-
mus omnium rerum conditor firmo stabilivit
imperio, cum noctis, dieique vices æterno
fœdere composuit. Nocte enim, silentibus
omnibus, cessanteque mirando illo rerum
omnium spectaculo, ad somnos ipsa nos in-
vitât natura, ipsa atmosphæra sub noctis ini-
tia vaporibus per diurnum calorem quaquâ
versum diffusis effata, minus usibus nostris
apta fit. Hos nocturnum frigus addensans,
& agglomerans rursus in terræ gremium
reducit. Et ubi pura affulget aurora, tunc
aer lucidus, & levissimis tantum spiritibus
fatus, halitu salubri, & mire elastico, cor-
poris a quiete, & somno recentis molem per-
fundit, in ea infunditur intimius, & respi-
rationi, adeoque toto circuitui novas addit
vires, & calorem instaurat vitalem illum, &
actuosum. Forsan, & sera deteget ætas, quid
per purissimum aerem transvecti addant cor-
poribus nostris electrici, phosphorici, spiri-
tuosi subtilissimi, renascentis solis radii.
Quibus quidem maximi ad sanitatem mo-
menti beneficiis carent illi, qui contra na-
turæ leges stare ausi, noctu reliquias aeris
viæti, lucernis accensis aeris nativum elate-
rium cicurantibus, hauriunt imprudentes,

per æstum diurnum præpostere dormiunt, & vivificos auroræ radios, novæque atmosphæræ beneficos halitus male consulti fugiunt, concoctionique nocent, dum per æstum cruda proflant, sibi fieri satis autumantes, si tantundem per horas indormierint, & vapores hauserint, qualiscumque acris ad vires renovandas jam minus idonei. Id nostris mulierculis, & aulicis familiare vitium non minimam eorum sanitati labem inussit, Ex hisce hygiastica omnia circa somnum problemata solvuntur, omnia observata Hippocratica enodantur. Quorum quidem primum, & præcipuum in eo consistit, ut eas intelligamus naturas, quibus maxime necessarius est somnus. Relaxatione porro præcipue egent illæ, quæ nimia laborant tensione, seu vibratilitate maxima fatiscunt. Hæ per se, & magna indigent reparatione, & plurimum amittunt. Quos vero nimia laxitas adipè obruit, & veterno torpentes, otioque diffuentes sopor urget mentis, atque corporis, hos vigiliis vexare, hos onerare laboribus, curis premere, salutare est. Brevis ipsis somnus esse debet, quamquam aliter suadeat impotens ad labores natura. Rigentes tamen fibræ, & ipsa sua rigiditate inertes bene somno carent, ut seniles. Tensæ, & ipsa sua debilitate tensionem affectantes in faminis somno bene reparantur. Juvenibus plus somni concedatur, modo tamen medio-

diocritatem non excedat indulgentia . Si brevior fuerit somnus , omnes nimia tensionis effectus metuendi erunt , morbisque inflammatoriis patebit aditus . Tum coctio arida quidem , sed imperfecta vires non instaurabit , exhaurientur illæ , & ad phtisim per melancholiam tristissimam homo delabetur , si tamen deliria , furores , febres a melancholia mota ardentes , scenæ illi finem non afferant . At contra longior somnus , protracta coctione , acria evolvit , & in laxitate nimia putridam simul liquoribus indolem conciliat , *colliquescit* , *συνθίηται* ut verbis utar Hippocraticis , unde humorum congeries male aggesta , sensuum hebetudo , defatigatio ad levissimos motus , pulmonum , & variorum viscerum infarctus , ad miserrimum hydropem , inertium corpora obtusa , & languidula devolvunt . Proderit ergo mediocriter somno indulgisse , & præcipue ciborum concoctioni in somno concedendo attendere , quippe quæ eo plus somni sibi postulet , quo fuerit copiosior . Hinc patet , quam male sibi consulant , qui credunt somnum posse per ciborum copiam compensari . Id sæpe sedulitas præpostera artis male consultæ persuasit . Cum scilicet per vigilias ingens fiat exhalatio , credunt illi ciborum proventu uberrimo posse vigiliarum obtundi effectus . At sine somno nulla perfecta coctio . Unde non minus illi , qui credunt somno largius adhibito prandia


minus necessaria , quia minus per somnum exhalet, opposito errore , a vero aberrant . Somnus enim nisi cibis adhibitis non reparat ; & vigilia sine somno non bene concoquit . De quibus nemo ab Hippocrate , melius differuit Sanctorio, & sequaci dicam, aut ejus æquali Gortero . Hyeme tamen longiores somnos posse concedi ipsa noctium longitudo monet . Quo enim tempore frigescit atmosphaera , coctio longior, & difficilior est, ut, & cæteræ spontaneæ mutationes, & fermentationes omnes , de quibus , quantam cum coctione nostra servant analogiam , hujus loci non est expendere : satis fuerit advertisse ipsas etiam morbosas coctiones per hyemem tardius adventare , quod annotavit præcipue post Hippocratem, & Galenum noster Ballonius .

In genere tamen , quocumque tempore , quacumque ætate, præter puerilem ultra septem horas dormire nimium est, brevior verò somnus, quinque horis, instaurandis viribus vix sufficit . Hic tamen ingens assuetudinis habenda est ratio . Novique virum præstanti donatum sanitate, nec mediocribus deditum laboribus , qui quadragenario major vix a quindecimo ætatis anno plusquam quinque horas indormiit . Hic si longiori somno censuerit in ulgendum , seseque ipsi tradiderit imprudenter , totum per diem sequentem , veterno torpidus capitis dolore breves illas
ple-

plectit delicias. Nec omnino hic respuendum est Celsi consilium suadentis, nunc vigilias protrahere, nunc contra longius somno indulgere, ita ut reparetur natura, nec tamen habitum sibi necessarium inducat. Qui enim statis horis stertere didicit, is vel maxime prementibus officiis deturbari vix poterit, quin ad eandem horam stertat, & elanguescat miser, vixque, vel ad reformidati aspectum tyranni, non indormiat, aut saltem inurbanis oscitationibus, atque pandiculationibus torpidum exsuscitet circuitum. Sin minus labes ingens affuturæ perspirationi inuritur, quæ vix plurium dierum quiete reparari queat, ut docuit Sanctorius.

Mos est pluribus populis in habitum ductus, ut meridiano tempore, aliquas sibi horas somni concedant, quas nocti ut plurimum detrahunt. Imo fere omnes æstuantium locorum incolæ, quos sol anhelis afflat equis, urget ineluctabilis dormiendi necessitas, dum medios æstus accendit astrum directius, qua carere illos vetat, ardor tunc temporis, in atmosphæra exurens, omnimodam inducens ad actiones impotentiam. Hinc intercluso radiis solaribus aditu, per vapores aqueos refrigerato aere, otium sectantur, a quo in somnum delabi necesse est, si præsertim cibos sumperint, quibus concoquendis tota naturæ effatæ, & languentis vis, vix sufficit. Hunc morem iis detrahere si

velis, frustra ratione contra contendas. Et certe fervente illo calore corpora exurerentur, liquidissima omnia ante coctionis tempora avolarent, si non frænaret effectum caloris, frigus arte quæsitum, & molem liquidorum cohiberet placidior simul, & minus caloris ingenerans somnus; qui nocturna vigilia, vel potius matutina expergefactione rependitur. At borealibus populis inutilis est illa meridialis quies; nec illis, quibus sufficiunt nocturna somni tempora. Imo sæpe longior vigilia necessaria est torpentibus acri frigore, per quam vires auctæ exerceantur, & somno brevi postea coquatur, & distribuantur ea materies, quam tenuavit vigilia indeffessa; ita ut somno meridiano apud arentes calore populos minuatur vires vitæ, & earum impetus obtundatur, vigilia vero non interrupta apud boreales augeantur illæ, & intendantur, unde somnus coctionem inchoatam absolvat, sicque opposito mediorum usu natura eundem assequatur finem, in facienda coctione, & perspiratione æquabili, ad quam semper instituto maxime laudabili tendit, licet finem propositum semper obincommoda millena non assequatur.



DE SOMNO, ET VIGILIA.



SECTIO QUARTA.



APHORISMUS I.

SOMNUS placidus adeo favet perspirationi, ut septem horis quinquaginta unciaē cōsti perspirabilis in robustis sæpe exhalent.

Immoderata hæc perspiratio, quam una nocte fieri supponit Sanctorius, experimentis Keillianis, Gorterianis vero præcipue repugnat. Imo, & adversatur rationi; cum a somno motus quidem sanguinis equalior sit, sed lentior, & a sopore exsurgentis hominis vasa evidenter turgescant. Verisimile est matutinam cum nocturna perspiratione ab auctore nostro copulatas fuisse; imo, & illum utriusque

que

que simul sumpta extrema sumpſiſſe, quæ ad hanc copiam in noſtris ſaltem climatibus non aſcendit.

II.

DORMIENS ſeptem horarum ſpatio, occulte, ſalubriter, & ſine violentia, perſpirare ſolet duplo magis, quam vigilans.

Rem aliter ſe habere demonſtravit Corteſus, vir in his non minoris ponderis Sanctorio. Preparat quidem perſpirationem ſomnus, non facit. Quæ ſit a ſomno ſtatim perſpirationis ſuppreſſio, ea ob ſuppreſſi copiam, & retropulſi humoris, periculofa maxime.

III.

PERSPIRATIO dormientis, quæ cum multo ſudore fit, non eſt plenior, quacumque inſenſibili perſpiratione ſine ſudore.

In quo differat ſudor a perſpiratione, alibi ſatis dictum. Illa, a copia vel cruditate humoris orta, onus quidem detrahit, ſed vires non reficit. Ergo laſſitudinis potius ſenſum, quam alacritatis, & roboris inducit.

IV.

A ſomno nocturno corpus ſentitur minoris ponderis; tum ob vires auctas; tum ob exhalationem ſaltem trium librarum excrementorum.

Vires

Vires somno resarciuntur, & applicatio succi nutritii in vascula patula præcipue fit. Hinc robur, & alacritas, qua maxima concitetur perspiratio.

V.

SOMNUS inquietus impedire solet trientem solitæ perspirationis.

*Somnus inquietus fit non ab una causa. Fere omnes perspirationi nocent. Sed si ab inedia somnus inquietus sit, certe tum perspirationi non potest nocere. Aut si eam immi-
nuerit, naturæ potius utilis dicendus foret, quæ vacationem non postulat.*

VI.

IN somno placido, perspiratio aliquando major est, data temporis paritate, quam in exercitio violento.

*Mirum est quantum exercitium opportuno tempore sumptum perspirationem augeat. Unde quos somnus humectat, siccat exercitium. At si præpostere sumatur illud: dum cruda ad cutim defert, dum vires exhaurit, & re-
pationem earum impedit, nocet. Quod, somno coctionis organo perpetuo, non potest opprobrium obtrudi.*

VII.

**IN somno matutino, sed peracta prima
co-**

coctione, libra perspirabilium excrementorum horæ spatio; non peracta, nec quadrans exhalare solet.

Horas matutinas a somno perspirationi præcipue sacras observavit Sanctorius. Quam nunquam, nisi coctione peracta, utiliter, & copiose profluere, ratio ipsa indicat.

VIII.

QUÆ impediunt somnum, impediunt quoque perspirationem cocti perspirabilis.

IX.

SOMNI brevès fiunt ab acrimonia perspirabilis retenti. Perspirabile vero sæpe retinetur, quando natura aliis internis muneribus plus solito est occupata.

Quoties latet irritatio, somnus abest. Quoties natura molitur aliquid, latet irritatio. Hinc purgantia hora perspirationis sæpe adeo nocent.

X.

ACRIMONIA perspirabilis retenti, vel sæpissime petit caput, turbat somnum, & partium superiorum perspirationem divertit.

Sive a frigore pedum, sive a causa aliqua supprimatur perspiratio, illico nascitur coryza; illacrymant oculi. Sive quod stringatur facilius aëri patenti exposita membrana Schnei-
de.

deriana, siue quod partes aliunde expulsas calidior facile excipiat illa. Unde primum capiti, dein thoraci a suppressa perspiratione labe inpuritur.

XI.

Si quis a somno sentiat brachia dolentia, vel plus solito defatigata, significat corpus esse majoris ponderis, quam natura diu ferre possit.

Fractas, nec reparatas vires indicat spontaneus musculorum dolor, Humore vero grauari, signum est crudo, nec expulso, absentia aliarum causarum. Hinc perspirationis retentio, vel ante statere iudicium, in iustam suspicionem venit.

XII.

Qui dormiunt pedibus, ac coxis detectis, noctis spatio libra perspirabilis exhalare prohibetur.

Impressio enim in unum locum sensu vehementiori afficit, quam quæ in singula corporis puncta dispertitur. De quantitate suppressæ perspirationis, vide Gorterum in hunc locum.

XIII.

PERENNIS in lecto agitatio corporis magis agitatur, quam velox cursus: in motu enim currentis solum musculi infernarum partium cor-

corporis; in motu jacentis muscoli fere universi corporis moventur.

Imo aliquando ab hac volutatione luxationes, & subluxationes observantur. Aliunde adest irritans causa, quæ quietem non interrumpit tantum, sed motu perpetuo frangit. Unde non ab una causa agitatio ingens. Confer XC. Sectionis primæ.

XIV.

MAGIS prohibetur perspiratio in dormientibus ab austrina aura frigidiuscula, quam in vigilantibus ab ingenti frigore.

Quia quod patulum esse debuit, stringitur vehementer; & impressio fortis quaqua versum extenditur. Interea dormientibus fibrarum renixus, & reactio fere nulla; quæ in vigilia, tono vigente, impressioni externæ æqualis est.

XV.

SI somnus nocturnus minor solito sit, exhalatio cocti perspirabilis imminuitur; crudi vero augetur.

Placida, somno absente, abest concoctio: deest ergo perspiratio.

XVI.

A cibo facilis perspirationis corpora potius debilia, quam ponderosa, a cibo vero dif-

difficilis, debilia, & ponderosa fiunt.

Optima hæc sententia pendet a proportionem semper instituenda inter cibum, & vires. Nam cibus levior non nutrit, nec reficit cito exhalans. Cibus vero durior, si non concoquatur, gravat, nec nutrit.

XVII.

PERSPIRATIO a somno facta differt specie ab illa, quæ in vigilia. Prima est coctorum perspirabilem sine acrimonia, & cum virium levamine; secunda est crudorum, acris, violenta, & cum labore.

Costa perspiratio, excrementum tertie coctionis legitimum, puri sanguinis reliquias aufert secundum naturæ ordinem. Quæ sit semper, & omni tempore exhalatio, aquam, spiritus rectores, acidam, acrem proluviem sæpe aufert. Et nimia sæpe utiles tollit partes a sanguine.

XVIII.

DUPLO magis dormiens perspirat vigilante. Hinc illud famosum: duæ horæ quietis in vigilante perinde juvant, ac una somni.

Quies tum mentis, tum corporis ad aliquam somni speciem refertur, imo & somnum invitat. Hinc ipsi etsi non suppleat, tamen ejus vices aliquatenus explet. Qui enim non dormiunt, hoc exercitio defatigare nefas esto.

XIX.

XIX.

PERSPIRATIONEM insensibilem cursu septem horarum in dormiente, inveni in multis esse quadraginta unciarum circiter; in vigilante, viginti.

Id nullis experimentis congruere, præterquam in iis, quæ in aere Paduano facta sunt, alibi satis demonstratum.

XX.

QUI vacuo ventriculo ita cubitum, ea nocte tertiam partem minus solito more circiter perspirat.

Ut aliquid ex hoc experimento concludatur, scire necesse fuerit, quid a prandio crudi, aut cocti residuum fuerit intra corpus. Ita multis salubre est cœna caruisse, quæ cruda generaret. Inassuetis etiam cœna insolita plethoram facit, ut observavit Hippocrates.

XXI.

BILIOSIS, qui eunt cubitum stomacho omnino vacuo, venter, & caput implentur crudis, pulsant tempora, eliquantur carnes, tensiones vehementes circa brachia, & manus oriuntur. Excitatur aliquando morsus cordis, vertigines, & epilepsiæ; ut accidit Diodoro,

Biliofi minime jejunium ferunt. Iis ab inedia

dia nascitur irritatio, ab acrimonia non renouatorum humorum. Hinc ventriculi remordens vellicatio, & irritatio caput impetens. Hinc nervorum omnium constrictio. Ceterum, hanc ab Hippocrate, de prisca Medicina, mutuatus est sententiam auctor noster, cujus exemplum Galenus affert in Diodoro.

XXII.

A solito majori perspiratione, plenioris cœnæ usus semper somnum longiorem, & jucundiorē pollicetur.

Perspiratione pleniore facta, corpus ab omnibus quiescunt liberum, melius concoquit, plus appetit. Omnia vero novo humore impleta fatiscunt, & facile resolvuntur, donec coctio peracta fuerit, in puro corpore facilior,

XXIII.

PERSPIRATIO minor solito prænuntiat somnum inquietum, & noctem molestam.

Confer Aphor., V. & XV. hujus Sectionis.

XXIV.

Si a brevi, & implacido somno carnes frigidae inveniuntur, & inde febricula succedat; id in debilibus mortem; in robustis morbi longitudinem magna ex parte prænuntiat.

A Statu sano ad morbosum delabitur noster

R

au.

278 DE SOMNO, ET VIGILIA.

auctor. Et cum Hippocrate, frigus in acutis, tempore non opportuno apparens, mortem significare; in longis, morbi longitudinem indicare; recte post ipsum pronuntiat. Scilicet infirmato virium tenore, nihil aliud sperandum est.

XXV.

LECTI mutatione, somnus implacidus, & perspiratio minor fit: insolita enim licet meliora corpus, & animum lædunt.

Docet observatio rem esse veram; adeoque inde in perspiratione turbæ excitari debent.

XXVI.

MAGIS somniant in lecto insolito, quam in consueto jacentes.

XXVII.

QUI dormiunt, & non somniant, bene perspirant; & versa vice.

Scilicet debilior est, nec sine turbati animi pathematibus somnus, quem turbant insomnia.

XXVIII.

SOMNUS a cibo quatuor horis circiter est utilior: natura enim tunc minus est occupata prima concoctione, melius remittit, quod est amissum, & melius perspirationi favet.

Quant.

Quantumvis natura consona videatur regula ; & eo praesertim tempore vigeat coctio in vasis ; quae perspirationem parat ; tamen hic ingens consuetudinis habenda ratio. Multi sunt ; qui quatuor a cibo horis somnos carperé non possunt. Aliqui pleno ventriculo dormire nequeunt. Sua cuique laudetur praxis ; per nos licet.

XXIX.

Si a cœna quinque horis somno illico excitatum perpenderis , vix mediam libram ; si octo horis , tres libras perspirasse invenies .

Confer Aphor. VI. , & VII. hujus Sectionis : Licet quantitate perspirationis a Sanctorio recedamus , consentimus dogmate , modo non adhuc turgidus somno ponderetur , sed una , aut altera hora post somnum ; si praesertim aliquod intercesserit exercitium.

XXX.

SOMNO solito brevioré , semper aliquid perspirationis prohibetur ; quod , nisi sequentibus diebus plenioré perspiratione compensetur , imminet febris periculum.

Non in nocturnâ solum , sed in qualibet perspiratione fit crisis illa , juvante exercitio ; partem oneris suscipientibus urinis . Alioquin stagnaret inutile liquidum , & corrumperetur.

R 2

XXXI.

XXXIV.

CORPORA oscitatione , & pandiculatione horæ dimidiæ spatio magis perspirant , quam tribus horis alterius temporis .

Hi enim motus , cōtione tempore somni peracta , funguntur exercitj vice ; & vim expellentem a somno maxime necessariam adaugent . Quod experimentis Gorterianis mire concors est .

XXXV.

QUI ægris dant serapia , vel medicamenta horis optimæ perspirationis , quæ solet esse a somno duarum horarum spatio , lædunt ; horis vero sequentibus profunt .

Sensus est ; ad propinanda medicamenta irritantia quævis , expectandum esse tempus , quo natura occupari de perspiratione desierit . Alioquin turbabitur illa , nec poterit opus magni momenti absolvere . Serapia vero sunt medicamenta ex pulpa Orchides facta , acria , & tenuantia .

XXXVI.

IN paroxysmis pandiculationes , & oscitationes non significant caloris concentrationem , sed excretionem acrium copiosorum perspirabilium retentorum .

Non semper excretionem significant illa ,

quippe debilitati etiam familiaria sunt; sed nixum tantum laborantis naturæ, aliquando fœlicem, sæpe, ut in frigore febrili, infœlicem.

XXXVII.

HORA dormitionis meridianæ, cibato corpore, aliquando libram, aliquando selibram excrementorum occulte perspirabilium excernere solet: libram, si aliquid perspirationis hesternæ diei retentum sit; selibram, si nihil.

Somno meridiano assueti eo vix carere salubriter possunt. Hinc iis externa residua tollit ille, coctionem accelerat. Si inassueti somnum insolitum carpant, evigilantibus lingua aret, & mucosa est; caput gravatur; languet concoctio, unde etiam languere debet perspiratio. Confer experimenta Gorteriana.

XXXVIII.

Si aliquid hesternæ perspirationis sit retentum, & per somnum meridianum illud omnino non excernatur, statim a somno perferentitur magnum capitis pondus, magnusque dolor gravativus.

XXXIX.

Si quatuor horis a somni initio cibus corrumpatur, statim hæc duo mala se invicem consequentia contingunt: prohibita perspiratio, & vigilia.

Corrumpitur cibus, vel ob copiam, vel ob putridam indolem. Hinc coctio prava; hinc vitiosa perspiratio. Crudi sudores exeunt; & somnum excipit defatigatio, atque vellicatio vigilias inducens.

XL.

NULLA causa, sæpius somnum interturbat, quam ciborum corruptela: id efficit, quæ est inter stomachum, & cerebrum sympathia.

Quæcumque sit, quæ turbatur functio, tollitur sensus æquilibris. Somnus placiditatem amittit; ut vigilia alacritatem.

XLI.

SOMNUS hyeme utilior, quam æstate; non quia ventres sunt calidiores, vel somni longissimi; sed quia ante diluculum corpora sunt actu calidiora, & ut talia maxime perspirant; æstate vero frigidiora.

Gratior hyeme somnus, sub æquabili calore stragulorum, perspirationi melius favente, quia ad coctionem requiritur calor ille; quem tollit, ambiens atmosfera, perfecta coctioni, & vacationi nocens importuno frigore.

XLII.

A somno discursus puritas, & corporis agilitas significant corpus illa nocte ad minus tres libras magna ex parte perspirasse.

Vide alibi passim.

XLIII.

A somno meridiano capitis levitas indicat nihil perspirationis hesternæ diei fuisse retentum,

Vide Aphorismum XXXVII,

XLIV.

SOMNUS externas, & internas partes universas humectat; quia attenuat perspirabile, & valde attenuatum per omnia membra illud dispensat.

Per somnum, hiantibus vasis vel minimis, languente tonica vasorum actione; fit ut circuitus, sic cæctionis æquabilitas; nec vi intruduntur partes coctæ, sed solius naturæ jussu distribuuntur. Hinc ingens ad perspirabilitatem dispositio potius, quam hujus expulsio. Quæ Gorteriana theoria hic ex Sanctorii observatis recte deducitur.

XLV.

VIGILIA movet a centro ad circumferentiam sanguinem, qui est minus præparatus ad perspirationem, quam in somno correptis,

Vera erit sententia, si de motu in universum aucto res intelligatur. Unde sæpe vi, & impetu in vigilantibus administrantur omnia,
quæ

que per somnum lentius, & ad naturam normam fiunt,

XLVI.

SOMNO concentrantur humores; unitur calor influens innato; aufertur sitis, nisi prædominetur bilis; fit conversio sanguinis in secundas humiditates, & corpora leviora fiunt.

Actio somni ad perficiendam coctionem, hic describitur, ex theoria tunc in scholis recepta. Pendens vero effectus somni a vasorum laxatione, ab actionis imminutione, calore pariter minori. Unde coctio non celerior, sed perfectior vires instaurat.

XLVII.

SOMNO animales; vigilia vitales, & naturales languescunt,

XLVIII.

VIGILIA animales roborantur, vitales, & naturales languescunt,

Animales functiones per somnum feriantur. Vitales, & naturales perseverant; lentius peraguntur, & æquabilius: Sed ideo per vigiliam languescere dici non possunt, nisi accesserit causa accidentalis. Languere potius per somnum dici possent ob tarditatem motuum quorumcumque. Hinc per somnum febris miscescit.

XLIX.

XLIX.

PER somnum magis interiora incalescunt, ipsaque magis leviora fiunt. Per vigiliam magis exteriora incalescunt, ipsaque magis levia fiunt.

Æquabilis semper calor in universo corpore ut detexit Georg. Martini thermometrum; Confirmavimus ipsi pluribus experimentis cum aliqua tamen exceptione hic non exponenda. Minus vero caloris producant dormientes, ex Gortero, & rei observatione accurata. At certe plus actionis inest somni tempore in visceribus, quam in artubus. Quod antiqui calere vocabant.

L.

PER nimium somnum interiora, & exteriora frigescent; humores impinguntur, redduntur imperspirabiles; & corpora ponderosiora fiunt.

Aphorismo isto ex observatione Hippocratica desumpto, recte intelliguntur laxationis nimis assidue, quæ somnum comitatur, effectus. Nam vigilia somni vices non excipiente, nec arriguntur sensiles fibrae, nec tonicam concipiunt actionem. Unde nec attenuatio principiorum, nec addensatio partium inter se fieri potest. Languent ergo omnia, & ad cachexiam sponte devolvuntur.

LI.

LI.

CORPORA biliosa per nimium somnum valde læduntur; non quia excrementa tertiæ coctionis fiunt imperspirabilia, sed quia fiunt mordacissima, feriuntque deinde caput, & alia viscera.

Somno nimio, laxationeque vasorum nimia, spissescit stagnans bilis; & corruptioni acri, ad quam prona est, addit inertiam acidam. Unde fit bilis viridescens, porracea, atra, melancholia, & herpetum pessimarum, mater; aut si febrem accendat, morborum vehementissimorum feralis genitrix.

LII.

IN dormientibus stragulis detectis magis impeditur perspiratio, quam in vigilantibus vestibus denudatis; tum ob quietem dormientium; tum quia calor externarum partium refugit ad intra.

Modo tamen aer non sit præservidus, in quo vestes stragule gravant, & nocent. At in aere variabili pessima mala a denudatione dormientium pendent. Corporum enim jam minus calidorum superficies tacta frigore quasi cogitur, & cruda accumulatur. Hinc convulsiones, contracturæ artuum, articulorum dolores, colici dolores, paralyses. Noctes frigide in calidis regionibus quantum noceant, docuere,

Tur-

278 DE SOMNO, ET VIGILIA.

auctor. Et cum Hippocrate, frigus in acutis, tempore non opportuno apparens, mortem significare; in longis, morbi longitudinem indicare, recte post ipsum pronuntiat. Scilicet infirmato virium tenore, nihil aliud sperandum est.

XXV.

LECTI mutatione, somnus implacidas, & perspiratio minor fit: insolita enim licet meliora corpus, & animum lædunt.

Docet observatio rem esse veram; adeoque inde in perspiratione turbæ excitari debent.

XXVI.

MAGIS somniant in lecto insolito, quam in consueto jacentes.

XXVII.

QUI dormiunt, & non somniant, bene perspirant; & versa vice.

Scilicet debiliior est, nec sine turbati animi pathematibus somnus, quem turbant insomnia.

XXVIII.

SOMNUS a cibo quatuor horis circiter est utilior: natura enim tunc minus est occupata prima concoctione, melius remittit, quod est amissum, & melius perspirationi favet.

Quantumvis naturæ consona videatur regula ; & eo præsertim tempore vigeat cōctio in vasis, quæ perspirationem parat ; tamen hic ingens consuetudinis habenda ratio. Multi sunt, qui quatuor a cibo horis somnos capere non possunt. Aliqui pleno ventriculo dormire nequeunt. Sua cuique laudetur praxis ; per nos licet.

XXIX.

Si a cœna quinque horis somno illico excitatum perpenderis, vix mediam libram ; si octo horis, tres libras perspirasse invenies.

Confer Aphor. VI., & VII. hujus Sectionis : Licet quantitate perspirationis a Sancto-rio recedamus ; consentimus dogmate, modo non adhuc turgidus somno ponderetur, sed una, aut altera hora post somnum ; si præsertim aliquod intercesserit exercitium.

XXX.

SOMNO solito breviorē, semper aliquid perspirationis prohibetur ; quod, nisi sequentibus diebus pleniorē perspiratione compensetur, imminet febris periculum.

Non in nocturnā solum, sed in qualibet perspiratione fit crisis illa ; juvante exercitio ; partem oneris suscipientibus urinis. Alioqui stagnaret inutile liquidum, & corrumpetur.

XXXIV.

CORPORA oscitatione, & pandiculatione horæ dimidiæ spatio magis perspirant, quam tribus horis alterius temporis.

Hi enim motus, coctione tempore somni peracta, funguntur exercitii vice; & vim expellentem a somno maxime necessariam adaugent. Quod experimentis Gorterianis mire concors est.

XXXV.

QUI ægris dant serapia, vel medicamenta horis optimæ perspirationis, quæ solet esse a somno duarum horarum spatio, lædunt; horis vero sequentibus profunt.

Sensus est; ad propinanda medicamenta irritantia quævis, expectandum esse tempus, quo natura occupari de perspiratione desierit. Alioquin turbabitur illa, nec poterit opus magni momenti absolvere. Serapia vero sunt medicamenta ex pulpa Orchides facta, acrida, & tenuantia.

XXXVI.

IN paroxysmis pandiculationes, & oscitationes non significant caloris concentrationem, sed excretionem acrium copiosorum perspirabilem retentorum.

Non semper excretionem significant illa,

R 3

quip-

quippe debilitati etiam familiaria sunt; sed nixum tantum laborantis naturæ, aliquando fœlicem, sæpe, ut in frigore febrili, infœlicem.

XXXVII.

HORA dormitionis meridianæ, cibato corpore, aliquando libram, aliquando felibram excrementorum occulte perspirabilium excernere solet: libram, si aliquid perspirationis hesternæ diei retentum sit; felibram, si nihil.

Somno meridiano assueti eo vix carere salubriter possunt. Hinc iis externa residua tollit ille, coctionem accelerat. Si inassueti somnum insolitum carpant, evigilantibus lingua aret, & mucosa est; caput gravatur; languet concoctio, unde etiam languere debet perspiratio. Confer experimenta Gorteriana.

XXXVIII.

Si aliquid hesternæ perspirationis sit retentum, & per somnum meridianum illud omnino non excernatur, statim a somno persentitur magnum capitis pondus, magnusque dolor gravativus.

XXXIX.

Si quatuor horis a somni initio cibus corrumpatur, statim hæc duo mala se invicem consequentia contingunt: prohibita perspiratio, & vigilia.

Corrumpitur cibus, vel ob copiam, vel ob putridam indolem. Hinc coctio prava; hinc vitiosa perspiratio. Crudi sudores exeunt; & somnum excipit defatigatio, atque vellicatio vigilias inducens.

XL.

NULLA causa sæpius somnum interturbat, quam ciborum corruptela: id efficit, quæ est inter stomachum, & cerebrum sympathia.

Quæcumque sit, quæ turbatur functio, tollitur sensus æquilibris. Somnus placiditatem amittit; ut vigilia alacritatem.

XLI.

SOMNUS hyeme utilior, quam æstate; non quia ventres sunt calidiores, vel somni longissimi; sed quia ante diluculum corpora sunt actu calidiora, & ut talia maxime perspirant; æstate vero frigidiora.

Gratior hyeme somnus, sub æquabili calore stragulorum, perspirationi melius favente, quia ad coctionem requiritur calor ille; quem tollit, ambiens atmosphaera, perfecta coctioni, & vacationi nocens importuno frigore.

XLII.

A somno discursus puritas, & corporis agilitas significant corpus illa nocte ad minus tres libras magna ex parte perspirasse.

Vide alibi passim.

XLIII.

A somno meridiano capitis levitas indicat nihil perspirationis hesternæ dici fuisse retentum,

Vide Aphorismum XXXVII,

XLIV.

SOMNUS externas, & internas partes universas humectat; quia attenuat perspirabile, & valde attenuatum per omnia membra illud dispensat.

Per somnum, hiantibus vasis vel minutis, languente tonica vasorum actione; fit ut circuitus, sic coctionis æquabilitas; nec vi intruduntur partes coctæ, sed solius naturæ jussu distribuuntur. Hinc ingens ad perspirabilitatem dispositio potius, quam hujus expulsio. Quæ Gorteriana theoria hic ex Sanctorii observatis recte deducitur.

XLV.

VIGILIA movet a centro ad circumferentiam sanguinem; qui est minus præparatus ad perspirationem, quam in somno correptis.

Vera erit sententia, si de motu in universum aucto res intelligatur. Unde sæpe vi, & impetu in vigilantibus administrantur omnia,
quæ

que per somnum lentius, & ad natura normam fiunt.

XLVI.

SOMNO concentrantur humores; unitur calor influens innato; aufertur fitis, nisi predominetur bilis; fit conversio sanguinis in secundas humiditates, & corpora leviora fiunt.

Actio somni ad perficiendam coctionem, hic describitur, ex theoria tunc in scholis recepta. Pendent vero effectus somni a vasorum laxatione, ab actionis imminutione, calore pariter minori. Unde coctio non celerior, sed perfectior vires instaurat.

XLVII.

SOMNO animales; vigilia vitales, & naturales languescunt.

XLVIII.

VIGILIA animales roborantur, vitales, & naturales languescunt.

Animales functiones per somnum feriantur. Vitales, & naturales perseverant; lentius peraguntur, & equabilius; Sed ideo per vigiliam languescere dici non possunt, nisi accesserit causa accidentalis. Languere potius per somnum dici possent ob tarditatem motuum quorumcumque. Hinc per somnum febris miscescit,

XLIX.

LI.

CORPORA biliosa per nimium somnum valde læduntur; non quia excrementa tertiæ coctionis fiunt imperspirabilia, sed quia fiunt mordacissima, feriuntque deinde caput, & alia viscera.

Somno nimio, laxationeque vasorum nimia, spissescit stagnans bilis; & corruptioni acri, ad quam prona est, addit inertiam acidam. Unde fit bilis viridescens, porracea, atra, melancholicæ, & herpetum pessimarum, mater; aut si febrem accendat, morborum vehementissimorum feralis genitrix.

LII.

IN dormientibus stragulis detectis magis impeditur perspiratio, quam in vigilantibus vestibus denudatis; tum ob quietem dormientium; tum quia calor externarum partium refugit ad intra.

Modo tamen aer non sit præservidus, in quo vestes stragule gravant, & nocent. At in aere variabili pessima mala a denudatione dormientium pendent. Corporum enim jam minus calidorum superficies tacta frigore quasi cogitur, & cruda accumulatur. Hinc convulsiones, contracturæ artuum, articulorum dolores, colici dolores, paralyses. Noctes frigide in calidis regionibus quantum noceant, docuere,

Tur-

*Turnesfortius, de Armenia, Piso, de Brasilia,
Pontius, de Indiis Orientalibus,*

LIII.

INSOLITA vigilia reddit corpora primis diebus ponderosiora, & debiliora: ponderosiora, quia post evacuationem excrementorum perspirabilium relinquitur crudus succus per se, & per accidens ponderosus; debiliora quia ubi est cruditas, ibi non fit conversio, & per consequens virtutes languescunt.

Necessariae sunt tum somni, tum vigiliæ vices: Somno deficiente fibræ fatigantur, vires fatiscunt, imo & ipsa coctio deficit. Sed præsertim acres fiunt humores ob circuitus vim nunquam somno frenatam. Collabuntur omnia summa cum acrimonia.

LIV.

Si somnus post vigiliam immoderatam fuerit septem horarum, perspiratio erit major consueta ad libram circiter.

Aphorismus verissimus; licet enim tanta perspirationis copia nunquam effluat, tamen viribus reparatis, & humoribus per actionem immòdicam tenuatis erit maxima.

LV.

VIGILIÆ perseverantes reddunt corpora minus ponderosa, non ab maiorem perspirationem,

nem, vel evacuationem sensibilem; sed quia quantum amittitur pinguedinis, & carnis, tantum non remittitur.

Minus ponderosa erunt ad stateram corpora vigilantium nimis, licet ad sensum graviora, quia non instaurantur vires. Si vigiliae assueverit se ipsum homo, corpus erit, & ad sensum, & ad stateram levius, modo tamen ab hac assuetudine viribus non detrahatur. Sed etiam in illo, qui vigiliis assueverit, si causa accesserit debilitans, fatiscunt vires facillime; quia destituuntur fibrae flexibilitate illa, quam somnus ipsis conciliat.

LVI.

HORIS matutinis corpus est, & sentitur minus grave: est, quia per somnum præcedentem tres librae excrementorum perspirabilem exhalaverunt: sentitur, tum quia est levius; tum quia per coctionem ciborum facile perspirabilem auctæ sunt vires.

Commentario non eget ex prædictis sententia hæc.

LVII.

CORPUS vigilia insolita reddi potest majoris ponderis, si cibus, quo alitur, sit perspirationi ineptus.

Si nempe copia cibi sese quis ingurgitaverit, vel durius alimentum vinci se renuat.

Vi-

Vigilia ad attenuandum efficax, illud non subiget. Remanebit pondus insuperabile.

LVIII.

TAM copiosa est corporis exhalatio in dormientibus, ut non solum ægri cum fanis cubantes, sed sani inter se bonas, vel malas dispositiones sibi ipsis invicem communicent.

Res observatione comprobata, ab hiatu majori vasorum per somnum pendet, & æquali caloris ambitu, simulque utriusque atmospheræ proxima communicatione.

LIX.

A cibo somnus, a somno coctio, a coctione utilis perspiratio.

An statim a cibo somnus? Res ab assuetudine computanda. Quatuor horas post cibum alibi requisivit Sanctorius: sed nimia certe distantia, cum jam in plerisque summopere inchoata fuerit concoctio. Generatim tamen statim a cibo somnus, laxatis vasis crudum chylum sufficit, quo caput impletur, coryza exoritur, & cruditas nimia in vasa fertur, quæ majoribus egent viribus, ut subigant materiem magis resistentem.

LX.

DIACYDONIUM non statim a cœna, sed post

post primum somnum e x citat somnum, dum modo non superbibatur .

Diacydonium ; ut omnia stomachica pleno ventriculo ceteris miscentur alimentis , adeoque minus actionis exerunt .

LXI.

DIACYDONIUM cum cinnamomo roborat stomachum ; roborato semper somnus fit .

Quod roborato stomacho semper somnus fiat, nec ratio ; nec observatio evincunt .

LXII.

MODICUM vini generosi , & allium conciliant somnum , & perspirationem : si vero plus justo sumatur, utrumque prohibent . Perspirabile tamen in sudorem convertunt .

Acre quodcumque modice sumptum actionem ventriculi titillando excitat , si sumatur immodice , irritat , & erethisnum concitat coctioni adversum . Sudores tamen ; tum concitando sanguinis motum , tum principia tenuando, ut plurimum prolicit .

LXIII.

ILLE vere longævus , qui quotidie bene concoquit , & digerit . Coctio fit somno , & quiete ; digestio , vigilia , & exercitio .

Id est , corpus, quæ naturæ congrua sunt si-

bi

292 DE SOMNO, ET VIGILIA.

bi applicat concoctione; excrementa vero digesta expellit. Quoniam saepe alterutrum vocabulum pro alterutro usurpetur.

LXIV.

LASSITUDO a somno, si solito exercitio tollitur, defectus erit in digestionem, non in concoctionem.

Sensus est; hærebant in ultimo vasorum ordine, meandrisque capillaribus excrementa ad excretionem imparia; per circuitum vacuantur illa: tollitur lassitudo vitii seminum; quod non adeo facile fuisset evincere, si orta fuisset a cruditate lassitudo illa. Id sequenti exponit Aphorismo.

LXV.

DUM a somno surgimus, cum solito pondere, sed cum majori lassitudine, hæc, nisi solito exercitio tollatur, cruditatum cumulum, cibi corruptelam, vel nimium coitum significat.

LXVI.

SOMNUS meridianus insolitus viscera omnia lædit, hebetatque perspirationem.

LXVII.

LASSITUDO post somnum tollitur iis, quæ facilem perspirationem reddunt: hæc sunt, jejunium, exercitium, vigilia, & ira.

• *Jeju-*

Jejunio copia tollitur; aliis motus intenditur sanguinis. Inter quæ iram numerare piaculum sit; quæ motum quidem incitat, sed abnormem, & spasmo cordis semper junctum.

LXVIII.

SOMNUS strato, & laxo corpore nocet; contracto juvat. Viscera unita coctionem habent facilem; laxa difficilem.

Positio corporis quævis, ubi familiaris est, & assueta vix nocet. Hanc etiam inviti affectamus, Dormientibus præcepta scribere inutile est.

LXIX.

SANIS, si a somno sudor frigidiusculus accidat, minus justo perspirant; & temporis cursu si idem accidat, fiunt podagrici.

Sudare a somno, coctionis minus perfecta signum est; frigere, debilitatis. Porro iis, qui debiles sunt, nec sobrii, superflua cruda exundare necesse est. Hoc est ex podagræ elementis unum.

LXX.

A nimio somno, & nimio meri potu suffe-

S

fe.

focantur vires; a nimia vigilia, & exercitio resolvuntur. Hæc omnia coctionem diminuant; & diminuta cessat utilis perspiratio.

Hinc certum illud Hygieines axioma, ne quid nimis, Ne hinc, obruantur superfluis vires; illinc, elanguescant orbe necessariis, Quo in duplici, & opposito casu, coctio, ut & reliquæ functiones ex ordine non possunt fieri.





SECTIO QUINTA.

*De Exercitio ad Perspirationem
Comparato.*



INTRODUCTIO.

EXERCITIUM, imo & labores ad sanitatem corporum animalium, ita comparatos esse, ut quasi a natura imperari potius, quam suaderi videantur, nemo non sentit. Licet enim intus instructum sit viribus ex ipso suo penu nascentibus corpus animale, quibus & alimenta concoqui, & superflua possint expelli; mirum tamen est, quantum ab externi motus stimulis, vires illæ intenduntur, augeantur, extollantur. Imo si liceret hunc sibi hominem mere mechanicum fingere, qui vita animali contentus, vix alicui externo motui sese daret, & spiritus instar iners tor-

S 2

pe-

peret, dubitandi locus relinqueretur, an non etiam in summa sobrietate, brevi obrutus corporea sarcina concideret ille somnolentus, & impar vel ad levissimam functionem obeundam. Mens ipsa hebesceret, corporisque piacula, pravi instigatrix consilii, propria rependeret lue, & ingentes ausus imbecillo corpore non valeret concipere, aut capescere. Hinc jure exercitium inter necessaria reponitur, & numeratur, & quoniam per exercitia, motusque vel saluberrimos, semper aliquid de corpore deteritur, quod denuo apponendum est; proportionalem fieri additionem detractioni necesse est. Vigebit ergo in æternum regula Hippocratica, qua cibos laboribus proportionem mutua sibi respondere necesse est. Verum in illo vitæ instituto, quod sibi varii homines eligunt, vel quod fors illis objicit, tanta reperitur diversitas, tanta est limitum, intes quos vivit humanum genus, de quo solo sollicitos esse nos decet, distantia, ut victus rationi, quæ inter exercitatos, & otio deditos inesse debet, assignare limites artis sit difficilis opus, & periculosa.

Alii enim duro membra labore conficiunt. Nec moram, nec requiem finit, aut inexsuperabilis necessitas, aut cupiditas inexhausta. Alii contra famineum in morem, indormiunt otio turpi, & vix ad maxima rerum momenta commoventur, Hos videas languidulos,

los, anhelantes ad minimum motum, sagina turgidos, & diffuentes aqua; illos contra aridos, siccos, alacres, famem, sitim tolerantes, & facile omnia prætervidentes incommodorum genera. Nec diversitas ciborum minor. Qui enim exercentur, hi molem alimentorum vix reformidant; eam nutritioni aptam viribus adscititiis efficiunt; & expulsiōni superflui gnaviter invigilant; unde tenuissima excrementa ingenerant, crassa vero pauciora. Sed ut his sufficiat moles cibaria, debet illa ex mere nutritiis particulis conflare. Si enim offeratur volumen ingens partium nutritioni minus aptarum, inflatur quidem venter, sed non refarciuntur vires, gravantur illæ contra, & pondus excrementorum naturam premit. Si contra e levioris materia selecti fuerint cibi, tum reparandis viribus inepta, & cito diffilabilis aderit materies.

Qui contra otiosi sunt, vix cibos appetunt. Ipsis vel minimum, vel levissimum edulium vertitur in pondus, & crassiorum fecum nomine per alvum pars maxima defecit. Iis nec somni faciles, nec alacris reparatio, nec concoctio placida, nec succorum distributio æquabilis, nec perspiratio libera. Sed a dubia surgentibus cæna anhelitus, gravamen capitis, artuum defatigatio, frigus incertum æstui remixtum; tum etiam urinarum turbida excretio, sudorque in cute fri-

gidiuscula ad tactum viscosus, infirmitatis interpres, præterea pallentibus oculis, languidulisque genis, tumor quidam imbellis inertis vitæ, undequaque apparet.

Patet igitur sanitatem hinc, inde vero malorum omnium semina contineri. Verum, notante Hippocrate, suum est etiam nimio exercitio periculum. Qui vero nimio opere exercentur, hos vel laboris amor indefessus motu conficit, vel a placido, tranquilliori-que vitæ genere ad exercitia insolita necessitas adëgit.

Prioribus firmiora latera, vires vix exhauriendæ laboribus, validissimis pares oneribus ferendis; hæc adsunt commoda. Verum quasi in summa vitæ intensitate gliscit rigiditas ante diem, & fibris durioribus senectus anticipata vitæ summam imminuit. Hinc rusticos ante ætatem incurvos rugas ostentare videbis, dum servata probe urbanorum, & divitum corpora longe diutius juvenilem præferunt faciem. Hanc quidem hi frequentibus rependunt incommodis, præsertim laborum intolerantia; & mille sequuntur malorum nervorum larvæ. Contundit articulos justissima podagra. Mucosi insiliunt morbi. Cachexia demit actionem, & pulmones fatigat anhelitu. Mors ipsa demum florentes ætate invadens, senilia suppressit accidentia. Adde, quod dies nulla malis eximatur. Causa enim
levis

levis graves infert affectus. Contra exercitio dediti stant ad omnia immoti. Spectant oculo irretorto pericula, quæ vix ipsos attingunt. Hinc nunquam causa levis ipsis morbos infert, sed grave est quodcumque tantam vim obtinet, ut febrile ipsis accersat incendium. Unde Hippocrates dixisse jure videtur, ipsos quidem sanos vivere, sed difficulter a morbis emergere, quos ipsis aliunde raros pronuntiat.

At quos e placidiore vitæ statu deturbatos insolitum vexat exercitium, hos multa pati aliis ignota necesse est. Ipsum iis exercitium pro febre est. Quod, si humoribus perspirabilibus ad exitum paratis fiat, quamdam depurationem illico producit. Hinc adeo salubre aliquando apparuit insolitum litteratis exercitium, quod languidis famem excitavit, & alacritatem, atque robur instaurare visum est, sine ulla, quæ sensus feriat, vacuatione. Multis, sed debilioribus illis, inopinum exercitium aliquando urinas exscivit copiosas, albas, turbidas. Scilicet illis non ea vis inerat, ut possent ad tenuitatem summam superflua evehere. Imo & aliquando hærentem bilem, & scybala morantia commovit, dum secretiones omnes augentur. At eos, quibus effectus ille competit, summa urgebat debilitas, ut pote quæ nec urinæ eliciendæ, nec perspirationi pellendæ aptos homunciones demonstrat, vix ab ali-

mentis aliquid in suos usus vertere valentes, dum massa ciborum iners intra intestina residem materiem spontaneæ corruptioni obicit. Verum multo familiare magis est, statim ab exercitio, pro mediocritate nostra immoderato, febre corripitur, quæ, si quies succedat, ephemera brevi deservit, & novam ab exercitio conciliatam liquoribus acredinem depurat; sicque res in pristinum statum restituit. Quid enim! Nova, & insolita violentia cor agitatum, novaque rapiditate cruor impulsus, stagnantibus motum, morantibus rapiditatem indidit, unde principiorum evolutio nova, novos sensus produxit; novaque depurationis copia, & forma nasci debuere.

Verum si jam motu illo ingenti concitata natura novos concipiat stimulos, jam omnes prædicti circuitus effectus, motus, compressio, frictus, principiorum attenuatio, summopere augebuntur, aderuntque febris inflammatoriæ præludia. Febris hæc sæpe in iis, qui sagina diffluunt, attenuatis crassioribus adipis principiis stagnantia illa principia e vegetantium oleis concreta, & in cellulas adiposas deposita, per sanguineum rapit alveum, ibique & rubras partes, & bilioso-oleosas ingenerat. Hinc ipso in medio febris sævientis incendio, urinis prærubris, & flammeis, attolluntur hypocondria, turpique flavedine dehonestatur vultus, ingenti ægri discrimine. Nec nisi post varios rerum casus, per copiosum alvinæ bilis fluxum termina-

minatur salubriter febris a præpostero, & insolito concitata exercitio, nisi, miserrima forte, tristis metastasis sarcinam hanc humorum in partem nobiliorem deposuerit.

Satis inde intelligitur, qua ratione saluberrima aliqui exercitatio possit summum intentare periculum. Cui quidem discrimini novam conferet symbolum præpostera, & vetito per artis leges ordine instituta. Si enim crudo turgentibus succo vasis, ubi postularet quietem facienda coctio, nimio motu particulas lymphæ diluentis utiles absumimus, cruda, & iners remanebit accita ab exteris moles, quæ vi in ultimos vasorum fines intrusa, novas obstructions producet, novamque liquorum formam; unde ab exercitio illo tam sæpe capitis dolores, tam sæpe oris amarities, aut lentæ mucaginis ad dentes, & labia sensus. Nec ab alio fonte, crassa illa, vix coagmentata, catharrota sputa emergunt, ab intrusa intra Bronchiales glandulas crudiore chylacea materia. Quid si ipse plenus sit ventriculus, liquidior orbatus succo ad cutem rapto, vix ipse alimenta immutat, & minimum malorum est vomitus, ut toties experiuntur cursores, aut illi, qui velocibus equis per longa itinera rapiuntur.

Quam ergo turpiter falluntur, qui vel post cibum sese exercitiis conficiunt, nec minus tamen, qui a statim cursu, & vehementi

menti exercitatione sese epulis ingurgitant. Exhaustum enim liquidioribus quibuscumque particulis, imo forsan & spiritibus corpus molem in ventriculo inertem sinit spontaneam in mutationem assurgere, inflari, accescere, corrumpi, & ut in canibus venaticis quotidiana observatio demonstrat, spumosa, nec liquidis animalibus perfusa evomi. Quod si infeliciter non accadat, aderunt omnia spontaneæ corruptelæ sequaciâ mala, imo & ab immodica ventriculi jam non agentis, sed patientis inflatione oriri possunt veternosi morbi, & apoplexiâ. Attendant ad illa, qui novitios milites, & urbana diffuentes desidia, nimis severe laboribus bellicis obijciunt; nec curam sufficientem corporibus adhibent. Nulla tali immoderatione sævior lues castris ingruit, unde multo plures e dysentericis putridis, aut cachecticis morbis intereunt milites novitii, quam quot truculentissimum prælium possit ense hostili ex iis absumere.

Hinc ergo primum ab exercitio tempus erit quieti concedendum. Postea vero sobrietatis leges servandæ erunt, donec vires instauratæ, pleniores suadeant epulas, & illas ventriculus fortiter concupitas valeat fortiter arripere, & concoquere. Nec illud tamen ullatenus regulæ Hippocraticæ repugnat, qua exercitiis cibos respondere jubet; ita enim intelligenda est divina hæc victus regula, ut integris viribus aptetur illa. Nam virium,

pri-

prima & unica est ad alimentorum usum indicatio, ad quam cæteræ referuntur omnes. Quæ quoniam per sapienter instituta exercitia adaugentur, adaugeri etiam alimenta patiuntur, sed corpore jam quieto, postquam deferbuit enormis ab exercitio concitatus liquorum impetus, & ante somnum, si fieri possit, adjuvandæ coctioni natum præcepto Homérico, qui quidem vates, in gymnasticis regulis, non spernendum tibi se præbet authorem. Non ergo, quod quidam sibi falso fingunt, si immodice augeatur corporis motus, immodice etiam augendi erunt cibi, sed semper omnia ad virium examen referenda.

Quæcumque vero hic de exercitio ad concoctionem comparato animadvertimus, ea etiam omnia ad perspirationem sponte relabuntur, quæ coctionis sætus est, & provenitum proportionale. Licet enim immoderato exercitio exhalatio prodigiose increseat, ea tamen exhalatio corpus exsiccat pro perspiratione non habenda est. Illud enim exercitium partes non solum omnes superfluas vacuat, sed & tenuissima, & utilissima quæque impetu vehementi secum abripit, & quasi everrit. Unde ab hac exercitatione vehementissima corpus exsiccat, liquatur adeps, roborantur quidem partes, sed liquores omnes acredinem sæpe summam concipiunt. Unde licet in historia medica non rara prostant hydro-

hydropicorum exempla, quos cursus vehemens, Pancratium, lucta, violentaque exercitia ab aquis liberaverint, non inexpertum est a nimio motu plures eorum e medio sublato fuisse; tum quod ab hujus impetu, repulsæ intra vasa aquæ suffocaverint miseros; tum quod stagnantes, erodentem conceperint acredinem, quam pessima secuta sit gangræna. Nec minor fuit cautela veterum in applicando ad melancholicos exercitio, ne scilicet nimio, & immoderato motu tenax, & picea atrabilis moveretur. Hinc accerrimus, & sæpe sæditissimus exercitatorum sudor. Hinc post vehementes cursus peremptorum animalium cadavera citissime fætent, ut norunt venatores. Hinc subito retropulsus in violento exercitio sudor adeo cito lethales morbos producit. Sed sudor iste cum nostra perspiratione nulla ratione confundendus; ille enim si moderate posset cohiberi, omni modo coerceri deberet. Unde addicti gymnastice veteres, ipsi quasi injiciebant vincula, dum aromate, pulvere, & oleo sese mox exercitandi, susdeque ungebant, & occludebant vasorum orificia; suo docti periculo.

Ut ergo exercitium perspirationi nostræ promovendæ fiat utile, tempus illud ipsi assignandum est, quo per se exire prompta est. Coctione enim absoluta in otio moraretur illa, & infarctus periculum immineret. Hinc sex, vel septem a cibo ho-

ris,

ris, post somnum si fieri possit, matutino tempore, ad antiquorum morem, quo tempore minus diffluit sudor aeris tepore cohibitus, qui salubriter degere volet; sese exerceat, studeatque ut labor ille hesternis responsset epulis. Verum diligens illa, & accurata præceptorum Hygieines observatio ad illos solos pertinet, qui, sibi nati, rebus in aliorum commodum agendis non invigilant. At horumce hominum genus adeo diligenter inutile, spernere licet. Cæteris saltem edicatur, non statim a copiosiore cibo, non per æstivos meridiei furores sese cursibus conficere, & saltem illud mente tenere pessimo consilio amissum robur per ingluviem reparabile sibi fingi, quæ contra vires immedicabili debilitate prosternat.

His ita positis, ut præcepta illa ad varia vitæ genera possint applicari, & ad diversas vitæ formas apponi, liceat duo exercitiorum genera, seu potius gradus duos numerare. Primum erit vehementissimi exercitii, alterum erit mediocris illius, & ad salubritatem instituti.

Vehementissimum raro plures per dies posset perennari sine summo vitæ dispendio, tuncque nec perspirationis, nec coctionis vices servare foret possibile, sed in eo quasi febrili statu omnia susdeque agerentur. Hoc in tumultu, ventriculo, & organis, quæ concoctioni dicantur, & fluido alluente ex-
hau-

haustis, & ad coctionem imparibus, diæta fere acutorum competit. Alioquin ingurgitata moles aut putrescit spontanea corruptione, dum vitalibus non perluitur succis, aut immota dum perstabit, accisis viribus, faceffet in cachexiam. Si exercitium illud breve est, & tempore perspirationi opportuno instituitur, ut solemne erat antiquis gymnastices cultoribus, inassueto quidem, primis exercitii illius diebus, ubi ab actione cessabit, tempora, collum pulsabunt, corpus rubescet, pulsabit ilia anhelitus, sudor, & quidem spumofus, undequaque fluet. Lingua arida ab ore hianti exeretur. Nil nisi quietem, & somnum in lecto sibi postulabit corpus. At post somnum fatigati, & conquassati muscoli dolores experientur aliquando vehementes quidem, sed quos rependat uberrime totius corporis alacritas; quippe superfluis omnibus vacuatis, & restituta canalium meabilitate liberrimum illud reperietur, & alimentis simul aptum erit coquendis, & perspirandis excrementis. Postea vero, imo & paucorum intervallo dierum, sibi motus illos, ut enormes primum apparuerint, corpus in habitum vindicat. Nec ab iis ullatenus commovetur, imo & facultatem inde adipiscitur illos adaugendi, prout ipsi fuerit lubitum. Aspice duro fractos membra labore milites, ut ad fragorem bellicorum tormentorum non commo-

veantur, imo somnum toto proflent pectore, ut dura injusto sub fasce carpant itinera alacres, & leves. Hos nondum assuetos laboribus ipsa tantorum malorum idea examinaret. Nec horret iratum mare nauta, quem saepe integrum, & sanum reliquere naufragia. In eo tota stabat antiqua gymnastices ars, famosa illa quidem, imo aliquando infamis, quod de se nimium sollicitos cives supponat; sed si sumendis propriae communi curis postponatur illa, utilis erat summe & roborans corpora, de qua vide, praeter authores medicos; Lucianum in dialogo, qui dicitur *Anacharsis*.

Suadet ergo sanior physice, ut qui vehementissimos motus ad sanitatis tutelam conficere amant, aut quibus ad innatam roborandam infirmitatem suadentur, illi sese regulis supra propositis severe addicant, id est, vehementes motus non capeffant, nisi sub finem coctionis, post somnos faciles si fieri possit, & sudoribus cohibitis. Quodcumque enim vehemens est, & violentum, cum maximam vim corpori inferat, nisi omnia recte ad illud suscipiendum disposita sint, nocere ut plurimum potest, quod nulla ratione in moderatis motibus metuendum est, in quibus longe tutius peccare possumus.

Moderata enim exercitia, ut sunt hodierna illa, quibus plerique homines indulgent, vel maxime otiosi, deambulationes per pra-

ta

ta amœna, equitationes levēs, itinera in curribus mollioribus peragenda, hæc omnia, quæ ad levīs defatigationis initium instituuntur, non adeo severam ab Hygieinē moderationem postulant. Quid enim aliud præter aucti leviter motus efficaciam præstant? Aeris etiam perpetuo redivivi mutatio aliud commodi apportat, quod exerceantur pulmones, majori scilicet expansione; cui proportionalis semper fit constrictio; adeoque actio major. Succutit præcipue, sine ullo virium dispendio, intestina, & partes in abdomine contentas, nec non & thoracem equitatio illa mediocris: sed hæc omnia motuum genera vires vitæ adaugent, sine ulla vi illata aut solidorum tono, aut fluidorum motui, unde secretionēs aut non adaugentur, aut secundum naturæ ordinem tantummodo intenduntur. Hinc & coctioni vacat illæsum corpus, & contra melioris notæ robur ipsi impertitur, auctum tantummodo, & nullatenus per violentiam revulsum. Hinc per hujusmodi exercitationem perspiratio extra modum, & tempus non increfcit. Fit tantum celerius, atque perfectius functionum omne genus, accersiturque placidior somnus, & perfectior perspiratio. Unde videre est quantum inter se distent exercitium ab exercitio, & quam diverse agant mechanicis viribus. Hinc etiam antiqui exercitationem a laboribus distinxerant,

rant, nec uno comprehendebant genere res a se invicem prorsus abludentes.

Præceptores vero nostri illi vetustiores sedulitatem hanc non solum ad exercitii gradus tulerant, sed etiam ad varia exercitiorum genera; ut enim non loquar de variis illis motibus regularibus, quibus nunc lumbos, nunc brachia, nunc ilia, vel thoracem firmare satagebant; quatenus nunc hos, nunc illos exercitio quærebant indurare; quod fieri posse vel maxime quotidiana demonstrat experientia, si brachium exercitatum dextrum ad lævum otiosum contuleris; ut præteream famosum illud Penthatlum, quod vel austeriores coluere Philosophi; nullum est exercitii genus, quod proprias vires habere non contenderint, ita alte recitare, declamare, jactare brachia ipsis non fuit indifferens. Imo late patuit exercitium *ἐρῆσιμον*, sive artificiosa ad modulos musicos saltatio, quæ ex quiete certa & definito motu constans, multo minus fatigat, quam alia quævis exercitatio, quæ primo intuitu delassandis viribus minus accommodata videretur. Sed hæc omnia licet effectus inter se varios obtineant, nihil ad perspirationis negotium novi indicant. Scilicet in eo uno constant omnia. Adest in corpore animali, ut & in universa natura pars movens, adest pars resistens. Deterit movens e resistente, ut & resistens accipit motum a

movente, quem ab ea demit. Proportionem inter utramque servare artis est. Quæ si non ad amissum, & imperturbata existat, nocumentum adest. Si vero secundum ordinem naturæ existent vires illæ adversæ, & sibi mutuas ferant suppetias, fit legitima partium evolutio applicatio, generatio, extrusio, quæ omnia, ut in nullo tum exercitiorum, tum applicationum genere uberius, quam in balneis fiant; liceat pauca hic de balneis ad perspirationis officium subnectere.

Balnea vel cum motu corporis fiunt, vel corpore sedente, & immobili. Horum simpliciorum impressio in corpus tota a pondere repetenda est aquæ, quæ octingenties aere gravior, totum corpus ad exteriora magis premit, & sanguinem versus interiora pellit, comprimit, & continet, quatenus resistentia major ad superficiem corporis occurrit. Huic primario effectui accedit absorptio, quæ ideo ad arithmeticos numeros revocari nequit, quod cito aqua intus accepta avolat. Augetur enim perspiratio statim a balneo exeuntibus. His adde alios, qui a variis accidentibus pendent, effectus, ut rareficientiæ, quam calor nimius inducit, & sanguinem undequaque turgere cogit, vel contra frigoris, quod, dum sanguinem densat, & vasa stringit erethismo, effectus balneorum simplicium summopere a se invicem distinguit, atque discriminat.

Ve.

Verum ad perspirationis doctrinam pro-
perantibus duo tantum in balneis simplici-
bus nobis spectanda sunt tempora, effectibus
inter se diversa multum, imo & quasi op-
posita. Primum illud est, in quo stat homo
immersus, & aqua perfusus undequaque, al-
terum vero illud est, quo & ab aqua emer-
git, & sese aeri restituit. In primo ex illis
temporibus debiliores normam nobis pro ro-
bustioribus præstabunt. His sæpe, pondere
aquæ in thoracem, & alvum decumbentis,
facies livida, & caput oppressum, thoracis
ingens suffocatio, exitus hæmorrhoidum, sa-
tis indicant sanguinis ad interiora regressum,
aliquando, præsertim in fervidioribus balneis,
non vacantem periculo; cum multi inde aut
lethales apoplexias subierint, aut hæmorrhagias
feliciores; nata ab hac observatione, praxi
medica, qua, partibus variis dum applican-
tur balnea, ad has ab illis partibus revelli-
tur sanguis. Præterea verisimile est, nam
nullus hic experimentis locus, quod dum
mergimur in aqua plus absorbetur aquæ,
quam perspirabilis exit, ut ipse cutis tumor
satis indicat, si præsertim balnea frigidiora
non fuerint, nec strinxerint fibras, ac den-
saverint humores. Verum ubi perfusus aquæ
latice exit e balneo homo, tunc quasi in
atmosphæram reduci tollatur resistantia, ruit
ad cutim humidior sanguis; rubescit illa,
donec vasis tunc liberrimis ingenti impetu

accepta exhalet materies : unde nullis non patet experimentis, omnes balneorum qualiumcumque species exhalationem mirum in modum adaugere. Unde a balneis præsertim calidioribus debilitas nascitur ingens, sæpe ad animi deliquium usque protensa, præcipue in debilioribus. Illa quidem debilitas in frigidioribus balneis rara, quod illa robur fibris addiderint, & sanguinis molem rarefactam non adeo auxerint. Verum si ab illis in locum calidiorem corpora reponantur, fluit ingenti impetu perspiratio, cum calore ad cutem notabili, quantumcumque minor sit virium deperditio. Imo ipsa fibrarum tensione robur additum sæpe remanet, viribusque instaurandis magnum præbet instrumentum. Unde ars fuit apud antiquos Jatraptas nobilis, qua per varios, & frigoris, & caloris gradus, balnea ad everrenda superflua, ad instaurandam nutritionem, instituere docuerant, dum arctissimo temporis spatio, frigus, calorem, sudores febrium intermittentium æmularentur. Hinc ea in aquæ alveo decurrente prementeque magis, ob decursum, salubriora, quam illa in quibus, dum cutim modica superficie tangunt, aqua non renovatur, & minorem exercet comprimendi vim.

Est alia prorsus actio eorum, quæ cum motu, id est, natatione exercentur. Ingens enim est musculorum actio, ad vincendos medii adeo resistentis, & superandi renixus.

Sci-

Scilicet quanto major debet esse actio, musculorum, atque in aere? unde & actio summa in vasa, & sanguinem, & celer defatigatio. Interea apprimitur magis aqua vasis hiulcis, unde minor acrium partium evolutio, & aquæ miscela major; unde etiam spissitudinis inflammatoriæ, quæ adeo facile nimia excipit exercitia, periculum minus. Verum statim a balneo majus fit exhalantis liquidi dispendium, quod liquidum, ut exercitio vehementi intus pressum, & tenuatum, majorem animalium partium copiam debet continere. Proinde in hoc balneorum genere, quod robustis solis competit, omnes exercitiorum effectus concurrunt, sine desiccationis periculis. Nec minus inde intelligitur, quare sudanti, imo abundantius perspiranti, balneum gelidius ingressu, sæpe lethales morbi statim erumpant, ut Alexandro, & Frederico Barbarossæ accidisse ferunt. Quare insalubre, imo & periculosum *crudum parvum*, ut cum satyrico, loquar in balnea ferre? Quid fuerit instituti veteribus, cum statim a balneo ungerentur oleo, pulvere conspergerentur? Aliaque hujus generis problemata solvuntur, quæ circumferri, & agitari Hygieine solent. Nec minus bene sentitur subtilior veterum de balneis theoria, quæ cum quotidie usurparent de viribus solliciti, ita ornaverant, ut, dum nihil de robore decederet, at cutis flexilitas, & perspirationi egressus conciliaretur, & immodicum molientis exitum fervor compescere-

ur.

T 3

DE



DE EXERCITIO, ET QUIETE.



SECTIO QUINTA.



APHORISMUS I.

IN motu violento corpus occulte minus perspirat, quam in aurora post novem, vel decem horas ab assumpta cœna.

*Sensus hujus Aphorismi est, corpus minus utilis ac coctæ perspirationis exercitii vi emitte-
re, quam auroræ tempore post somnum. Scilicet per motum violentum liquidiora avolant omnia, sive cruda fuerint, sive cocta. Hinc motus violentus non prodest, nisi exuberet humor nova vi addita expellendus. At motus, seu exercitii habitus siccio-rem materiam nutri-*

T 4

tiam

tiam facit, ideoque fibras robustiores. Ut sequente Aphorismo enodatur.

II.

QUOD in motu violento per poros evacuat, est sudor, & perspirabile occultum. Sed ut violentum: magna ex parte elevatur ex incoctis succis; raro enim tantum cocti perspirabilis in corpore colligitur, quantum per violentiam evacuat.

III.

SUDOR semper est a causa violenta; & ut talis, (sicut statica experimenta docent) impedit coctorum perspirabilium occultam excretionem:

Sudor, si non a plethora liquidioris succi oriatur, trahit secum, & avellit partes necdum unitas, nec compactas; sed utilia simul cum rejiciendis abripit, quibus defraudata coctio languet. Ergo perspiratio legitima minor est, licet corpus possit esse ad stateram levius.

IV.

LONGE magis perspirat corpus in lecto quiescens, quam in lecto, frequenti, & crebra agitatione circumvolutum.

Confert ad coctionem quies, ut alibi abunde probatum. Nec motus ad perspirationem

con-

conducit, nisi post quietis tempora. Vide Sectionis primæ Aphorismum LI.

V.

LONGO itinere minus defatigantur hilares, & iracundi, quam timidi, & mœrentes. Illi enim magis salubriter; hi vero minus perspirant.

Illis scilicet, fibræ tensæ, animosæque alacritas vires auget. His, demissi spiritus, fibræ laxiores, circuitus tardior, & quasi alligatus, vires demittit, & prosternit.

VI.

CORPORA, quæ a nimio exercitio illico cibantur, læduntur: quia, ut defessa, & cibo gravata, minus perspirant.

Circuitus a nimio exercitio vehemens, & quasi febrilis, succi exhausti, & parcius secreti obstant coctioni. Adde quod reparanda fuerant prius quiete vires, & sarcienda circuitus æqualitas.

VII.

EXERCITIUM post septimam usque ad duodecimam horam ab assumpto cibo, magis resolvit insensibiliter horæ spatio, quam tribus horis alterius temporis.

Adest materies; adest exeundi tempus; prodigialiter vires increverunt. Quidni summa fiat

VIII.

EVACUATIO insensibilis, quæ fit ab exercitio violento, impedit; ne successive remittatur, quod amittitur. Imo si eadem perseveraverit violentia, corpus redditur adeo leve, ut in pluribus de futura tabe verendum sit.

Proportionalis semper esse debet ciborum usus ad exercitium, & labores. Id ab Hippocrate sancitum est. Si a motu maximo minima sit ciborum assumptio, quod consumitur, non reparatur. Hinc macilentia, imo tabes necessario sequentur.

IX.

EXERCITIO corpora leviora fiunt; omnes enim partes, præcipue musculi, & ligamenta motu ab excrementis purgantur; perspirabile ad exhalationem præparatur; spiritus tenuiores fiunt.

Exercitii cujuscumque effectus primarius est, fluidorum motus, attritus solidorum. Hinc partium motu correptarum tenuatio summa, caloris augmentum, principiorum volatiliū evolutio magna. Hinc omnia agi, atque agitari necesse est. Unde omnium tertiæ coctionis excrementorum, ut & perspirationis augmentum.

X.

X.

MOTUS præparat corpora ad excretionem excrementorum sensibilium, & insensibilium; quies magis ad insensibilium.

Sententia hæc summi erit momenti in praxi, si pauca mutantur, dicaturque motu excretionem, quiete preparationem, atque coctionem fieri.

XI.

SI corpus a cœna in lecto quieverit decem horarum cursu, optime perspirabit. Si adhuc diutius quieverit, statim incipiet diminui tum sensibilis, tum insensibilis excretio.

Non ea erit nobis, quæ Sanctorio, mensuras imò nemo ex observatoribus, in aere etiam Italo, decem per horas stertere suaserit. Nascerentur quotidiano usu talis somni laxitas effœta fibrarum, stagnatio liquidi, turgescencia, & omnia, quæ a defectu actionis nascuntur, cachectica mala.

XII.

QUIES longa efficit corpora ægrotantia ponderosiora: tum quia perspirabilia excrementa motu ad excretionem præparantur; tum uia quiete, cibi, & potus, si insoliti sint, vel debito copiosiores, ut in ægris

320 DG EXERCITIO, ET QUIETE,
accidit, non digerunt. Et inde omnia ma-
la, & sapissime mortes eveniunt.

*Quies nimia fibras laxiores, & ut veterum
verbis utar, carnes effœminatas facit. Hinc
oriuntur defectus motus, defectus coctionis,
defectus vacuationis cujuscumque. Unde ca-
chexia.*

XIII.

Si diu jacenti dolores pedum superv-
niunt, remedio est ambulatio; si iter fa-
cienti, quies.

XIV.

Duo sunt exercitia; alterum corporis,
& alterum animi. Corporis, evacuat sen-
sibilia excrementa. Animi, insensibilia
magis, & præcipue cordis, & cerebri, ubi
sedet animus.

*Quod de corporis exercitiis verum, nullate-
nus de animi laboris dicendum: dum enim
mens alte meditatatur, corporis functiones silent.
Hinc verissimum illud Celsi; Philosophia, ut
animo proficua, sic corpori noxia maxime.*

XV.

NIMIA animi quies magis prohibet per-
spirationem, quam corporis.

*Placidioris animi quies semper utilis cor-
pori.*

pori. Nisi sit illa stupens, & hebes ab aro-
nia inducta, adeoque morhosa.

XVI.

ANIMI exercitia, quæ maxime faciunt
exhalare spiritus, sunt ira, perichartia, ti-
mor, & mœstitia.

Hi motus animi, affectus sunt animi occu-
pati, nec exercitii titulo gaudere possunt. Exer-
citia animi in meditatione, & comparatione
rerum inter se, tota stant. Motus vero ani-
mi, dum tonum augent, & activam violen-
tiam, circuitum accelerant; liquores expan-
dunt; & possunt perspirationem adaugere ali-
quando. Sed leves sint illi, nec hominem con-
cutiant totum, aut convellant.

XVII.

CORPORA in lecto quiescentia, vehemen-
ti animi motu agitata, ut plurimum magis
resolvuntur, & levioris ponderis fiunt, quam
si animo placido cum vehementi corporis
motu, sicut fit pilæ ludo, agitarentur.

Animi affectus illi nulla alia ratione in
corpus agunt, quam dum intendunt motum san-
guinis. Hi, si vehementes, breves sunt, &
virium brevium. Nec possunt quoad effectus in
liquida conferri cum continuato corporis motu;
si præsertim exhalationi faveat animi placi-
ditas.

XVIII

XVIII.

EXERCITIO nimio excrementa primæ , & secundæ coctionis magna ex parte per totius corporis ambitum dispensantur . Ideo alvus aret , & exsiccatur , corpora tamen fiunt leviora ; quia longe major est evacuatio insensibilis , quam excrementorum crassorum excretio per alvum facta .

Omnia in violento corporis motu , legibus novis nec ad nature normam regulatis , peraguntur . Cruda ad cutis hiantia vasa per cordis motum feruntur , cruda per patentes omnes vias sibi postulant exitum : hinc nascuntur levitas ad stateram , gravitas ad sensum .

XIX.

EXERCITIUM animi , & corporis violentum reddit corpora levioris ponderis , efficit velocem senectutem , & mortem præmaturam minatur . Citius enim ex *Philosopho* moriuntur exercitati , quam non exercitati .

Animi , & corporis exercitia adversas inter se potestates obtinent . Hæc enim motum cordis , applicationem nutritii succi intendunt : illa motus omnes vitales , & naturales constringunt , & quasi alligant . Hinc philosophis , & otio litterario deditis , ad vincendam studii mentis natam tardationem circuitus , coctionis , & perspirationis , suadenda salubris
cor-

corporis exercitatio. Porro in viris, qui exercitiis quibuscumque fatigantur, vita ut intensior, & actiuosa magis, ita & Aristoteli credita fuerat brevior esse debere.

XX.

EXERCITIUM violentum, a corpore, cibo, vel crudo succo referto, aufert pondus sensibilem excrementorum minus solito; insensibilem fere nihil.

Rapidius exercitium, in crudis referto corpore, coctioni officit, dum liquidiora secum rapit, quæ ad hanc requiruntur. Hinc, etsi violentus sudor ab exercitio præpostero, nulla tamen fit perspiratio. Imo urina, licet ardentior, & spissior, cruda tamen, & pauca exilit.

XXI.

EXERCITIO, corpus minus perspirat: somno magis, & magis lubrica redditur alvus.

Per exercitium fortior expulso est; per somnum coctio magis regularis. Hinc, ut exercitium sudore siccet alvum, & tollit urinam; somnus omnia ad naturæ normam restituit.

XXII.

FRICTIONES, & cucurbitulæ in refertis crudis succis impediunt perspirationem.

Idem frictionum, atque exercitii effectus.

324 DE EXERCITIO, ET QUIETE.

Cucurbitulae, cruda ad cutem advocantes, vasa obstruunt, & infarcta obturant.

XXIII.

TUNC exercitium est saluberrimum, quando post factam primam, & secundam coctionem corpus reducitur bis in die ante cibum ad consuetum pondus.

Vera hæc est exercitii faciendi regula. Hic solum notare convenit, ne nimium illud fiat.

XXIV.

NATATIO statim post exercitium violentum, mala; valde enim impedit perspirationem.

Tunc enim omnia turgent ad exitum, quæ subito frigore reperiussa in interiora, sed vulgo in thoracem decumbunt. Unde lethales pleuritides, anginae, imo & in plethoricis apoplexiæ oriuntur. Sed si resederit corporis motus, & humorum pacata fuerit ferocia, nullum exhaustis, nec jam calescentibus, præsidium balneæ præsentius, quod fibras tensione aridas aluit; vasa aperit infarcta; aquam liquidis fere in resinam versis suppeditat.

XXV.

EXERCITIUM violentum, ubi spirat ventus, malum.

Si in partem exercitam subito decumbat aer frigidus, partes stringit, & refluxum perspirationis in interiora facit. Hæc autem ab exercitio acrior facta est, ut exponitur Aphorismo sequenti.

XXVI.

A vento adiapneustia; a motu acrimonia.

XXVII.

EQUITATIO respicit magis perspirabile partium corporis supra lumbos, quam infra. Inter autem equitationes, tolutans saluberrima; sicut succussans insaluberrima.

Tolutarius equus, sive gradarius, est ille, qui gressus bene, & celeriter volvit, minusque fatigat equitem. Sanctorio nihil hic commonstravit statera. Sed antiquos secutus est duces, qui animadverterant crura pensilia ab equitatione incrassari; teste Svetonio in Augustum. At ratio indicat, equestri succussu plus juvari perspirationem, seu exhalationem pulmonum.

XXVIII.

VECTIO in lectica, nec non in cymba, corpora minus disponit ad debitam perspirationem, quam deambulatio.

Res evidens nullo indiget commentario.

XXIX.

CYMBÆ, & læticae motus, si diu durent, saluberrimus; tunc solum ad debitam perspirationem mirifice disponit,

Continuato succussu habitus oscillationum resarcitur; & stagnantium liquorum tum circuitus, tum applicatio fortiores fiunt. Unde robur increfcit, & sanatur debilitas.

XXX.

VECTIO in curru omnium violentissima est: non enim solum perspirabile incoctum exspirare facit; sed etiam solidas corporis partes, & maxime renes offendit.

Frequentissime inter omnes homines aurigis accidunt aortæ aneurysmata, notante Lancisio. Renes, hepar, omniaque viscera, si concutiantur vehementius, possunt & de sede sua deturbari, & rumpi aliquando. Sin vero, quanta sint in rheda, & curribus vectionis beneficia, videatur apud Sydenhamum,

XXXI.

SALTUS primo vires ad intra trahit; deinde ad extra cum impetu propellit; & cum violentia coctum simul cum incocto expellit.

XXXII.

DISCI exercitium compositum ex motu
mo.

moderato, & violento; deambulatione scilicet, & agitatione brachiorum, perspirationi conducit.

XXXIII.

TRIPUDIATIO moderata, & sine saltu, proxime ad deambulationis moderatæ laudes accedit: perspirabile enim coctum moderate expellit.

Partes, quæ validius exercentur, roboris etiam plus acquirere, per fortio rem alibilis materiæ intrusionem, evidens est ab observatione quotidiana brachii dextri eorum, qui vel pila, vel disco exercentur. Adeoque licet universalis perspirationi exercitia hæc conferant, roborationi etiam peculiare commodum afferunt; modo intra moderationis leges contineantur. Diutius vero potest exerceri tripudiatio, quæ ad numeros instituta musices, ex quiete, & motu regulari componitur.

XXXIV.

UBI transpiratio in sanis deficit, exercitio sarcitur.


XXXV.

A nimio exercitio fibræ fiunt duræ; unde senectus, quæ est universalis fibrarum durities. Hæc, condensando meatus, calorem suffocat; mollities, aperiendo, longævitatē facit.

XXXVI.

QUI vult diutissime juvenilem faciem conservare, caveat, ne fudet; vel nimium præ calore perspiret.

Norunt bene mulieres, quantum rugis inducendis sudor conferat, dum folliculos faciei nimis vacuat; & sic, arctatis eorum capacitatibus, intervalla contrahit, & fibras adducit ad se. Unde nitor cutis deturpatur.



SECTIO SEXTA.

De Coitu ad Perspirationem collato.



INTRODUCTIO.

SAPIENTER a summo rerum conditore institutum est, ut dum a reparando, & quasi renovando genere humano multa miseros mortales deterrent; traheret tamen ipsos voluptatis sensus, & impetus ille ferox, quo ad mutuos amplexus ruunt omnia diversifexus, & ejusdem generis animalia. Amor omnibus idem. Ubi scilicet corpus ad firmum stature suæ apicem pervenit, tum quasi superfluum, fecundando foeminarum utero exoritur liquidum, quod in viris non sine convulsiva voluptate natura profundit; & si sensum judicem amplectamur, velut ex omnibus totius corporis partibus in muliebri arum trahit summa vehementia. Nec minus ipsæ

mulieres, licet nil tale amittant, convulsivis tamen tentantur motibus, & aliqua liquoris parte proluunt genitalia. Viris vero maxima operis pars impendet, & onus maximum. Sed si non vacuatur materies illa, quæ quali redundat, nulla ipsi alia via aperta est, verum in sanguineum laticem redux, inter nutritias, atque corroborantes partes locum accipiet, & totum in utilitatem machinæ vertetur. At pars ejus maxima, & usibus nostris ineptæ, ut tenuissima, coctæ naturam, & vias æmulatur perspirationis, ejusque ut copiam auget, ita dotes extollit, quod odor virorum præcipue cælibum specificus satis demonstrat.

Ut ergo coïtus, sive nimii, sive deficientis discrimina severo examine possimus ad trutinam revocare, notandum ante alia erit, seminis emissionem non esse simplicem humoris facile perdendi exitum, sed humoris elaboratissimi cum universali totius corporis nixu, imo & convulsiva agitatione, violentam ejaculationem: unde & robustissimi homines, momentanea quadam epilepsia concidunt, oculis tenebras, auribus bombos, artibus jaçtationes, & concussum simul vehementem, experientibus. Hinc in coitu non tantum ex humorum parte deperditio summa corpori, sed etiam solidis delassatio ingens oritur. Concedere ergo ipsum juvabit, solis homi-

nibus, juventa, & robore fretis, humorum diviti copia, & nervorum robore gaudentibus. Ipsorum de viribus detrahere nullum erit piaculum. Sed suadeat ipsis coitum salubre corporis robur, quo integro brevi perturbata a tanto tumultu functiones in integrum restituantur, viamque usitatam brevi sibi refarciant perspiratio. Sed quanta debilitari corpusculo inde nascetur jactura? Periculum quantum? Cum satis liqueat vel robustissima inde, si immoderate ruant in hos amplexus, debilitari, & infirmari. Debilibus vero, quos Venus recens, male cocto, & macilentio semine exhaustit, tremunt artus, oculi obscuriores vix nitent, caput quasi vacuum sentitur, mens ipsa labori inepta jacet iners, cutis arida, & urens, nec sudore roscido videtur perfusa. Pars enim æquabili tono inducendo maxime pretiosa absumpta est, & deperdita, nec cito reparabilis, cum ventriculus ab ipsa illa vacuatione gravis, pondere ciborum oneretur, & eos concoquat difficilior multo, nocet ergo perspirationis exercitio, ut & cæteris functionibus coitus. Sed etsi non lædat robustos, & excessibus quibuslibet ferendis aptos, ipsos tamen juvare, sublevare, roborare numquam per se potest, quod hac unica probaverim propositione, quod multi diu inter homines robustissimi vixerint, & sanitatem illibatam ad usque summa vitæ

ipatia deduxerint, nec unquam tamen aut muliebri attigerint consortium, aut semen quaque via consumpserint, quod certe fieri non potuisset, si, quod vocamus superfluum seminale retentum nocere natum esset, adeoque debuisset e corpore ejici.

Carere vero venere multis e præjudicata circa sanitatem opinione periculosum videtur; & illud exercitium inter salutaria judicant; quibus corpus repurgetur. Horum in partibus militat Sanctorius noster. Verum eorum parte dixerim, exercitia inter & venerem saltem in vitis paritas nulla. Superfluum enim est, & stagnat, quod per exercitium moderatum amittitur, & intermissum, aut omissum exercitium multis rependitur noxis evidentibus; quod contrarium esse de venerem; quotidianâ comprobatur experientia. Etsi vero non negandum sit utrimque liquidum reparabile e corpore avelli, & auferri, magna tamen liquidi ablati differentia est. Si enim sepositis omnibus hypothésibus semen spectaveris, offeret meditati spiritibus tenuissimis remixtam, sed elaboratissimam mucaginem, adeoque idoneam alendis, & reparandis partibus: quæ vero per exercitia auferetur liquida pars, ea demum in legitimum excrementum conversa est.

Præterea vero licet succussiones exercitii regulati; nec abnormis, dum motum juvant

cir-

circularem , materiæque applicant , & apponunt nutritiam , utiles sæpe haberi possint , numquam certe is erit effectus violenti , & convulsivi in solidis concussus , quo toni omnis æquabilitas perit , & tollitur :

Ea quidem omnia , quæ hic de illo exercitii periculoso genere proferimus , ita accipienda sunt , ut mechanice tantum rem spectemus . Qua sub facie , quæ multum alimenti suppeditant cibaria , plus etiam feminis ingenerant , quæ plus stimuli inferunt condimenta , plus ad excretionem feminis sollicitant ; unde sine Cerere , & Baccho frigere Venus dicta . Verum etiam si veneris exercitium plethoram dicatur tollere , & revera abducta alimentari mucagine illam tollat , cum tamen cæteris excrementis e corpore emungendis obstat , & vires sinat fatiscere , plethoram ad vires facile facit . Imo & ex dictis cachexiæ facilem ausam præbet , cum quasi exsuccum sanguini cadaver relinquat , & , ut veterum verbis utar , nervos aridiore præstet , coctiones omnes proturbet , & detrat , noceatque secretionum regulari exercitio , quod omnino a coctionibus pendet .

At si ex animæ parte in corpus agentis spectetur res veneræ ; en novus rerum ordo exsurgit . Vel enim potenti feminis stimulo in nervos agentis , corpora robusta , humoribus bene coctis , imo & ab ipsa tentigine arrectis solidis , in furias , ignemque ruunt ,

Verſo, ſæpe poſt nixus venereos, ipſa debilitas ſudores prolicit, lingua areſcit, amareſcere videtur; & ſi pulmones debiliores fuerint, aliquando ſuffocatio thoracem invadit. At, coctis omnibus, ſomnoque peracto, tunc ſeminiſ ſæcundi ejaculatio, nulli functioni nocet, levitatem, & alacritatem corpori relinquit, imo & quàmvis perſpirationi pro tempore tardandæ apta videatur, brevi reſarcitur ipſa, & corporis robur ſartum, teſtumque relinquitur.

At omnia rei venereæ incommoda eo majora ſunt, quò cupidò vehementius exarſit, & poſt longas; irritanteſque moras quaſi aſtitente amore arrepta eſt. Tunc enim non vacuatio ſolum, non nervorum concuſſio uni- ce ſpectanda eſt, ſed inter vehementiſſima animi pathemata libido illa furioſa habenda eſt, & numeranda. Hinc cum motus animi vehementiſſime corpus afficiant; ejuſque ſenſiles fibras ſummopere defatigent, imo eas tenſione acerrima torqueant, neceſſe eſt, ut ubi conquievère illi; & quaſi deſerbuere, præteritæ tenſioni proportionalis naſcatur atonia, unde nova coctionibus, adeoque inde natæ perſpirationi pericula impendent; quibus omnibus caret malis, qui caſtam inſtituerit vitam.

Patet inde, quòd præter liquidi ſumme pretioſi vacationem, quæ ſemper corpori ſaltem inutilis eſt, omnia competant ad rem

vene-

veneream præcepta, quæ exercitiis rite institutis, & animi moderandis affectibus necessaria sunt.

Verum longe graviora sunt incommoda eorum, quibus, etiamsi corpus infirmum sit, aut saltem minus robustum, prava tamen mentis deliræ cupidine ardentem exoptatur venus. Hi sunt libidinosi homines, quibus sæva sibi ipsis indulgentia in torturam facessit. His vulgo in prima juvenia nil sibi recusare assuetum. Assuetudo peperit habitum. Repetita seminis vacuatio plurimos humores in partes semini secernendo assuefas derivavit. Mobilitas, ut & sensilitas partibus erigendis accrevit, & corpore jam extenuato, in partes peccato paratas, vis omnis spirituum defluxit, ita ut jam nec feminarum aspectum impune tolerare, aut a vi ipsis inferenda sese temperare possint. Illis a corpore in mentem facta est impulsio, mente tamen prius rea: verum alii sunt, quibus a mente in corpus fluxit malum. Hos fallax gratia vultus blandioris, ementitæ lacrymæ, figmenta mendacis amoris fæminea in nexu veneros irretiunt, unde jam nec famæ, nec rei domesticæ, nec sanitati consulere fas est. Omnibus his tensio fallax, aut arte infami, aut mentis stimulis incitata, atoniam parit, unde brevi enerves, atoni, tremuli evadunt. Cito ipsis coctio omnis, omnis perspiratio disperit, chylus vappescit, humores pessimi-
dan-

dantur, & ipsa crudi seminis jactura debilitatem debilitati addens, dum tenuissimas partes avehit, capitis functiones præcipue lædit, imbecillitatemque animalium functionum infert; donec, malo grassante, & vivace causa mali, phthisim accersat, aut immedicabili cachexia hydropem inferat. Nec jam aliquid de perspiratione sperandum est, cum gravissima quæque mala instant. Sed primus certe mali consultæ illius veneris effectus est totius corporis delassati, mente necdum fatigata, gravitas; quæ ut ad sensum est evidens, ita ad stateram non semper vera est, cum seminis quæcumque emissio ponderosum liquorem a corpore avehat, simulque ab ea jaculatione, quo debilior quisque, eo etiam magis in sudores solvatur. Nec est, quod non pudeat hic de propudiosis artificiis loqui, quibus languens, & quasi funerata pars ad sterilem vitam revocatur. Pessimis enim malis pessimæ subagitationes plectuntur, & debilitas partium inducitur immanis. Inde liquet juvenibus solis, & viris ætate florentibus venerem esse concessam. Pueris enim, crudo adhuc fluente semine, a venere præmatura liquor nutritius, necdum aura feminali fœcundus, abraditur, vellicantur nervi, & ab ipsa vellicatione fatiscunt. Ingenio, coctioni, memoriæ, male consulitur. Senibus, quod superest virium, tollitur, & licet aridiores nervi minus noxæ sentiant,

non

non tamen ab alia causa tremor, cæcitas, surditas magis invalescunt, & licet aliqua possint excitari exempla senum libidinosorum, qui vitam protraxerint, imo non rara sit in deliris senibus falsa tentigo a stagnante in testiculis, & seminalibus vesiculis liquido acri exorta, inconcussum tamen manet perniciosam illis esse venerem, cum ipsæ cogitationes veneræ, mentem fatigando, erethismum concitando, inter nimia exercitia numerari possint.

Sed hæc omnia mares tantummodo spectant. His enim solis pretiosus seminalis liquor ingentibus nixibus quasi ex universa machina profunditur. Mulieribus concussus quidem, & ritillatio vehemens, imo & sæpe animi deliquium breve; verum paucum omnino quod ex liquidorum parte vires defraudet: nec minor tamen in vasa, glandulas, earumque rectores nervos actio. Nam erethismo quasi subito partes omnes venere imbutæ arriguntur, tonum concipiunt, unde sæpe proliciuntur sudores, sed cum minima virium jactura. Imo, quasi medicamento vellicante, omnia plus virtutis actuosæ concipiunt, videturque in coitu mediocri saltem, nec ultra vires exercito, languori ipsarum, & atoniæ; in quam tam facili negotio incidunt, (absit verbo invidia) aliqua reperiri medelæ forma. Quod & ipse sensit Hippocrates, & ratio satis indicat. At

si ex eo genere fuerint, quæ libidinosa, & ardore, atque tentigine venerca correptæ viris delassari se potius patiantur, quam satia-ri; non mirandum si, quæ vehementia inferunt nervorum incitamenta, erethismus, nervorum absiona, & perpetua irritatio, ventriculorum subvertant, coctiones pessumdent, adeoque & secretionum legibus obstant; quod quidem ratio comprobatur, nam in re, sacro premenda silentio, experimenta proferre impossibile est. Nec rarum tamen est iis occurrere mulieribus, quas nimia Venus etiam licita, in debilitatem adigit, & queis invehit cachexiam, nerveam illam quidem, & atonia miserandam, sed quæ interrumpatur; & misceatur turpiter spasmodicis atrocibus, crisl-lationibus venereis, & libidinosis deliramentis. Quamquam fatendum sit, præcipua, quæ iis inde oriuntur mala, utero plerumque peculiariora esse, easque plurimum invadere, quæ viro nondum maturæ, ante ætatem, & crudæ adhuc compressæ sunt. Unde in genere patet venerem foeminis esse multo salubriorem, quam viris, modo non illa remissa sit cum tristissimis animi affectibus, qui quo modo in corpus agant alibi erit exequendum.





DE VENERE.



SECTIO SECTA.



APHORISMUS. I.

NIMIA abſtinentia a coitu, & nimius uſus impediunt perſpirationem : ſed nimius uſus magis.

Coitu nimio perſpirationem minui, viribus fatiſcentibus, & labefactatis coctionibus, obſervationis eſt. Verum abſtinentes a coitu, ſive ob vitæ inſtitutum, ſive ob cupidinis defectum, ſani vivunt; imo. cæteris robuſtiores.

II.

Post coitum immoderatum quarta pars ſolitæ perſpirationis in pluribus prohiberi ſolet.

X

U

VI.

POST nimium coitum cum muliere, quam maxime concupita, non sentitur illico lassitudo; animi enim consolatio juvat tunc perspirationem cordis, & auget ejus robur; unde in ipso, quod amittitur, promptius remittitur.

VII.

PROPENSI ad coitum, si temperent libidinem, illico succedit corporis agilitas; quia tales melius perspirant.

Repugnat hic Aphorismus primo hujus sectionis. Nec minus tamen verus est. Refunditur enim intus vis spermatis retenti; & roborat omnia.

VIII.

IMMODERATUS coitus facit perspirare cruda; quæ deinde carnes frigidas efficiunt.

Fatiscuntibus vasibus, & concidentibus viribus, laxantur pori, fit sudor, & inertia sequitur, debilitatis comes.

IX.

COITUM non nocuisse hæc indicant: urina æque cocta, ut ante; corporis agilitas; respiratio facilior; & idem fere corporis pondus perseverans. Eadem tamen servata, eorum,

344. DE VENERE.
quæ ingeruntur quantitate, & qualitate.

X.

PRÆSENS vulnus immoderati coitus est stomachi refrigeratio; futurum, prohibita perspiratio; unde facile fiunt palpitationes in superciliis, & artubus; & deinde in membris obtinentibus principatum.

Coitus in nervos primario agit, quos convulsive, quotquot sunt, agitatur. Tum vero ventriculum a coitu pessundari quotidiana est observatio. Unde omnes hic enumerati pendent effectus.

XI.

COITUS in æstate magis nocet; non quia corpus magis perspirat; sed quia coctio, cum sit minor, deperditum difficilius resarcitur.

Coitus æstate magis nocet, quia subtilioribus exhalantibus, vires tenuissimo spirituum volatiliu proventus defraudantur; & vix instaurantur ea, quæ fatiscunt.

XII.

IN actu venereo multum crudi perspiratur; & si diu duret cruda transferuntur a centro ad corporis ambitum; fiunt obstructions; & inde alvus supprimitur.

Exer.

Exercitio enim violento comparari potest coitus, in quo crudior materia vehementer agitata quaquaversum sine ordine fertur. Tum profunditur instrumentum coctionis utilissimum.

XIII.

QUANTO quis majori coeundi cupiditate conflagrat, tanto ejus usus immoderatus minus lædit.

Si salubris corporis conditio coitum suadeat, non imaginatio accensa libidine. Alioquin res in casum Aphorismi V. reciderent, in quo loquitur auctor de effectu venerearum cogitationum.

XIV.

COITUS immoderati detrimentum præcipue manifestatur post somnum sequentem; tunc enim ex staticis experimentis cognoscitur, perspirationem esse impeditam; & cibum esse male digestum; nec non stomachum esse læsum.

Ubi amissa ante somnum, soporis beneficio, non fuere restituta, & resarcita: patet naturam, & singulas ejus functiones fuisse revera debilitatas.

XV.

COITUS lædere solet primam coctionem: primo, diminuendo perspirationis promptitu-

346 DE VENERE.
dinem ; deinde , in crudam qualitatem con-
vertendo cibum.

Vide præcedentia.

XVI.

QUI coitu utitur, & sperma non emittit,
minus debilitatur. Itidem, si die sequenti
utatur, & emittat, quod die præcedenti fuit
præparatum, minus debilitatur.

XVII.

ILLI, qui coeundo sperma ex studio non
emittunt, in tumorem testiculorum facile in-
cidunt: sperma enim est imperspirabile.

XVIII.

COITUS immoderatus, post stomachum,
lædit magis oculos.

*Non oculos tantum lædit immoderatus coi-
tus, sed & ipsam mentem. Imo magis dura-
bile ipsi infligit malum; quam oculis, quos
vacillatione potius, & spasmo, quam obscura-
tione percellit.*

XIX.

COITUS immoderatus lædit visionem, quia
ab oculis subducit maximam spirituum co-
piam; inde tunicæ oculorum præduræ, & ru-
gosæ; nec non meatus minus pervii redduntur.

Irre-

Irregularem musculis motum impertit; unde visionis axis subvertitur.

XX.

A diminuta perspiratione fibræ tunicarum oculorum opaciores: inde visio fit per spatia perexigua, qualia sunt in cancellis; specilla uniunt obiecta in cuspidem, ut distincte per unum solum spatium videatur.

Repugnat regulis optices sententia; nihil fixi, aut ad theoriam visus accommodati indicans.

XXI.

A coitu immoderato diminuitur calor naturalis. A diminuto calore, diminuta perspiratio. A diminuta perspiratione, flatus, & palpitatio.

Sub caloris nomine, hic vitæ actio intelligitur; quæ, tum lassitudine fibrarum, tum aliquidi pretiosi sublatione, fatiscit.

XXII.

COITUS immoderatus postulat cibos paucos, & boni nutrimenti.

Alimenta enim viribus proportionalia esse debere ratio indicat.

XXIII.

COITUS calefacit jecur, & renes, quia ex-

citatus calor minus exhalat. Refrigerat vero stomachum, cerebrum, & cor; quia per meatus patentiores excitatus omnino, & proprius aliqua ex parte, propterea resolvitur.

Ex præjudicata antiquorum opinione, orta sententia nihil veri habet, nisi quod collioni officiat stomachali coitus; quod verissimum testatur experientia.

XXIV.

HINC coitus immoderatus in hepate bilem; in renibus nephriticum affectum; in stomacho crudum succum; in cerebro catharrum; & in corde palpitationem, & syncopen, generat.

Hic nulla statere mentio. Axiomata hæc ex Hippocratis, Galeni, & Arabum scriptis excerptis Sanctorius.

XXV.

EDULIA post nimium coitum, si flatus gignant, ut ostreacea, & mustum, pernicioſa; impediunt enim ne ad consuetum pondus corpora reducantur.

XXVI.

MACILENTIS magis nocet coitus, quia magis caleſcunt, & magis refrigerantur.

Fateor minus verum videri axioma; nisi macilentia ab exhausto liquido, naturali pendeat.

XXVII.

XXVII.

COITUS immoderatus illico maxime leve efficit corpus, quamvis deinde perspirationem prohibeat. Est enim vehemens corporis, & animi motus: corporis, quia omnia membra conquassantur; animi, quia resolvitur, quod colligat animum corpori, spiritus scilicet vitalis.

XXVIII.

Si post coitum, somnus laborem facit, ex coitu major facta est ablatio, quam ex somno facta sit vitalis spiritus additio.

XXIX.

Post nimium coitus usum, somnus trahit cruda ad cor: unde languor, probibita perspiratio, ponderis augmentum.

Vires concoctrices in stomacho primum, deinde intra vasa leduntur. A lesa coctione quantum ledatur perspiratio, ex prædictis intelligitur.

XXX.

SENES ex usu moderati coitus fiunt ponderosiores, & frigidiore: juvenes vero, leviores, & calidiores.

Nihil in senibus coctum amittendum. In junioribus sæpe exundat uti se, & plethoram minatur.

XXXI.

XXXI.

CORRUS in juvenibus animalem, vitalem, & naturalem facultatem roborat. Animalem per motum expurgat, & sopitum excitat; naturalem per evacuationem superflui; & vitalem per lætitiā.

Non ideo omni tempore, omni loco, jejunis, aut cum ventriculus uberrimo cibo redundat, aut tono vinoso turget, coitus juvenibus prodesse potest, ut nec fatigatis; aut acri imaginationis vivacitate percussis. Sed salubre corporis robur consulendum, cui si fræna injiciat morum sanctimonia, nullum tot malis caruisse erit periculum.

XXXII.

CIBUS copiosior solito, post immoderatum coitum, interimeret, nisi succederet aliqua ciborum corruptela.

Inertia ventriculi periculosa semper. Salutaris sæpe à coitu præpostero vomitus excitatur. Sin minus, sæpe in diarrhæam putridam abit, vitiosa, & spontaneæ mutationi commissa alimentorum moles.

XXXIII.

DUM est coeundum, parum, vel nihil comedendum. Dum est comedendum, parum, vel nihil coeundum.

XXXIV.

XXXIV.

Si post coitus excessum nulla persentitur lassitudo; malum id, perinde ac in phreneticis, fit ab incensis spiritibus, qui exsiccando, brevi spatio, roborant nervos, & tendines; sed paulo post imminuitur spirituum generatio, & vires derepente cadunt.

*Scilicet a falso, & superaddito tono, quem mens ardore inexhausto alienata concipit, & in corpus refundit. Sed fatisciente per actus exercitium mentis fervore, supervenit illico de-
lassatio ingens, spiritibus exhaustis.*

XXXV.

COITUS juvat, excitatus a natura; a mente, mentem, & memoriam lædit.

XXXVI.

IN debili ob coitum augetur corporis pondus: quia minus perspirat.

XXXVII.

COITUS importunus impedit perspirationem, quia diminuit vires: unde corpus fit majoris ponderis, nisi sequatur alvi fluor.

XXXVIII.

NIMIUS coitus calefaciendo, & exsiccando magnam jacturam facit: si vero insensibili
per-

perspiratione remittatur caliditas, & alimento siccitas, nullam.

XXXIX.

CORPORIS agitatio in coeundo, instar canum, magis nocet, quam seminis emissio. Hæc solum viscera; illa omnes nervos, & viscera defatigat.

XL.

Usus coitus a cibo, & stando, lædit: a cibo, viscerum officia divertit; stando, musculos, & eorum utilem perspiratum dimittit.

Res ex dictis satis enodantur. Theoriam hic Sanctorii refellere, observationes confirmare, facile. Nec credendum huic aliquid circa spurcissimam voluptatem a statera fuisse indicatum.

XLI.

Post motum, coitus infalubris; post cibum, non ita; post somnum, saluberrimus.

In priori casu labori labor additur. In altero parum sibi constat Sanctorius, & experientie, quæ docet a cibo nocere maxime coitum. Sed post somnum, omnibus instauratis, & cocta exundante materia, facilis, imo aliquando utilis seminis jactura.

XLII.

COITUS calefacit jecur, & refrigerat stomachum: a stomacho, crudus succus; a jecore, bilis: unde porracea, & oris morbus. Remedio est victus tenuis, & libera perspiratio.

SE.



SECTIO SEPTIMA.

De Animi Affectibus ad Perspirationem collatis.



INTRODUCTIO.

SI destitueretur animi affectibus homo vegetantium more, vitam duceret uniformem, & legibus mechanicis omnia in corpore viventi regerentur, atque comprehenderentur. Verum longe aliter se res habet. Quantumvis enim ratione retundatur illorum impetus, & ferocientibus frœna injiciantur, nullus est adeo triplici ære Stoicorum instructus, ut non per totum vitæ, quantumcumque est, stadium, illis obsequatur, & motibus imperiosis obsecundet. Ab animi affectibus, vel ipsa corporis exterior structura ita mutatur, ut mentis conditionem intimam in hac externorum lineamentorum mutatione legere facile sit.

His

His furor animi laborantis, oculis, vultu, artuum motu, positura, contractione accurate pingitur. Illis desidia, languor oculos quasi moribundos invadit. Aliis flammam, & furias spirant oculi ardentes, & conceptum sub pectore ignem evomunt. Nec vultus, nec color idem remanent. Fronis, supercilium, genæ, oris motus varii, quid patiat, quo feratur anima depingunt. Hinc pallor, inde rubor, hinc impetus, inde stupor interiora designant. Norunt id Parrhasianæ, aut Phidieæ artium affecta; ad id mentiendum, scenici Mimæ vultum variis torsionibus pro lubitu immutare student, quod nunquam tamen accurate æmulantur, nisi dum vultum conantur fingere, mentem ipsam prius sibi imaginationis vi perculerint.

At pro diversa corporis conditione eadem prorsus actio oppositos exerit effectus; ita sæpe pedibus timor addit alas, sæpe contra fugam præpedit. Ira, furor brevis sæpe actionem prodigialiter auget, aliquando immobilem, & deliquio proximum præstabit hominem; causa eadem, effectus primarius idem, sed diverso gradu, spasmus, levis actuosior vitam reddit, maximus nimia tensione omnem suppressit ad agendum facultatem.

Quodcumque mentem afficit, & nunc angit, nunc percellit lætitia, in corpus quasi reflectitur. Cum vero quæcumque mentem, & ab ea corpus commovent, vel læta sint, vel

vel tristitia, vel ἀδιάφορα, seu indifferentia, ea vero, quæ indifferentia vocantur, hominem de statu naturali nullatenus deturbent, sequitur ut omnes pathematum quorumlibet impressiones in duo dividantur genera, quorum aliæ placent, juvant, & lætæ sunt; aliæ odiosæ sunt, & horrendæ, mæstitiamque inferunt. Quorum ut impressio in mentem sibi directe adversa, & contraria est, ita in corpus effectus debent etiam inter se contrarii nasci, & agnosci.

A lætis affectibus, nisi vehementibus, & ultra rationis modum proVectis, nil triste potest expectari. In iis tonus augetur, intenditur, & omnes crescunt actiones. Coctio plenius, & melius peragitur, secretionnes liberius decurrunt, & fiunt alacrius: perspiratio ergo plenior, & liberior fit, quam si vita a pathemate quolibet otiosa quasi feriatur; sed soli se regendam tradat mechanismo. Hinc eo modo affectis pulsus plenior, uberior, laxior, vita actiuosa, vultus colore florido nitidior, oculi vivaces, omnia denique sanitatis signa exuberant, & quamvis tonus auctus sit, & ad actiones alacritas aucta, tamen nulla apparet erethismi nota, quia per omnes artus æque diffunditur lætitiæ actio, nec ullum præ alio occupat. Si tamen immodica illa, & inexpectata in homine spem præverterit, & rationem superaverit, aliquam convulsionis ideam, & faciei, & re-

& respirationi inservientibus musculis infundet; unde risus, brevi in omnes artus diffusa pace diffusibilis. Certe difficile est augurari quid nocementi risus immodicus ad perspirationem asferre possit, nisi quatenus circuitui ponit obicem, qualia aliqua fabulosa apud antiquos proferuntur exempla; sed risus ille, seu convulsio læta subitanea, nunquam perdurare potest, cum ab aliquo stupore pendeat, nec animi affectus etiam lætissimos comitetur, si non ab improvisa, & quasi absurda causa concitetur. Lætitiam igitur, & lætos affectus, in universum, & semper, ut sanitati conducere, sic & perspirationem juvare fatendum est.

Verum ea, quæ mentem e fœlicitatis statu dejiciunt, animi pathemata, eamque aut odio incendunt, aut mærore conficiunt, in tristissima animi conditione duplici tamen ratione videntur, utraque a se abludente, agere. Alia enim vivida sunt, & impetum enormem referunt, ut ira. Alia contra sunt lenta, & enervant, ac inertiam videntur infundere, ut mæror, ac terror. Qui motus animi quamvis multum inter se differant, in illud tamen consentiunt, quod spasmus habeant pro effectuum causa in prioribus evidentem, & sensibus obvium, in posterioribus reconditum, nec nisi meditantì deprehendendum.

In ira quidem, & furore, caput præcipue
in.

incenditur, & quamvis antiqui bilem, & jecur, pro prima spasmi sede in iratis habuerint, Homero teste, videtur sanguis præ subito cordis, & vasorum spasmo ad caput deferri: unde vulgo rubescit facies, pulsant carotides, jugulares venæ turgent, & sæpe e naribus præsertim juniorum profunditur sanguis. Quamvis ergo aliquando pro summa spasmi vehementia facies pallore livido inficiatur, nihil tamen impedit quominus hærentiam sanguinis agnoscamus, spasmo enim constricta vasa, nihilominus pro ratione arctati voluminis turgent; imo nunquam majus imminet apoplexiæ periculum in plethoricis, quam si sese sinant ira, & furore extrarationis limites abripi. Nec minus spasmi præsentiam detegere facile erit in impossibilitate ad actionem, quæ sæpe immanes iras comitatur, cum id omnibus animi pathematibus commune sit, ut jam diximus, (imo ipsi saluberrimæ lætitiæ); ut si modum excesserint, omnem præpediant actionem, spasmo ab summum adducto.

Metuendos maxime post arcem capitis spasmi effectus experitur cor, quod quasi stringitur, & actionem recusat æquabilem. Unde vehementissimis animi motibus, quando mors repentina supervenit, ut, si non adeo forti affectus gradu, visa est, alci catalepsia. Corde scilicet affecto in dolore casu cessabat respiratio, in posteriori vero compressum ab

arietante sanguine laborabat nervorum principium. Nec inusitatum est, aut inauditum ingentes bilis viridescantis fluctus ab ira percitis hominibus antea sanissimis effusos fuisse, unde turgere in iratis splendidam, vitreamque bilem ab antiquis etiam poetis decantatum est; quod nobis nihil aliud indicat, nisi jecur ipsum spasmo, in ira illa præter rationem concitata, affici vehementissime. Verum in tantis concussibus ipsa sua vehementia cito finiendis, nihil est, quod ad perspirationem dogmata nobis nova suppeditet. Certe, si perspirationis tempore furor ille incidat, nulla est, quæ non abnormem experiatur mutationem vacuatio, quæ suppressi non possit. Aret enim cutis in omnibus simili ratione affectis. Aliunde, fusdeque aguntur functiones omnes, coctiones omnes pervertuntur, & præclare cum machina actum erit, si pleno ventriculo contenta evomantur. Secus novum inde character chylaceis liquoribus induceretur; & quasi inchoata fermentatione, necdum absoluta, illi vappescerent. Verum cum, quod tanto impetu desavit, cito leniatur, nec ira furans, nec mæror ille, qui dum totum hominem concutit, ac prosternit, spasmos horridos circa thoracem, & cor concitat, simulque pallorem vultu, tremorem in artubus, & convulsivos motus præsertim in mulieribus accedit, aut demum terror ille, qui hominem actione deficit, ipsique

vel

vel fugæ potestatem eripit, dum artus omnes quasi alligat, & cordi palpitationem infert, tantum ad perspirationis negotium conferunt, quantum, quæ remanet post primos illos impetus, pessima in corpore dispositio, seu chronica, & lenta affectio, quæ motus animi excipit, cui idcirco immorari nostri est instituti.

Ira ubi desæviit, causa tamen vivace, & intus animum tortore flagello remordente, remanet in homine vindictam spirante tonus fibrarum auctior, sed tristitiæ junctus. Hinc licet vires additæ sint cordi, & sanguinis circuitus plenior, ac vividior sit, inæqualis tamen vulgo remanet ille, & quasi mentis intimo statui responsans, quam nunc ratio moderatur, & compescit, nunc illatæ injuriæ memoria in ignem, & furias concitat. Circulatio ergo licet fortior sit, non ideo tamen liberior dici potest, imo & in minimis vasis, ad cutem præsertim, & secretiora vasa, qua præsertim actio magna nervea est, constrictio quædam, & erethismus reperiuntur. Hinc vulgo cutis in his arida est, alvus sicca, & si perspiratione integre suppressa ingens urinæ vis exilit, aquea est illa, qualem hysterica, & hypocondriaci emittunt. Præterea vero cum fortiter caput occupetur, & prætermodum laboret, fluctuans vario idearum æstu, illud accidit, quod experientia sola demonstrat, pro unius intensiōe, cæteras languere functiones. Hinc vitian-

tur, seu potius tarde, & lente conficiuntur coctiones; secretionefque tum proprio organorum erethismo, tum advectæ materiæ vitio, prorsus turbantur, & imminuuntur. Licet ergo sæpe ardor immanis interiora viscerum comburat, & depascatur, exteriora frigent, & pallescunt, miscenturque in uno, & eodem homine hinc febrilis ardor, illinc glaciale frigus ad sensum saltem, nam sæpe frigus illud thermometri testimonium respuit.

Fatendum quidem est symptoma illud plus debilibus competere, quam robustis; quamquam in debilitate illa, qualis est v. g. muliebris, sæpe ira memor convulsiones arceffat immanes, & abnormes, quandoquidem omnia sentit vividius debilitas fibræ gracilioris, & validius persentita a mente in corpus impressionibus omnibus patens, reflectit fortius.

Verum quaecumque symptoma affectent reliquiæ illæ iræ vivacis, remanet tamen pristinum character, quo cor ipsum præcipue stringitur, atque afficitur. Unde tam sæpe longa respirationem interrumpunt suspiria, & pulmone laboranti, sanguinique irritis conatibus in cor arietanti quoddam subsidium præstant.

In hoc vero functionum tumultu minui, simul & pejorari perspirationem necesse est; qua vero quantitate difficile est experimentisprehendere, cum certe naturæ contemplationi hoc modo affectus vacare vix apte possit,

fit, omniaque vel expetenda maxime, præter animi affectum, parvi pendat vere melancholicus. Sed summa certe copia ipsam minui, &, ut in hysterics, non minui solum, sed repelli, inde augurari fas est, quod in ple-
risque ita affectis urina aquea exundet. Inde pessima est corporis conditio, quæ cito mor-
bos accersat, ira memor, si præsertim dum
intus exardescit, extus aut terrore, aut vere-
cundia comprimitur. Distrahuntur scilicet
quasi in contrarios excessus fibræ nervæ, &
colluctantur, unde omnibus functionibus in-
gens labes afferri debet.

Nec multum dissimilis est, quæ a perse-
verante terrore nascitur in corpus impressio.
Minus est quidem in formidine actuosus, sed
plus inest stuporis. Unde spasmo alligata actio,
fallacem mentitur atoniam. Id etiam terrori
perseveranti inest, quod spasmis omnibus, ut
natura illis sensim quasi affluescat, hinc causa
eadem remanente, prioribus metus invadentis
temporibus, multo plus afficietur animus,
per temporis vero efficaciam mitescet admo-
dum. Sed dum stupent corpora, animi for-
midine afflicta, atque prostrata, languor om-
nium partium ad sensum evidens, larva faci-
le deprehendenda mentitur atoniam. Hebescent
quidem artuum actiones, oculi quasi morien-
tium pallidi, pulsus ipse tardus, actionem
cordis languescentem exprimit, & respiratio
suspitiis luctuosa postulat addi languenti pul-

monum actioni quasi calcar, & subsidium: Verum etsi regulares, & ex naturæ instituto conficiendæ actiones plus languoris exhibeant, spasmodica tamen vincula adesse declarant, & pallor in constricta facie tinctus viola, ab hærente in venas sanguine, admodum variabiles, & leves musculorum in artubus trementibus subsultus, & cordis vel ad minimum motum palpitatio, & anhelitus, imo & veræ in debilibus convulsiones; unde patet eandem esse agendi rationem, licet diversa sint, imo quasi opposita phænomena in variis naturæ affectibus; spasmus scilicet semper subesse, a quo tardentur functiones omnes, & perspiratio labem accipiat, nulla arte nisi levatione causæ torquentis reparabilem.

O terque, quaterque felices, quos procul ab invidiæ, furentis iræ, mætoris stimulis mordacibus, ab animi affectuum vehementium contagio sub Ægide sophiæ securos, non otium turpe, non vita deses, præstitit, sed altiorum sapientiæ fontium tractatio atque meditatio. Quanquam enim exercitia animi moderate sumpta nullatenus corporis moti exercitiis æquiparanda sint, aliquam tamen utilitatem corpori præstant illa, cum fibras quasi arrigant, eisque tonum impertiant. Otiari quidem videtur corpus, imo & torpere, & in summa animi attentione totum in animam converti, seponique a terrena face credideris. Verum stupor ille, undique æqualis, actione non vacat,
& mul.

& multum discrepat ab otio mentis, & corporis, quod vel ipsa pulsus inter utrumque differentia indicat. In priore enim subest tensio; & arrectio quædam organorum omnium quasi ecstática, & latenter actúosa, quæ omnino deficit, elanguescens prorsus in otioso. Hinc etsi mentis profunda in meditatione demersæ labores assidui, nec interrupti possint corpori nocere, secretionibusque, ac perspirationi moras injicere, ut statera Sæctoriana docuit, eorum tamen effectus, cum mentis affectuum tristium effectibus, nullatenus confundendi sunt. Laboris enim illius, qui sine animi angore, & studio fit, impressio fugax est, imo peracto labori succedit hilaritas, & alacritas illa, quæ semper facti optimi, & laudabilis conscientiam sequitur. Contra vero animi mærentis, aut territi affectus semper sub pectore vivit, & anxia perpetuaque cura remordet; nec sine aliqua præteriti erroris conscientia compositus. Adedque mæroribus, & terrori minor in integrum vitæ, scelerisque purum impressio, cum id certe, vel inter maximas ærumnas, sceleris sit nil sibi conscire. Hinc etiam maxime periculosi sunt labores animi, qui cum mærore fierent, & circa res mæstas versarentur, aut quos pressio pede comitaretur terror, animum, & attentioni imparem reddens, & curis anxium, quales sunt plerique litigantium labores. Jungitur enim in hoc casu,

notante Sanctorio, *labori affectus*. Animi contra labores, sine animi affectu, sed cum ejus placiditate compositi, ut sunt legum, atque ethices, aut naturæ contemplatio, si ratione duce, & mediocritate auspice instituantur, & labori quies moderata jungatur, inter saluberrima, ut menti, sic & corpori, exercitia recensenda sunt; etenim, licet aliud Celsus docuerit, labor ille sine animi violento affectu tonum addit partibus ad animal constituendum præcipue destinatis, & si concoctionibus officere visa est nimia animi attentio, & contentio, quod illa abstulit, restituit hilaritas, quæ labores illos excipit, sicque, ut verbis Ciceronis utar, studia illa litterarum *juventutem ornant, senectutem oblectant*.

Aliunde vero docet satis ars nostra salutaris, quæ sint concoctioni danda tempora, quæ concedenda quieti, & demum quid laboribus nostris impertiri licitum sit, ita ut eo demum recidat regula, quam sibi litterati proponere debent, ut nihil omnino nimium sentiantur, cæteris neglectis, quod & ipsa indicat ratio.


Ventriculo scilicet pleno, & jam inchoata illa stomachali, si ita loqui fas est, fermentatione, languent omnes, quæ ad concoctionem abdominalem non conferunt, functiones, rubet facies, & torpor artus occupat, nec mens sibi constat, nec imaginatio valet sibi
depi-

depicta objecta aliis conferre, imo urget sæpe sopor ineluctabilis; scilicet tota novo proventui, & prorsus a se alieno invigilat natura, eumque subigit, & in suam effingit formam. Quæ quidem phænomena, in sobriis, & fortibus ita levia, ut vix advertantur, post cœnas dubias, & in debilibus maximum vehementiæ gradum emetiuntur, ita ut verum figurent morbum, & sæpe febre quadam excipiantur. Hoc porro tempore omnis immodica animi attentio, quasi naturam ab instituto opere diverstat, pessima est; coctionem tardare nata, imo & ipsa ad laborem difficultas, ejus inopportunistum usum facile persuadet. Præterea, quæ legentibus, aut scriptitantibus familiaris est corporis positura, nocet stomacho, materiæque intra ventriculum cohibet, putrescendas, aut saltem vix mutari compotes. Hinc non tardatio coctionis solum, sed etiam varia chyli crudi vitia. Post scenam hanc primariam, nec ventriculo adeo tumefcente, sæpe calor per totam diffusus machinam febris æmulus infirmos a labore avocat, sed pluribus, & mediocriter etiam robustis competere potest labor animi levis, ille saltem, qui memoriam exerceat, qui visa, audita, intellecta, conferat inter se, sed nondum capeffat grandia, & in altos sese immergat scientiarum fontes inquirendos. Dissita ergo debent esse a concoctionis laboribus studia illa acria, quæ

quæ mentem totam sibi postulant, eamque ita occupant, ut a corpore vacare videatur. Ubi vero prima, & secunda coctio peractæ sunt, tunc demum salutare est menti opima præbere pabula, tunc licet litteris indulgere, animum a corpore semovere, & ad patrium, cœlestem scilicet, nitorem arduo conatu evehere, & attollere. Tunc ipsæ corporis functiones recreabuntur, & firmabuntur illo exercitii genere, pluribus etiam ad sanitatem constituendam necessario. Sæpe enim reperire est viros graves, & litterarum cultui deditos, qui, si laboribus suis caruerint, illico perversæ sanitatis mala experiuntur, deficiente alacritate illa, quæ optimæ sanitatis, ut signum est, sic & norma. Nec minus vero integra, & sarta servabitur alacritas illa, si sæpius instituta studia studiis aliis immutentur: est enim, ut proverbium ait græcum, *mutatio laboris, quietis quædam species*.

Ex his autem intelligitur cur Boerrhavius maxime salutarem corporis eam conditionem vocet, quatenus a mente pendere illa potest, in qua speramus. Quod & ante illum illustri pronuntiaverat Verulamius, quia scilicet spes non fallax animum veraci stimulo objectat, nec tamen omnem eximit metum, aut prudentiam ablegat. Ad spem enim nati sumus, quæ, si nos in cæteris fallat, tamen melioris vitæ numquam defraudabit opinione, ut verissima, sic & dulcissima.

DE



DE ANIMI

AFFECTIBUS.



SECTIO SEPTIMA.



APHORISMUS I.

INTER affectus animi, ira, & pericharia, corpora efficiunt leviora; timor, & moestitia, graviora. Cæteri vero affectus, ut his participantur, operantur.

Corpora efficiunt leviora illi animi affectus, qui actionem cordis, & arteriarum augent, motumque, & tonum intendunt. Qui contra stuporem nervis inducunt, motus etiam vitales tardant, atque liquorum cursum morantur, eos gravitatem facere necesse est. Quæ actionis contrarietas omnes inter se affectus animi discernit, atque discriminat.

II.

II.

MÆRORE, & timore, perspirat levius; ponderosius vero relinquitur. Lætitia, & ira, utrumque.

Exhalat scilicet, quod levius est, & vaporum stricture coerceri nequit.

III.

HINC timentes, & mœrentes facile obstructions, partium duritiem, & affectus hypochondriacos patiuntur.

IV.

QUI ira, vel lætitia afficiuntur, nullam in itinere defatigationem persentiunt. Eorum enim corpora facile crassum perspirabile exhalant. Quod non accidit, dum mœrore, vel timore vexantur.

Tono scilicet fibrarum aucto, circuitu vividiori, promptiores, & faciliores fore motus, prælagire facile est. Hinc liberior perspiratio, ut effectus non ut causa, in hocce animi statu, spectanda.

V.

PERSPIRABILE ponderosum plus justo retentum ad mœstitiam, & timorem; leve vero ad lætitiâ, vel iram disponit.

Sci-

Scilicet diffidentiam parit corporis pondus; fiduciam contra inspirat alacritatis, & virium integritas.

VI.

NIHIL magis reddit liberam perspirationem, quam animi consolatio.

VII.

MÆSTITIA, & timore, facile membra humore referta durefcunt.

VIII.

MÆSTITIA, & timor impediunt perspirationem crassio rem excrementorum perspirabilem. Et perspiratio impedita a quacumque causa, mæstitiam, & timorem facit.

IX.

MÆSTITIA, si diu duret, carnes frigidas facit: impedit enim, ne perspirabilem crassa, & frigida portio exhalet.

Tardato circuitu, alligataque activitate, functiones elanguescunt, & minus caloris producitur, hærent ergo in vasorum minimis mæandris crassa, minori propulsa impetu.

X.

HINC febris, quæ post longam mæstitiam suboritur, sudores frigidos, & ut plurimum lethales molitur.

XI.

XI.

ACRIMONIA perspirabilis retenti ob mœstitiā, commodē aufertur a pericharia: funduntur enim humores suaves; & deinde a corpore pondus, & acrimonia tolluntur.

Contraria enim tolluntur contrariis, nisi tamen vitium a causa diversum, enatum fuerit.

XII.

IRA, & spes auferunt timorem; & lætitiā, mœstitiā. Passio enim animi non medicinis, sed alia passione contraria superatur. Contraria enim; sub eodem genere,

XIII.

NON implicat, perspirabile melancholicorum retentum esse frigidum, & acre, seu calidum; tale est jecur hydropicorum febricitantium. Frigidum videlicet, respectu caloris naturalis; calidum respectu adventitij.

Acredo, cum inertia stagnantis humoris, melancholiam; seu atram bilem efficit ex omnibus, quos corporis putredo generare potest humoribus, pessimum. Pessimum enim est, stagnans liquidum spontanea corruptione colliquescere. Hanc enim putredinem nullæ in natura vires exsuperant. Sed contra, pessundat hæc omnia, & vires in ipsa sua arce præterit.

XIV

XIV.

MORBI a melancholia, & ab aere cœnoso; in hoc conveniunt, quod immediate oriuntur a crassitudine perspirabilium retentorum. Mœstitia enim intrinsecus impedit, ne exeat crassum; aer cœnosus, extrinsecus.

Aer cœnosus, sive cum frigore humidus, fibras ad actionem inertes facit, & liquorum stagnationi favet. Idem efficit mœstitia, quæ spasmo stuporem inferente, circuitum alligat, & vires proterit. Hinc tot mœstis suspiria.

XV.

QUI eunt cubitum cum mœstitia, nocturnius perspirant; atque die sequenti corpora eorum conservantur solito ponderosiora.

XVI.

IN meditationibus venereis cum mœstitia, excrementorum perspirabilium portio crassa retinetur, quæ, evolante tenuiore, adhuc crassior, & frigidior fit. Hæc si colligatur, fere invincibilem inducit frigiditatem in capite, palpitationem curatam difficilem in corde, vel aliis membris.

Amor mœstitiæ junctus, vera mœstitia est, assidua meditatione, & cupidine indefessa tristior facta. Hinc idem effectus est, ac mœroris. Nisi quod nervi tæpigine venerea afficiantur, & quasi erigantur.

XVII.

XVII.

MELANCHOLIA duplici via superatur, vel libera perspiratione; vel aliqua continua animi consolatione.

Libera perspiratio, non nisi a cessatione causæ melancholiam inducentis, adeoque nullatenus sine animi consolatione revocari potest.

XVIII.

Si post mœstitiam corpora fiant leviora, quam post lætitiā, id ex necessitate fit, vel ob minorem ciborum quantitatem; vel ob eorum qualitatem magis transpirabilem,

XIX.

ANIMI consolatio, quacumque de causa fiat, aperit meatus, & largam perspirationem facit.

XX.

Si post iram statim sequatur animi consolatio, vel vice versa, corpora, data paritate eorum, quæ ingeruntur, die sequenti fiunt leviora, quam si sola ira, vel lætitia perseveraret.

Affectuum enim contrarietate factum fuit, ut hinc erethismus actionem prætermodum auxerit; illinc, restituta meatuum libertas evacuationem effecerit uberiores.

XXI.

SICUT magna aliqua voluptas aufertur per magnam spermatis evacuationem; sic omnes alii immoderati animi affectus per aliquam evacuationem perspirabilium possunt diminui, & auferri.

Hinc

Hinc profuit aliquando vehementibus animi affectibus hæmorrhagia, aut sanguinis missio vasa laxans.

XXII.

TIMOR, & mœstitia, ut ex staticis colligitur, per evacuationem excrementorum crassiorum perspirabilium; ira, & perichæria per tenuium auferuntur.

Timor, & mœstitia coctionibus præsertim efficiunt; imo & bilis secretionem intercipiunt. Unde effectus eorum nunquam melius, quam alvi bilioso fluxu, tolluntur. Quod de ira vehementi etiam aliquando verum.

XXIII.

Si quis sine causa sentiat se hilarem, id a magis aperta perspiratione fit; & ejus corpus die sequenti minoris ponderis invenitur.

XXIV.

LÆTITIA moderata, insensibiliter evacuat solum superfluum: immoderata, superfluum, & utile.

Vide sectiones præcedentes.

XXV.

MODERATA juvat coctrices facultates; natura enim, non gravata superfluo, longe melius suorum officiorum munera explet.

XXVI.

IMPROVISUM gaudium magis nocet, quam prævisum: non enim solum movet exhalationem excrementorum tertiæ coctionis, ve-

374 DE ANIMI AFFECTIBUS.

rum etiam spirituum vitalium. Prævisum vero, excrementorum tantum.

Tonus fibrarum moderate auctus actiones intendit, quas nimius supprimit. Hinc nimia lætitia magni Leibnitii neptem, actionibus omnibus continuo suppressis, extinxit.

XXVII.

LÆTITIA, & ira auferunt e corpore, quod ponderat, & levitat; mœstitia, & timor, solum quod levitat; quod ponderat vero, relinquitur.

Obscura hæc sententia ex præcedentibus intelligitur.

XXVIII.

LÆTITIA perseverans per multos dies somnum impedit, & vires dissolvit.

Nisi enim tono naturali succedat atonia naturalis soporifera, vires non reparantur, & concidunt.

XXIX.

Si quis post moderatam lætitiā sentiat se leviozem, id non oritur principaliter a totius evacuatione, sed a cordis, & cerebri; ubi quod evacuatur est mole minimum, & virtute maximum.

Theoria Sanctloriana, experimentis ejus non equiparanda, vix aliquam meretur enodationem.

XXX.

EDULIA, quæ aperiunt, gaudium; quæ vero impediunt perspirationem, mœstitiā movent.

Quæ

Quae levia sunt alimenta, tenui conflata mucagine, coquuntur facile, nec vires gravant. Hinc corpus leve, & mens alacris. Quae difficile coquuntur, ex partibus conflata vix divellendis, gravant, vires occupant, corpus minus agile reddunt, mentisque bebetant actionem. Hinc perspiratio male cocta, male morata, & sanitati lates inflicta.

XXXI.

SELINUM, & cœtera aperientia, gaudium; legumina, carnes pingues, & cœtera incrassantia, & statim repletia meatuum cavitates, mœsticiam inducunt.

XXXII.

Si evacuentur cavitates meatuum, & deinde statim repleantur, recte dixit Hippocrates malas animi passiones fieri.

XXXIII.

QUIBUS prædominatur ira, exercitium immoderatum valde nocet: citissime enim illorum meatus fiunt cavi, & magno impetu replentur. Unde Hippocrates, in biliosis frictions, & palæstram vituperat.

Hujus, & precedentis Aphorismi sententiae obscuræ sic intelligantur. In violentis animi pathematibus, statim fit ingens, & spirituum, & tenuium, perspirabilium humorum vacuatio. Si eam statim exercitio intendere volueris, addetur vacuatio vacuationi, & malum malo. Si vero statim cibo vires reparare sine modo, & mensura contenderis, pondus nimium vir-

376 DE ANIMI AFFECTIBUS.

bus additur exhaustis. Unde mala nascetur coctio, & omnia ejus vitia.

XXXIV.

In otioso corpore, & animo, meatus non redduntur cavi, nec malæ animi passionibus fiunt.

Otioso animo, plerumque corpus belle se habet. Sed otioso corpore, metuenda aut plethora, aut cacoehymia.

XXXV.

CORPUS quiescens magis perspirat, & minoris ponderis fit, si animo vehementer agitur, quam si celerrime corpus moveatur, animo permanente otioso.

Desunt experimenta; nec gradus facile conserri possunt. Certe qui mentis exercitiis defatigantur, non adeo facile per quietem sanantur. Nam mentis exercitia nervos afficiunt; coctiones pessundant, si immoderata sint; & vite brevius efficiunt curriculum.

XXXVI.

MUTATIO corporis diutius alterat animum, quam ipsum corpus.

XXXVII.

PASSIONES animi versantur circa internum subjectum, quod magis movet, quam movetur, quippe mole minimum, & virtute maximum, ad instar seminis; quodque vario modo dispositum; perspirationis, seu gravitatis, & levitatis est origo.

Scilicet, per animi affectus, quod tollitur,

& exhauritur e corpore, tenuissimum mole, ut & evasculum maximum est. Auferitur e corpore, quod perfectissime elaboratum fuit; simulque instrumenta ad eorum renovationem maxime necessaria, debilitantur. Unde debilitas, ab utraque causa.

XXXVIII.

CORPORA, quæ perspirant plus solito, non propter motum corporis, sed propter vehementem aliquem motum animi, majori cum difficultate ad solitam, & salubrem perspirationem reducuntur.

Non enim auferuntur tantum de corpore subtilissima; sed & eorum elementa vitiantur.

XXXIX.

MAGIS nocet nimius animi affectus, quam nimius corporis motus.

XL.

CORPUS marcesceret, & otio periret sine animi motu; sed non vice versa.

Vide XXXIV.

XLI.

MOTUS vehemens animi differt a motu vehementi corporis: hic, quiete, & somno; ille, nec quiete, nec somno cessat.

Vide XXXV.

XLII.

QUI vehementer ludo lucrari cupiunt, non ludant: quia si semper vicerint, ob perichariam ducunt noctes insomnes; & tandem coctorum perspirabilium exhalationem amittent.

XLIII.

XLIII.

VICTORIA moderata salubrior, quam gloriosa.

XLIV.

STUDIUM, in affectuum animi mutatione diutius toleratur, quam sine affectu, vel affectuum mutatione: perspiratio enim fit moderatior, & salubrior.

Studium, id est animi contentio ad aliquod objectum, pro labore animi habendum est. Cui si jungatur affectus, agit animus, simul accipitur. Unde duplex viribus exhauriendis causa concurrit. Et inde varietas Sanctorianorum dogmatum intelligitur.

XLV.

STUDIUM absque omni affectu, vix horam perseverat, cum unico affectu, vix quatuor horas; cum affectuum mutatione, ut in ludo alearum accidit (in quo modo gaudium ob lucrum, modo mœstitia ob damnum experiuntur) die, noctuque perseverare potest.

XLVI.

IN omni studio perennis tristitia bonam cordis constitutionem, evertit; & excessus lætitiæ somnum impedit. Omne enim nimium naturæ inimicum.

XLVII.

NUNC hilares, nunc mœsti, nunc iracundi, nunc timidi, perspirationem magis salutarem habent, quam qui unico, licet bono, semper gaudeant affectu.

XLVIII.

LÆTITIA, diastolem, & systolem efficit
faciliores; mœror, & mœstitia, difficiliore.

F I N I S.



T A B U L A.

IN Prima Sectione agitur de Ponde-
ratione insensibilis perspirationis. pag. 47

In 2. De Aere, & Aquis. 145

In 3. De Cibo, & Potu. 211

In 4. De Somno, & Vigilia. 269

In 5. De Exercitio, & Quiete. 315

In 6. De Venere. 341

In 7. De Animi Affectibus. 353

EXPLANATIO TABULÆ,

Quæ extat in principio hujus Operis.

APHORISMI, qui continentur in libro Staticæ nostræ, aliquot jam per annos in lucem edito, veritate comprobantur ex usu istius sellæ.

Ex qua duo beneficia colligimus; primum quanta quotidie fiat corporis nostri perspiratio insensibilis, qua non recte perpensa vana ferme redditur Medicina; namque ob justo paucio-rem, vel largiorem perspirationem omnes fere malæ valetudines fieri solent.

Secundum in hac sella sedendo facile inter comedendum animadvertimus, quando pervenimus ad debitam cibi, & potus quantitatem, ultra vel citra quam lædimur.

Sella accommodatur, sicuti in hac figura apparet, in qua statera ad riga supra cænaculum in loco abdito est appensa, propter proceres, quia cubiculi gratiam tollit, ac propter indoctos, quibus omnia insolita videntur ridicula: Sella vero digiti interstitio a pavimento elevata manet stabilis, ne facile quassari possit.

Dum igitur ob cibum ingestum ad debitum pondus, & mensuram antea præscriptam devenimus, tunc stateræ extrema pars paululum attollitur; ac una sella illico paululum descendit: Hic descensus est ille, qui statim admonet sedentem ad debitam ciborum quantitatem pervenisse.

Quænam vero ciborum salubrium quantitas, seu pondus unicuique conveniat, & quanta in singulis corporibus debeat esse perspiratio insensibilis, quæ per sellam commode perpenditur, ex lib. nostro de Statica Medicina quisque facile intelliget.





